

菩薩善戒經卷第一

宋劉賓三藏末都跋摩譯

維

菩薩地序品第一

如是我聞一時佛在舍衛國須達多
 精舍祇陀林中與大比丘僧五百人
 俱菩薩千人尔時世尊即告无量諸
 菩薩言誰能於此後惡世時受持擁
 護阿耨多羅三藐三菩提誰能護法
 誰能教化一切眾生尔時弥勒菩薩
 即從座起偏袒右肩右膝著地長跪
 叉手白佛言世尊我能於後惡世之
 中受持擁護阿耨多羅三藐三菩提
 能護正法能化眾生師子菩薩復作
 是言世尊我亦能以種種方便攝持
 眾生金剛菩薩言世尊若有眾生當
 墮二惡道我能遮持令不墮落文殊
 師利復作是言世尊若有眾生凡所
 求索我悉能令一切具足智幢菩薩
 復作是言我能惠施眾生大智法幢
 菩薩復作是言世尊我能以法普施
 衆生日光菩薩言世尊我能施於衆
 生安樂月光菩薩言世尊我能教化

一切眾生令修福德善護菩薩言世
 尊我能教化一切眾生令不放逸無
 盡意菩薩言世尊我能教化一切衆
 生志令知見无盡界義月子菩薩言
 世尊我能惠施一切眾生无上安樂
 善月菩薩言世尊我能施於一切衆
 生安樂之因觀世音菩薩言世尊我
 能救護眾生怖畏得大勢菩薩言世
 尊我能令彼未度者度衆善菩薩言
 世尊我能令彼不調者調善意菩薩
 言世尊若有眾生墮在畜生我能教
 化令其調伏不樂菩薩言世尊我能
 施於愚者智慧光聚菩薩言世尊我
 能令彼下根之人令得上根不諦菩
 薩言世尊我能示彼狂者正道樂見
 菩薩言世尊我能施於無量眾生无
 量安樂釋幢菩薩言世尊我能令彼
 受苦眾生常憶苦事不可思議解脫
 菩薩言世尊我能令彼餓鬼眾生遠
 離飢苦聖光菩薩言世尊我能令彼
 不調者調維摩詰菩薩言世尊我能
 壞彼眾生疑心光明菩薩言世尊我
 能開塞三惡道門金剛功德菩薩言

菩薩善戒經卷第一 第二張 維

世尊我能令彼異解眾生悉作一解
 無量行菩薩言世尊我能施彼衆生
 无漏之道無所畏菩薩言世尊我能
 壞彼種種怖畏寶功德菩薩言世尊
 我能顯示一切眾生功德寶藏善意
 菩薩言世尊我能以此微妙軟語調
 伏衆生淨光菩薩言世尊我能以愛
 調諸衆生寶賢菩薩言世尊我能令
 彼一切眾生憶過去世高貴德光菩
 薩言世尊我能令彼勤修精進善功
 德菩薩言世尊我能令彼苦惱衆生
 悉得解脫寶手菩薩言世尊我能施
 彼無量眾生種種諸寶意珠菩薩言
 世尊我能壞彼衆生貧窮破結菩薩
 言世尊我能壞彼衆生煩惱金光明
 菩薩言世尊我能示彼邪爲衆生真
 實之道功德色菩薩言世尊我能令
 彼諸乘衆生皆住一乘法意菩薩言
 世尊我能令彼志得法眼金剛子菩
 薩言世尊我能壞彼衆生惡業法增
 菩薩言世尊我能如法攝持衆生无
 名菩薩言世尊我能令彼一切衆生
 遠離三毒月勝菩薩言世尊我能示

菩薩善戒經卷第一 第三張 維

彼衆生善方便師子意菩薩言世尊我能以法施於衆生師子吼菩薩言世尊我能破壞衆生疑網香象王菩薩言世尊我能於後惡世之中示衆生夢令壞煩惱亦時舍利弗作是思惟甚奇甚特諸菩薩事不可思議復白佛言世尊者有菩薩勤修精進具足方便而能種種利益衆生世尊如是等菩薩摩訶薩衆生云何乃從是人乞索頭目髓腦血肉及諸所須世尊我今定知如是乞者即是菩薩摩訶薩也佛言善哉善哉舍利弗實如所言唯諸菩薩乃知菩薩實非聲聞緣覺所及舍利弗菩薩摩訶薩雖復現佛種種神足終不捨於菩薩之心舍利弗若有長者生憍慢心菩薩現作長者之像破彼慢故若至那羅延及端正人有憍慢者志現其身壞其憍慢若得聖法示以大乘何以故離一解脫更無異解脫故是故名如來舍利弗在家菩薩修集二施一者法施二者財施出家菩薩修集四施一者筆施二者墨施三者經施四者說法

菩薩善戒經第一卷 第四張 維

施出家菩薩具足成就是四施已能調其心破壞憍慢修集忍辱舍利弗出家菩薩具足忍辱則能受持菩薩禁戒又復具足三種惡施乃能受持菩薩禁戒一者施二者大施三者無上施施者於四天下尚不憚惜況於小物是名為施大施者能捨妻子无上施者頭目髓腦骨肉皮血菩薩具足如是三施乃具於忍具是忍已則能受持菩薩禁戒舍利弗菩薩欲受菩薩戒時先當調伏柔軟諸根於生欲處不生欲心於生瞋處不生瞋心於生癡處不生癡心於生畏處不生畏心若自知具如是四事則為十方諸佛所知其人亦能知十方佛舍利弗若知不具如是四事受菩薩戒者是人亦不得菩薩戒亦誑十方現在諸佛及諸菩薩舍利弗菩薩有二種一者從瞋因緣二者從癡因緣舍利弗瞋者能作八大地獄因緣癡者能為諸惡煩惱因緣以是瞋癡二因緣故能毀菩薩戒舍利弗若欲受持菩薩戒者應先遠離欲癡瞋畏六月晝

菩薩善戒經第一卷 第五張 維

夜獨處閑靜懺悔諸罪我某甲歸依佛歸依法歸依僧歸依十方現在諸佛及菩薩僧歸依釋迦牟尼如來南無佛南無法南無僧南無十方佛及菩薩僧南無釋迦牟尼佛南無金剛無壞身南無寶光南無無量自在王南無上林王南無上歡喜南無寶火南無寶月光南無清淨南無手懃精進南無梵德南無善功德南無檀功德南無光功德南無阿耨伽功德南無那羅延力南無華功德南無蓮華南無財功德南無念功德南無善名南無釋種王南無勝南無無邊身光南無無邊身南無動南無大山王如是等無量世間諸佛菩薩常住在世宣說法化唯願愍哀留心見念若我過去無量世中及現在世所作衆罪不善惡業若自作若見他作心生隨喜若取佛物法物僧物招提僧物現在僧物若自取已若見他取心生隨喜若自造作五逆之罪見他造作心生歡喜若自造作十不善業若見他作心生歡喜以是不善業因緣

菩薩善戒經第一卷 第六張 維

故當生畜生餓鬼地獄若邊地人自
 長壽天身諸根不具親近邪見不值佛
 世如是等罪今悉誠心求哀懺悔如
 於現在釋迦佛前如來世尊真實知
 見其智无尋淨眼無障常為一切衆
 生證人唯願觀我誠心懺悔我從今
 日更不敢作復次十方諸佛及諸菩
 薩至心諦聽若我過去無量世中及
 現在世所修惠施乃至施於畜生一
 把若我持戒乃至一念如是功德悉
 以迴向無上菩提如過去佛及諸菩
 薩發願迴向如未來佛及諸菩薩發願
 迴向亦如十方現在諸佛諸菩薩等
 發願迴向舍利弗菩薩如是至心礼
 拜恭敬諸佛過六月已若去若立若
 行若坐十方諸佛示其身面具足三
 十二相八十種好雖示菩薩如是相
 好而於法界初无動轉何以故如來
 真實知其心故十方諸佛定知是人
 堪任受持菩薩禁戒修集慈悲能壞
 魔衆轉正法輪能調衆生宣說法界
 以是義故十方諸佛為是菩薩示現
 其身舍利弗如師子吼猫狸能不不

菩薩戒經第一卷 第七張 律

也世尊若有不於無量世中無量佛
 所殖諸德本能得受持菩薩戒不不
 也世尊舍利弗如香象王之所負擔
 驢能勝不不也世尊舍利弗如日月
 光螢火及不不也世尊舍利弗如毗
 沙門所有財寶貧者等不不也世尊
 舍利弗金翅鳥飛鳥能及不不也世
 尊舍利弗若有能於無量世中无量
 佛所深殖德本是人乃能受菩薩戒
 了了見於十方諸佛舍利弗受菩薩
 戒已若有客塵煩惱因緣犯可懺法
 應當向諸佛懺菩薩終不造五逆罪
 若貪不息乃至生子應於十方現在
 佛前滿足二年晝夜經常以慈重心
 求哀懺悔若為貪心取佛物法物僧
 物如本佛前二年懺悔舍利弗菩薩
 若以瞋恚因緣毀禁戒者无有是處
 以瞋因緣毀破禁戒得懺悔者亦無
 是處尔時優波離於其晨朝從禪定
 起即詣佛所頭面作礼右遶三匝却
 坐一面白佛言世尊如戒經中說若
 我弟子有信者於所受戒乃至失命
 終不毀犯世尊現在若入涅槃我當

菩薩戒經第一卷 第八張 律

云何分別了知聲聞禁戒緣覺禁戒
 菩薩禁戒世尊說我於持律中為最
 第一我今不知毗尼方便云何當說
 今者多有大比丘僧諸菩薩僧唯願
 如來具示廣說佛言善哉善哉優波
 離至心諦聽善思念之當為汝說優
 波離聲聞戒因緣異菩薩戒因緣異
 聲聞戒心異菩薩戒心異聲聞戒莊
 嚴異菩薩戒莊嚴異聲聞戒方便異
 菩薩戒方便異優波離聲聞戒淨非
 菩薩戒淨菩薩戒淨非聲聞戒淨聲
 聞之人乃至一念不末於有名聲聞
 戒淨菩薩若不末於有名大破戒
 名不淨戒聲聞求有是名破戒名不
 淨戒優波離菩薩摩訶薩於无量劫
 常處有中心不生悔名菩薩戒淨非
 聲聞戒淨以是義故優波離汝應宣
 說聲聞戒急菩薩戒緩聲聞戒塞菩
 薩戒開聲聞戒中應說因緣菩薩戒
 中則不應說優波離菩薩之人隨衆
 生心非聲聞也是故菩薩於戒小緩
 聲聞護急優波離菩薩若於晨朝犯
 戒猶故應念何穉多羅三藐三菩提

菩薩戒經第一卷 第九張 律

自知罪過晝夜三時皆應如是是名菩薩戒優波離菩薩若時時犯不名破戒聲聞若時時犯是名破戒是名失戒是名不得沙門道果何以故聲聞之人為壞煩惱懃行精進不應毀犯優波離菩薩若於恒河沙等劫受五欲樂亦不失於菩薩禁戒不名破戒不名失戒不名不得菩提之果優波離菩薩不能於一世中盡諸煩惱當以方便漸漸令盡優波離阿耨多羅三藐三菩提要須元上大莊嚴力然後乃得非一世得是故如來不說菩薩於生死中而生悔心亦不宣說永斷貪愛為說喜法甚深法無疑法空法聞是法已樂於生死優波離言世尊犯有三種一者貪二者瞋三者癡菩薩所犯何者為重何者為輕佛言優波離若諸菩薩犯如恒河沙等貪如是菩薩不名毀戒若犯一瞋因緣毀戒是名破戒何以故優波離瞋恚之心能捨眾生貪愛之心能護眾生若愛眾生不名煩惱瞋捨眾生名重煩惱優波離是故如來於經中說

菩薩善戒經第一卷 第十張

貪結難斷不名為重瞋恚易斷名之為重優波離難斷非重菩薩常有易斷重者乃至夢中尚不為之優波離愚癡菩薩无有方便怖畏犯愛菩薩有智善知方便怖畏犯瞋不畏犯愛亦時文殊師利白佛言世尊毗尼者名為調伏一切法性畢竟是調如來何故宣說毗尼文殊師利若凡夫人能知諸法畢竟調者如來終不宣說毗尼以凡夫人不知不解是故如來為說毗尼文殊師利汝今何故不說毗尼優波離欲得聞之時文殊師利語優波離優波離一切諸法畢竟調伏一切諸法性不可汙一切諸法性无顛倒一切諸法其性清淨一切諸法不可宣說一切諸法無有取著一切諸法不去不來一切諸法不可思議一切諸法無有障尋一切諸法本无有性一切諸法無行一切諸法不出不滅一切諸法无有三世一切諸法無有疑網如是等法佛悲覺知優波離言世尊如文殊師利所說非了了說佛言優波離文殊師利常樂宣

菩薩善戒經第一卷 第十一張

說如是解脫優波離言世尊云何名憍慢若菩薩言我有菩提心我為菩提行六波羅蜜我為般若修造諸行菩提行深聲聞行淺菩提行淨聲聞行不淨菩提行畢竟聲聞行不畢竟若復分別是聲聞法是緣覺法是菩薩法是諸佛法此名為淨此名不淨是名為道是名非道是名菩薩憍慢菩薩地善行性品第二
菩薩摩訶薩修集聖行行於善果菩提之道有十法則能攝取一切善法何等為十一者支二者翼三者淨心四者行五者有六者因七者器八者地九者方便十者住云何名支謂菩薩性菩薩性者謂初發心及三十七品何以故菩薩摩訶薩發菩提心乃是一切善法根本是故名支因此發心得阿耨多羅三藐三菩提是故名因因初發心決定必得阿耨多羅三藐三菩提是故名性菩薩摩訶薩因初發心故得修行檀波羅蜜尸波羅蜜羼提波羅蜜毗離耶波羅蜜禪波羅蜜般若波羅蜜行六波羅蜜故則

菩薩善戒經第一卷 第十二張

得修行智慧莊嚴福德莊嚴修三十七助道之法是故菩薩發菩提心名為支菩薩摩訶薩隨發心行具足得阿耨多羅三藐三菩提是故名支菩薩摩訶薩若無菩薩性者雖復發心勤修精進終不能得阿耨多羅三藐三菩提是故當知非因發心勤修精進有菩薩性以是義故菩薩性者名之為支菩薩雖有菩薩之性若不發心勤修精進則不能疾成阿耨多羅三藐三菩提有菩薩性發菩提心勤修精進故則能疾得阿耨多羅三藐三菩提以是義故菩薩性者名之為支又復支者名因亦名為梯亦名增長亦名莊嚴亦名依憑亦名次第亦名進行亦名室宅以是義故性名為支云何名性性有二種一者本性二者客性言本性者陰界六入次第相續無始無終法性自尔是名本性言客性者謂所修集一切善法得菩薩性是名客性而此經中以是二種名之為性是二性者名之為支又復性者亦名為子亦名為界亦名為性

菩薩戒經卷 第十三 維

復有二種一細二麤所言細者无因而得無因得果故名為細所言麤者有因而得從因得果故名為麤菩薩摩訶薩具足如是二種性者勝於一切聲聞緣覺况諸外道以是義故菩薩摩訶薩得名為勝何故名勝以清淨故清淨有二一淨智障二淨結障聲聞緣覺淨結障故名為淨非淨智障菩薩摩訶薩具足二淨以是義故菩薩性者得名為勝菩薩摩訶薩復有四事勝於聲聞辟支佛等一者根勝二者行勝三方便勝四得果勝言根勝者菩薩摩訶薩本性猛利緣覺性中聲聞性鈍是名根勝言行勝者聲聞緣覺為自度故修集善法菩薩之人不自為己但為眾生修集善法施眾安樂大悲憐愍是名行勝方便勝者聲聞緣覺唯能了知陰界諸入不能了知十二因緣及處非處菩薩方便則能善知一切諸法故名方便勝言果勝者聲聞自得聲聞菩提緣覺自得緣覺菩提菩薩自得菩薩菩提是名果勝菩薩性者有

菩薩戒經卷 第十四 維

六種印以是印故一切眾生則得識知此是菩薩何等為六所謂檀波羅蜜乃至般若波羅蜜以何義故檀波羅蜜名菩薩性印菩薩摩訶薩本性能得如是捨心於諸財物若多若少心不貪著欲施時及行施已悉生歡喜隨所施物若多若少心無疑悔若少施時亦无著愧若無財時常讚歎施見有慳者能破其心見行施者心生欣慶歡喜踊躍如見父母見來求者深自慶幸若无財物應以身業供給長老父母諸師應以喜語軟語法語實語正語除破眾生妄語兩舌惡口無義語若有人問猶不說人長短過失况於無問而自說耶若有眾生怖畏王賊水火之難能為救解知思念恩受恩能報受他寄付不令他疑若是重寶心不貪著於己物中心无悵惜能食能衣惠施於人能調欲心耽醜之心調戲等心貪伎樂心修集慚愧雖獲大寶不生貪喜是名檀波羅蜜菩薩性印云何尸波羅蜜菩薩性印菩薩摩訶薩身口意業性自

菩薩戒經卷 第十五 維

淨軟於衆生中不起惡心志害之心
若因客塵諸煩惱等造作衆罪作已
心悔深生慚愧發露懺悔於諸衆生
起憐愍心作一子想終不以手若杖
若石加於一切心常求覓真善知識
志樂供養父母師長者舊宿德破壞
憍慢先意問訊知恩念恩若有乞者
軟語慰喻不以幻術誑惑衆生終不
樂以非法活命常惠修集一切功德
教諸衆生廣修福業見諸衆生所受
諸苦斷其命根打縛閉繫飢渴寒熱
菩薩亦時觀彼受苦如己无異護持
佛戒乃至輕微尚不故毀况餘重者
能以十善教化一切不樂見聞諸惡
衆生鬪諍罵詈所有一切常為衆生
終不自為若有衆生具戒忍慧樂與
同行得柔軟心無有害心无不忍心
心常敬重所有諸戒不誑衆生无有
兩舌及無義語雖无問者尚讚人善
况有問者而當不說尊重宗敬正實
之語是名尸波羅蜜菩薩性印云何
羸提波羅蜜菩薩性印菩薩摩訶薩
觀諸衆生若有來打我是身者我則

菩薩善戒經第一卷 第十六張 維

不應加惡報之何以故我身非身所
謂身者名為真實真實之身則不可
打而我此身是和合身和合身者所
謂不淨於和合中少分見打多無所
損多无所損何故不喜瞋者少分有
瞋多分不瞋多不瞋故云何名瞋若
和合打和合受者誰打誰受譬如二
物相觸出聲若我瞋者應當自瞋何
以故以業緣故而得此身以是身故
受是楚毒譬如有有的箭則著之我若
增長是瞋心者則不能觀善惡等法
若不能觀善惡法者必定當墮三惡
道中以是義故若打若罵不應於他
生瞋恨心如足觀已足名羸提波羅
蜜菩薩性印復次若見有打罵者應
於是人生一子想心无忍恨是名羸
提波羅蜜菩薩性印云何毗梨耶波
羅蜜菩薩性印菩薩摩訶薩勤修精
進晨起夜寐不樂眠卧終不觀於寒
熱飢渴恐怖歡喜凡所造作若是世
事及出世事要令究竟終不中廢事
若未果終不中悔雖得他人恭敬供
養於已所修不休不息於自己身不

菩薩善戒經第一卷 第十七張 維

起輕心言不能得阿耨多羅三藐三
菩提雖見世間難為之事終不退縮
是名毗梨耶波羅蜜菩薩性印云何
禪波羅蜜菩薩性印菩薩摩訶薩至
心樂觀諸法實義樂住寂靜及無人
處樂離惡人增長善法見樂靜者歡
喜恭敬雖有煩惱本性輕微所有善
心終不為於諸惡覺觀之所破壞修
集慈心視怨如子若見衆生受大苦
惱生於悲心隨其己力而為除斷願
諸衆生志令安隱身設受苦不生憂
惱若失身命及以財物若繫若縛若
打若損能自曉喻不失正念生於憂
苦專心聽法書寫受持讀誦解說若
他忘失能為誨示以如是等至心因
緣於後世中不忘法界是名禪波羅
蜜菩薩性印云何般若波羅蜜菩薩
性印菩薩摩訶薩了知一切世間之
事知諸方術及諸衆生所有言說雖
知此事心不迷謬亦不放逸不為外
道之所誑惑不隨邪見所說義理是
名般若波羅蜜菩薩性印我今粗略
說盡印相後細印相諸佛所知菩薩

菩薩善戒經第一卷 第十八張 維

性者不可思議成就具足諸功德事
 清淨真實具足淨法是故名上亦名
 不動亦名阿耨多羅三藐三菩提印
 菩薩摩訶薩若不覩見惡法過患則
 不得修一切善法菩薩摩訶薩修上
 善時若以客塵煩惱因緣墮三惡道
 猶故勝於惡道衆生何以故菩薩性
 故若以客塵煩惱因緣墮惡道者能
 速破壞疾得出離如其不出不同惡
 道受於重苦若受苦時於諸衆生猶
 生大悲以性因緣故得悲心是故菩
 薩勝於一切三惡衆生菩薩摩訶薩
 以四煩惱因緣故破壞淨法何等為
 四一者利重常恒二者以是二結親
 近惡友三者若於師所王主怨賊而
 生怖懼故失善心起於煩惱四者為
 身命故作諸惡法以是四法雖有菩
 薩摩訶薩性終不能得阿耨多羅三
 藐三菩提復有四事雖有菩薩摩訶
 薩性亦不能得阿耨多羅三藐三菩
 提何等為四一者不值善友佛及菩
 薩不謬說義者二者雖值善友佛及
 菩薩錯謬解義不學菩薩所有禁戒

菩薩善戒經卷第十九 律

三者雖值善友佛及菩薩隨順解義
 不能學持菩薩禁戒四者雖值善友
 佛及菩薩隨順解義學菩薩戒善根
 未熟未得具足莊嚴菩提是故不得
 阿耨多羅三藐三菩提菩薩雖有菩
 薩之性若不具足如是四事終不能
 得阿耨多羅三藐三菩提雖復具足
 如是四事無菩薩性而能得成阿耨
 多羅三藐三菩提者无有是處
 菩薩地發菩提心品第三
 菩薩摩訶薩初發心時立大正願作
 如是言我得阿耨多羅三藐三菩提
 時當大利益一切衆生要當安置一
 切衆生大涅槃中復當教化一切衆
 生悉令具足般若大智是則名為自
 利利他是故初發菩提心者則得名
 為菩提因緣衆生緣因正義緣因三
 十七助道法緣因攝取一切善法根
 本是故菩薩名善大善名實真實亦
 名一切衆生善根能破一切身口意
 等三業諸惡一切世間所有捨願及
 出世願無有能勝阿耨多羅三藐三
 菩提如是捨願無勝無上菩薩摩訶

菩薩善戒經卷第二十 律

薩初發三菩提心有五事何等為五
 一者性二者行三者境界四者功德
 五者增長是名為五菩薩若能發菩
 提心則得名為菩薩摩訶薩定得阿
 耨多羅三藐三菩提修大乘行是故
 初發菩提之心則能攝取一切善法
 菩薩摩訶薩發菩提心隨行漸得阿
 耨多羅三藐三菩提若不發心終不
 能得是故發心是阿耨多羅三藐三
 菩提根本菩薩摩訶薩見苦衆生心
 生憐愍是故菩薩因慈悲心發阿耨
 多羅三藐三菩提心因菩提心修三
 十七品因三十七品得阿耨多羅三
 藐三菩提是故發心名之為支發菩
 提心故行菩薩戒是故發心為菩薩
 戒支是故發心名根名因名攝名果
 亦名為子菩薩發心復有二種一者
 畢竟二者不畢竟畢竟者乃至得阿
 耨多羅三藐三菩提終元退失不畢
 竟者則有退失退有二種一畢竟退
 二不畢竟退畢竟退者終不發阿耨
 多羅三藐三菩提心不能推求修集
 其法不畢竟者求菩提心修集其法

菩薩善戒經卷第二十一 律

是菩提心有四種因何等為四一者若善男子善女人若見若聞諸佛菩薩不可思議念時則生信敬之心作是念言佛菩薩事不可思議若佛菩薩不思議事是可得者我亦當發阿耨多羅三藐三菩提心是故至心念於菩提發菩提心二者復有不見諸佛菩薩不思議事唯聞諸佛菩薩秘藏聞已即生敬信之心得信心故為阿耨多羅三藐三菩提及大智故發菩提心三者復有不見諸佛菩薩不思議事亦不聞法見法滅時便作是念無上佛法能滅衆生無量苦惱作大利益唯諸菩薩能令佛法久住不滅我今亦當發菩提心令諸衆生遠離煩惱諸大苦事護持佛法久住於世為住世故發菩提心四者復有不見佛法滅時唯見惡世諸衆生等具重煩惱貪恚癡等無慚無愧慳慳嫉妬愁憂苦惱不信懶惰見是事已尋作是念大惡世時衆生大惡不能修善如是惡時尚不能發二乘之心况阿耨多羅三藐三菩提心我今當發

菩薩善戒經卷第一 第三十二

菩提之心發是心已乃當教化一切衆生令發阿耨多羅三藐三菩提心是故菩薩於此惡世惡衆生中發菩提心復有四因發菩提心何等為四一者性具足二者善友具足三者慈心具足四者觀生死苦具足聖行不異菩提難行苦行性具足者菩薩性自具足善友具足有四事何等為四一者善友諸根完具具大智慧能示善惡不行邪道是名善友具足二者心不放逸能破放逸能閉惡道三者自能具足菩薩禁戒轉以教他四者不以下道轉他上道不以小乘轉他大乘不以修福轉他定慧具足慈心復有四事何等為四一者或有世界有苦惱處或有世界无有苦惱苦惱之處菩薩發願往生其中或見受苦若身自受生於慈心為破其苦二者生地獄中或見受苦若身自受亦生慈心為破其苦三者生餓鬼中或見受苦若身自受亦生慈心為破其苦四者生畜生中或見受苦若身自受亦生慈心為斷其苦具足慈心復有

菩薩善戒經卷第一 第三十三

三種謂上中下上者復有四事一者觀生死苦二者修慈悲心无有終始三者性勇健心四者得智慧心復有四事何等為四一不放逸二具足戒三能忍辱四者至心專念阿耨多羅三藐三菩提復有四事何等為四一者等視衆生猶如一子二者於怨親中無有分別三者得堅信心四者修行聖行是為四修集慈心有四種力何等為四一者內力二者外力三者因力四者莊嚴力菩薩摩訶薩至心專念阿耨多羅三藐三菩提是名內力為欲化度諸衆生故發阿耨多羅三藐三菩提心是名外力能於无量阿僧祇劫修集善行師事諸佛及諸菩薩是名因力菩薩摩訶薩樂近善友聽受正法思惟其義如說修行是名莊嚴力若菩薩摩訶薩以是二力發阿耨多羅三藐三菩提心是名正心不動心不退心不轉心所謂內力因力若以外力及莊嚴力發菩提心是名不正心動心退心轉心菩薩轉心有四因緣何等為四一者性不具

菩薩善戒經卷第一 第三十四

足二者惡友具足三者於諸衆生不具悲心四者不能觀察生死過患菩薩摩訶薩初發菩提心有二事不可思議何等為二一者於諸衆生作眷屬想二者無衆生想菩薩常以智慧觀察誰是衆生衆生屬誰是名為二因是二心能令菩薩無有退轉初發菩提有二種心何等為二一者為施衆生安隱二者為施衆生快樂以諸善法化諸衆生令離惡法是名安隱能以財物賑給衆生令離貧窮所謂衣食房舍卧具病瘦醫藥是名快樂不退菩薩有二種心何等為二一者性莊嚴二者專心受持莊嚴常念欲令衆生安樂是名性莊嚴終不退轉菩提之心因是至心能施一切衆生安樂是名受持莊嚴不退菩薩出生福德有二處何等為二一者菩提之心二者衆生受苦如是二事名大善法聚初發堅心菩薩又有二事勝於一切聲聞緣覺何等為二一者因勝二者果勝菩薩摩訶薩發菩提心所修善法名為因因行善法得阿

菩薩摩訶薩第一卷 第三十張 維

釋多羅三藐三菩提是名為果如是因果勝於一切聲聞緣覺不退菩薩有二大事何等為二一者發是心已即為一切無量衆生而作福田為作父母師長和上生大憐愍以憐愍故行住坐卧若眠若寤常為諸天之所守護如轉輪王常為五百青衣鬼神之所守護不退菩薩亦復如是以憐愍故若更受身無有病苦二者發心菩薩常為衆生之所樂見猶如父母一切衆生於菩薩所身口意業柔軟無惡是名為二菩薩摩訶薩發菩提心不失正念於諸衆生不起害心不食肉不欺誑常以善法教化衆生衆生不受不廢不愁能自調伏亦能調他隨其所化衆生之處皆悉能令滋長福業若以客塵煩惱因緣墮三惡道能速得出雖同受苦不生楚毒見受苦者心生悲愍菩薩初發菩提心者成就如是無量功德

菩薩地利益內外品第四

菩薩摩訶薩發菩提心云何名為菩提之行菩薩若於此彼之處若學若

菩薩摩訶薩第一卷 第三十張 維

教皆為阿耨多羅三藐三菩提謂戒聞思惟是名菩提行菩薩摩訶薩於何處學學有七處何等為七一者內義二者外義三者真實義四者不可思議義五者調衆生義六者自熟佛法義七者得阿耨多羅三藐三菩提是名為七云何內義內義有十何等為十一者真實義二者為他義三者調伏義四者安隱義五者快樂義六者因義七者果義八者現在義九者他世義十者畢竟義菩薩摩訶薩為他事故是名內義真實義者知煩惱性及對治門以已樂具施於衆生志常修集無上正道凡所求索以安衆生既得財物心無貪悋能以供養佛法泉僧父母師長於千万里求佛經典及菩薩藏既得法已廣令流布不生秘悞雖解深義不生高心為生天上說持戒利為轉輪王說布施德為二乘道說修三昧為得世間大果報故教令供養佛法僧寶廣修福業為貪心者而說貪事為欺誑者說欺誑事為非法人而作僮僕菩薩摩訶薩作

菩薩摩訶薩第一卷 第三十張 維

是事已名真實義菩薩摩訶薩所
有自利悉為衆生是名他義菩薩摩
訶薩凡所演說悉為破壞衆邪異見
謂无因果破戒之人不見過故為說
種種毀禁之過為破三惡而演說法
若有退轉及善法者為不退故而為
說法為欲增長諸善法故而為說法
欲令衆生得自在故而為說法欲令
十方世界衆生得善神足而為說法
是名調伏義內義者名為外義外義
者亦名內義內外義者名調伏義調
伏義者亦名內外義如來十力四无
所畏十八不共法大悲三念處五智
三昧是名真實義真實義者名內外
義內外義者有二種何等為二一者
自調二者調他菩薩摩訶薩善知方
便是名調伏義菩薩所行一切善行
名調伏義云何復名內外義內外義
者有五事何等為五一者淨於他身
二者長他善法三者現在利益四者
他世利益五者壞他煩惱若菩薩摩
訶薩隨所修善若多若少以教衆生
同已所得是名調伏義菩薩摩訶薩

菩薩善戒經卷 第三十經 維

既自安隱復已安隱施於衆生所謂
若出世及以世間若欲界若禪定是
名安隱義安隱義者亦名內外義亦
名調伏義亦名真實義菩薩摩訶薩
內外義者有現在樂非他世樂有他
世樂非現在樂有現在他世樂有非
現在非他世樂內外義者復有四種
有人受法現世受樂他世受苦有人
受法現世受苦他世受樂有人受法
現世受樂他世亦樂有人受法現在
受苦他世亦苦菩薩摩訶薩若說涅
脥及大涅槃八聖道分三十七品說
世間道出世間道是名安隱義安隱
義者名內外義內外義者名為正義
正義者名无上義無勝義安隱義當
樂義菩薩摩訶薩受常樂者能作內
外義正義調義安隱義云何名快樂
義快樂義者有五種何等為五一者
因樂二者受樂三者斷受樂四者遠
離樂五者菩提樂云何因樂因內外
觸因觸因緣故有受樂是名因樂因
行善法得他世樂是名因樂云何受樂
從因因緣身得增長心付安隱是名

菩薩善戒經卷 第三十經 維

受樂受樂者有二種何等為二一者
有漏二者無漏无漏有二種一者學
地二者无學有漏有三欲界色界无
色界三有有內外入故有六觸六觸
有二一者身樂二者心樂五識共行
名為身樂意識共行名為心樂修集
聖道斷諸受故道德增長无有諸受
名斷受樂永離煩惱身心無患名遠
離樂受常樂故名菩提樂或有說言
無想定者名為斷樂是義不然何以
故不斷受故遠離樂者有四種一者
出家樂二者寂靜樂三者斷樂四者
菩提樂世間之人多有憂苦永斷是
苦名出家樂斷欲界貪名寂靜樂永
斷煩惱名為斷樂受常樂故名菩提
樂菩薩常能施衆生樂名菩提樂菩
薩摩訶薩自受常樂轉施衆生名菩
提樂何故名因樂是樂因故名為因樂
不名受樂受樂者不名因樂名為性
樂斷樂者不名因樂不名受樂以斷
多樂故名為斷樂遠離樂者不名因
樂不名受樂不名斷樂以觀生死衆
過患故名智慧樂菩提樂者不名因

菩薩善戒經卷 第三十經 維

樂不名受樂不名斷樂不名離樂無邊常故名菩提樂名無勝樂名無透樂名無上樂亦名常樂名寂靜樂菩薩摩訶薩能以如是五種之樂施於衆生是名因義菩薩摩訶薩常壞衆生諸惡之業示以正業以正業故得無上道是名因義菩薩摩訶薩為衆生故受大苦惱以受苦故能調衆生是名因義菩薩摩訶薩觀察善惡能示衆生善惡之事以開示故得大智慧得智慧故能壞大惡是名因義菩薩摩訶薩因智慧故行六波羅蜜乃至得阿耨多羅三藐三菩提是名果義菩薩摩訶薩以壞貪心壞貪心故能施衆生五種之樂而諸衆生得是樂故名為果義菩薩摩訶薩憐愍衆生欲令一切同已受樂是名內外義內外義者有三種因亦三種果亦三種報因報果福因福果智因智果云何名報報有八種何等為八一者長壽二者受身完具三者得上種姓四者得自在五者言語微妙六者得男子身七者得大力八者无能勝者是

菩薩摩訶薩經卷 第三十

名為八菩薩摩訶薩修集慈心故得長壽是名因報菩薩摩訶薩樂以衣食房舍卧具病瘦醫藥施於衆生是故獲得具足之身菩薩摩訶薩破憍慢心供養恭敬父母師長有德之人是故獲得上族種姓菩薩摩訶薩隨法而行破於非法是故獲得自在无碍菩薩真實不欺衆生是故獲得言語微妙菩薩摩訶薩常可五欲是故獲得男子之身菩薩摩訶薩常樂供養佛法僧寶是故其身獲得大力菩薩摩訶薩常能教化一切衆生供養三寶是故能得无能勝者是名果報不害衆生命得增長是名報因樂以衣食房舍卧具病瘦醫藥施於衆生是故菩薩得具足身能破衆生所有憍慢故得上姓能除衆生貧窮困苦故得自在能壞衆生妄語兩舌惡口無義語故得妙語讚歎男身可責女身以是二因得生人中受男子身又復遠離非法欲故得男子身菩薩摩訶薩以清淨食施於衆生見危懼者能為解救是故其身獲得大力受持正

菩薩摩訶薩經卷 第三十

法讀誦解說是故能得无能勝者是為報有八種如是八種因三事故而得增長何等為三一者心淨二者莊嚴淨三者福田淨菩薩摩訶薩至心專求阿耨多羅三藐三菩提是名心淨供養同學同法同師是名心淨若見若聞同學同法心生歡喜是名心淨修集菩提助道之事常樂受持書寫讀誦菩提法藏復以此法轉化衆生若有不愛心不憂悔亦不休息是名莊嚴淨以此二淨名福田淨云何菩薩報果菩薩長壽名為報果菩薩何故求於長壽菩薩得是壽命長故經無量世修集善法為自利利他是故菩薩求於長壽是名報果菩薩何故求身具足菩薩得是身具足故衆生樂見愛敬歡喜以歡喜故易得受化是故菩薩求具足身是名報果菩薩何故求上種姓上種姓故常為衆生之所恭敬以恭敬故信受其語或為姓故或為利故或為畏故復受其語是故菩薩求上種姓是名報果菩薩何故求於自在得自在故則能教化无量衆

菩薩摩訶薩經卷 第三十

生具足成就檀波羅蜜是故菩薩求於自在是名報果菩薩何故求微妙語妙語者菩薩所出言辭衆生樂聞同法同義同行同師常能教化令其調伏是名報果菩薩何故求於男子身男子之身乃是一切善法之器堪忍衆若能觀法界於四衆中无所畏難於時於義能疾了知隨有所至無所罣碍是故菩薩求男子身是名報果菩薩何故求於大力菩薩成就是大力者則能修行一切善法能勲精進救拔衆生煩惱諸苦是故菩薩求於大力是名報果菩薩何故求於無勝菩薩若得是無勝者則能惠施一切衆生所須之物以是因緣能令衆生樂見聞法信受其語是故菩薩求於無勝是名報果是八報果菩薩具者則能長養無上佛法利益衆生則見佛道如觀掌中菴摩勒果菩薩雖復具足成就如是八果若不能化无量衆生令調伏者則不能得阿耨多羅三藐三菩提雖復教化令其調伏若不具足如是八果亦不能得阿耨

菩薩善戒經卷 第三十 頌

多羅三藐三菩提菩薩摩訶薩成就具足如是八果以三乘法教化衆生自得阿耨多羅三藐三菩提菩薩摩訶薩所以具足如是八果為欲教化調伏衆生名內外義具八果者名為果義報因報果亦名果義云何為福云何為智三波羅蜜所謂檀那尸羅羼提是名福德般若波羅蜜是名智慧餘二波羅蜜亦名福因亦名智因若勲精進修集禪定具足成就慈喜捨以是四等因緣力故獲得自在是名福因若勲精進修集三昧深觀五陰諸入諸界觀苦實苦觀集實集觀滅實滅觀道實道觀實非實觀善非善觀法非法觀上觀下觀白觀黑觀十二緣是名智因若勲精進修集一心樂意惠施樂持禁戒樂修忍辱是名福因若勲精進修集一心樂聞受持書寫讀誦解說菩薩秘藏經典以是多聞因緣力故得大智慧而能分別法界分別法界是名智果菩薩福因亦因亦果菩薩智因亦因亦果菩薩福因亦福亦智菩薩智因亦智

菩薩善戒經卷 第三十五 頌

亦福是故菩薩福因有六智因亦六何等為六謂六波羅蜜云何名為福因智因福因智因有三種何等為三一者信心二者發心三者親近善友是為三福因智因復有二種一者善二者不善若近惡友修集邪道行施定慧名不善福破壞如是不善福慧是名善福若無信心及以發心不親善友終不能得福德智慧若言遠離如是三事得福慧者无有是處是名福德因智慧因云何名為福果智果菩薩摩訶薩成就如是具足福德不為生死之所沾汙是名為果菩薩成就具足智慧遠離惡道修集善道是名為果菩薩摩訶薩成就具足如是二事教化衆生成阿耨多羅三藐三菩提是名為果四無量心亦是菩薩福果智果菩薩摩訶薩若報因若報果是名福德福德因福德果亦名智慧智慧因智慧果若有說言是二法中若離一法得阿耨多羅三藐三菩提者无有是處是名果義果義者名內外義云何現在義若菩薩摩訶薩

菩薩善戒經卷 第三十六 頌

遍學一切世間諸事以遍知故得大自在得自在故能化衆生衆生受已修集善法是名現在義若菩薩摩訶薩退失善法修集三昧以修定故還得善法是名現在義若菩薩摩訶薩容塵煩惱故造作衆罪作已深觀定當得果即生悔心慚愧不作現壞惡業是名現在義若以惡業因緣力故或為他罵或瞋恚打身受

楚毒名現在義若菩薩摩訶薩修集禪定以是因緣身受安樂是名現在義若菩薩摩訶薩身得自在常樂我淨是名現在義若菩薩摩訶薩修八聖道以是因緣獲得涅槃是名現在義如菩薩衆生亦云何他世義以現因緣受他世身是名他世義現在他世義是名內外義云何為畢竟義欲界福德非畢竟義色無色界世間福德雖得自在非畢竟義如諸菩薩修八聖道獲得涅槃其身无尋無有邊際善法无量名畢竟義畢竟有三事何等為三一者性畢竟二者退畢竟三者報盡畢竟不畢竟亦性畢竟

菩薩善戒經卷第一 第三十七張 終

者是名涅槃性不畢竟名有為法退畢竟者名聲聞緣覺所修八道不退畢竟者名阿毗跋致報報不盡畢竟者世間所有福德果報報不盡畢竟者謂無上道果是名十義菩薩摩訶薩常應修集教化衆生如過去世諸菩薩學現在未來亦復如是若菩薩摩訶薩不能修學是十法者則不能得菩薩禁戒

菩薩善戒經卷第一

王貞嵐高麗國大藏都監奉勅雕造

菩薩善戒經第一卷 第三十七張 終

菩薩善戒經卷第一

校勘記

一 底本，麗藏本。

一 五六二頁上一行經名上，[資]冠以

「佛說」二字。「卷第一」後，[石]有

夾註「第一段菩薩地有二十品」；

[資]、[磧]、[南]有夾註「一名菩薩地」；

[徑]、[清]有夾註「一名菩薩地經」。

一 五六二頁上二行譯者，[石]作「宋罽賓三藏求那跋摩等譯」；[資]、[磧]、

[南]、[徑]、[清]作「劉宋罽賓三藏法師求那跋摩等譯」。以下各卷同。

一 五六二頁上三行「菩薩地」，[資]、

[磧]、[南]、[徑]、[清]無。

一 五六二頁下一〇行「勤修」，[資]、

[磧]、[南]作「修勤」；[徑]作「勤修」；[清]作「修勤」。

一 五六三頁上一行第六字「便」，[資]、

[磧]、[南]、[清]無。

一 五六三頁上一行「修集」，[徑]、

[清]作「修習」，下同。

一 五六三頁中一行首字「施」，[資]、

[磧]、[徑]、[清]無。

一 五六三頁中末行「欲癡瞋」，[石]作

「瞋欲癡」。

一 五六三頁下一六行第九字「愍」，

[石]作「慈」。

- 一 五六四頁上一行第一三字「人」，
[資、磧、南、徑、清無]。
- 一 五六四頁上五行第二字「其」，[資、
磧、南、徑、清作「具」]。
- 一 五六四頁上一二行第六字「如」，
[資、磧、南、徑、清無]。
- 一 五六四頁中一四行第一〇字「常」，
[南、徑、清作「行」]。
- 一 五六四頁下二一行「是故」，[資、
磧、南、徑、清作「若取」]。
- 一 五六五頁中二一行第一一字「悉」，
[資、磧、南、徑作「法」]。
- 一 五六五頁下一二行第七字「支」，
[石作「支二者相」。第八字「二」，[石
作「三」。第一一字「三」，[石作「四」。
五六五頁下一三行首字「四」，[石
作「五」。第四字「五」，[石作「六」。
「六者因七者器」，[石作「七者攝」]。
- 一 五六六頁上一三行第一三字「名」，
[資、磧、南、徑、清作「說」]。
- 一 五六六頁上一二一行第二字「性」，
[資、磧、南、徑、清作「者」]。

- 一 五六六頁中八行「名為」，[資、磧、
南、徑、清作「菩薩性」]。
- 一 五六六頁中九行第二字「障」，[資、
磧、南、徑、清作「障菩薩性淨」]。
- 一 五六八頁上九行首字「速」，[石作
「令」]。
- 一 五六八頁上一五行第一一字「主」，
[石作「前」]。
- 一 五六八頁中六行「不具足如是四
事」，[石作「有如是四事障者」]。
- 一 五六八頁中七行首字「得」，[石作
「得疾成」]。
- 一 五六八頁下一六行第一二字「攝」，
[石作「攝亦名次第」；[資、磧、南、
徑、清作「餘」]。
- 一 五六九頁下四行第七字「一」，第
一一字「二」，[石作「一者」，「二者」。
五行首字「三」，[石作「三者」]。
- 一 五七〇頁上一六行第七字「至」，
[資、磧、南、徑、清作「生」]。
- 一 五七〇頁上一九行第八字「如」，
至二〇行第六字「心」，[資、磧、南、

- [徑、清作「如二出處福聚亦爾是名
為二不退」]。
- 一 五七〇頁中一五行第八字「能」，
[資、磧、南、徑、清無]。
- 一 五七〇頁中一六行第五字「化」，
[資、磧、南、徑、清作「住」]。
- 一 五七〇頁中二〇行末字「德」後[石
換卷，為卷第二]。
- 一 五七〇頁下四行「真實」，[資、磧、
南、徑、清作「正」]。
- 一 五七〇頁下五行第五字，五七一頁
中一七行第五字「調」，[石作「調伏」。
五七〇頁下一九行第一二字「德」，
[石作「功德」]。
- 一 五七一頁上一六行第二字「調」，
[石作「謂」]。
- 一 五七一頁中二二行首字「行」，[資、
磧、南、徑、清無]。
- 一 五七一頁下四行第九字「故」，[石
作「故故」]。
- 一 五七一頁下九行第九字「提」，[資、
磧、南、徑、清作「薩」]。

一 五七一頁下一八行第五字「名」，
[資、磧、南、徑、清無]。

一 五七一頁下二一行首字「多」，[石
作「名」]。

一 五七二頁上一一行第六字「能」，
[資、磧、南、徑、清作「解」]。

一 五七二頁上一四行第一一字「壞」，
[資、磧、南、徑、清無]。

一 五七二頁上一五行末字至一六行
首字「是樂」，[資、磧、南、徑、清作
「樂是」]。

一 五七二頁上一二一行第四字「受」，
[磧、南、徑、清作「得受」。第一〇字
「得」，[磧、南、徑、清無]。

一 五七二頁中一行「修集」，[徑、清作
「修習」]。

一 五七二頁中七行第二字「而」，[磧、
徑、清作「如」]。

一 五七二頁中一七行第六字「姓」，
[磧、徑、清作「妙」]。

一 五七二頁中一九行第二字「語」，
[磧、徑、清無]。

一 五七二頁中二〇行第八字「中」，
[磧、徑、清作「內」]。

一 五七二頁下七行第七字「法」，[資、
磧、南、徑、清作「法同師」]。

一 五七二頁下一二行第一一、一二
字「報果」，[資、磧、南、徑、清作「果
報」]。

一 五七二頁下一六行第二字「求」，
[資作「來」]。

一 五七二頁下二〇行末字「姓」，[石
作「怖」]。

一 五七二頁下二一行第八字「畏」，
[石作「果」]。

一 五七二頁下二二行「是名報果」，
[資、磧、南、徑、清無]。

一 五七三頁上七行第七字「界」，[磧、
徑、清作「戒」]。

一 五七三頁中一二行第一〇字「集」，
[資、磧、南、徑、清作「進」]。

一 五七三頁中一三行第一〇字「苦」，
[石作「若」]。

一 五七三頁下二行末字至三行第七

字「福因智因福因智因」，[資、磧、
南、徑、清作「福智因因福智因因」]。

一 五七三頁下六行第七字「惡」，[資、
磧、南、徑、清作「善」]。

一 五七三頁下一一行「因智慧因」，
[資、磧、南、徑、清作「智慧因因」]。

一 五七三頁下一八行第一一字「報」，
[資、磧、南、徑、清作「果」]。

一 五七四頁上三行第一〇字「若」，
至四行第一一字「以」共十五字，
[資、磧、南、徑、清無]。

一 五七四頁上六行第五字「塵」，[資、
磧、南、徑、清無]。

一 五七四頁上一二行第二字「若」，
[資、磧、南、徑、清無]。

一 五七四頁中一行「有為」，[資、磧、
南、徑、清作「為有」]。

一 五七四頁中卷末經名卷次[石無。
不分卷]。

菩薩善戒經卷第二

維

菩薩地真實義品第五

宋劉賓三藏求那跋摩譯

云何名真實義真實義者有二種一者法性二者法等復有四種一者世流布二者方便流布三者淨煩惱障四者淨智慧障云何名世流布世間之法同其名号衆生見地真實是地終不言火火真實火不言是地水風色聲香味觸衣服飲食瓔珞器物伎樂明闇男女舍宅田業苦樂苦真實苦終不言樂樂真實樂終不言苦此是此非定以不定一切世間從昔已來傳此名相自然而不知不從修集然後知也是名世流布真實義也云何名方便流布如世智人先以籌量然後造作經書論議是名方便流布云何淨煩惱障一切聲聞辟支佛等以元漏智無漏道壞煩惱故得無尋智是名淨煩惱障以壞煩惱故智得明淨智慧淨故身心無尋是名淨智慧障真實義也云何復名真實義實者名

為四諦所謂苦集滅道觀此四諦得實智慧是名聲聞辟支佛聲聞辟支佛分觀五陰是故離陰都不見我及以我所分觀十二因緣是故離陰不見衆生及以士夫是名淨智慧障真實義也若智不能知境界者名曰智障若能壞障知境界者名淨智障真實義也真實義者謂佛菩薩深觀一切陰入界故觀我无我衆生非衆生士夫非士夫是名淨智障觀諸法界不可宣說知世諦故分別法界知諸法界真實性故名无勝慧無勝慧者壞一切障是故名為淨智慧障真實義也真實義者復有二種一者有二者无有者名世流布世流布者所謂色受想行識眼耳鼻舌身地水火風色聲香味觸善不善無記出法滅法從緣生法去來現在有為无為此世他世日月見聞識知所得覺觀修集受持乃至涅槃是名世流布有也世間有者所謂法性無者世流布有從色乃至涅槃其性無故是名為无衆生見故名之為有法性本無名之為

菩薩善戒經卷第二 第三 維

無諸佛如來所說有无名之真實真實者名為中道非有非無名為中道中道者名無上道如是中道諸佛世尊除壞障是故名之為一切智菩薩摩訶薩雖學如是中道猶有障是故不得為一切智菩薩智慧為方便故名阿耨多羅三藐三菩提因何慧說生死相亦有亦無亦為流布无上佛法雖在生死亦能了了知生死過患心無厭悔如其不知生死過者則不能得壞煩惱結若心厭者則不能得教化衆生護諸佛法疾得涅槃若得涅槃則不能得阿耨多羅三藐三菩提若不教化諸衆生者云何能得阿耨多羅三藐三菩提是故菩薩若在生死之中修菩提道不畏涅槃不求涅槃菩薩若畏於涅槃者則不能得具足莊嚴菩提之道亦不能為元量衆生讚歎涅槃於涅槃所不生信喜專念之心是故菩薩於涅槃所不生怖畏若是菩薩求涅槃者即能得之如其得者則不能成阿耨多羅三藐

菩薩善戒經卷第二 第三 維

三菩提以諸佛法教化衆生若是菩薩不能深觀生死過患或生厭離怖畏涅槃或求涅槃是名菩薩无善方便若是菩薩能深觀察生死過患樂處其中不畏涅槃不求涅槃是名菩薩有善方便善方便者解第一義空菩薩摩訶薩修集如是第一義空名菩薩戒大方便也為得如來无上智故若有修集是菩薩戒得真實智知見諸法無我我所知諸法性是故於法心无所著亦說世諦第一義諦見一切法其心平等能大惠施以施因緣善知世事雖學世事心不厭悔志得了知得大念力雖知世事心無憍慢常教衆生不生憍慢以巧方便善教衆生世間之事為令衆生得阿耨多羅三藐三菩提故菩薩於是世間之事勤心修集无有厭悔若見衆生受苦惱時即得增長阿耨多羅三藐三菩提心菩薩如是增長善法不生憍慢於諸衆生憐愛心菩薩如是增長智慧不生憍慢破壞衆生種種邪見菩薩若得世間三昧出世三昧

菩薩善戒經第二卷 第四段 畢

不顯已德令他供養不為世法之所汙染菩薩亦時成就具足無量功德名菩薩戒菩薩摩訶薩所有善法悉以迴向菩提之道名菩薩戒過去菩薩得阿耨多羅三藐三菩提皆由成就菩薩禁戒未來現在亦復如是菩薩摩訶薩受持三世諸菩薩法能以佛法教化衆生至心修行菩提之道為菩提道不惜身命不惜身命是菩薩戒惜身命者終不能得菩薩禁戒乃至憍惜一錢之物亦不能得菩薩禁戒菩薩摩訶薩為衆生故受身畜財若於是二生憍惜心假名菩薩非義菩薩菩薩若能不惜財命當知則能利益衆生能行忍辱能壞瞋恚嫉妬之心了知世事善解方便能壞衆生所有疑心能自增長菩提果因善能調伏所有諸根不為四倒之所傾動能解諸法甚深之義能得具足四無量心成就五通四无尋智畢竟能觀十二因緣速得菩薩一子之地能得常樂我淨之身得大自在無上涅槃善能開示方便涅槃菩薩摩訶薩

菩薩善戒經第二卷 第五段 畢

成就如是無量功德皆因禁戒因緣而得菩薩摩訶薩成就具足菩薩戒者能為一切衆生僕使若為衆生之所瞋罵打害劫奪則生慈心若見衆生厚重煩惱發憐愍心為欲破壞衆生煩惱繫心思惟諸善方便於諸衆生心無奸曲任力所能施衆生樂不求恩報不懷瞋恨為壞衆生瞋惱心故思惟方便知思念恩无有求者先意行施若已所有不施求者不得成就菩薩禁戒求者三至若不施者是名犯重不犯者若以方便善語慰喻令彼求者不生恨心求者二種一者貧窮二者邪見不施貧者則便得罪不施邪見則不名犯若不犯者是名善行善行菩薩諦知法界不可宣說知法界性知世流布世流布者色受想行識乃至涅槃色乃至涅槃不名真實何以故而是色者非有非无乃至涅槃非有非無若非有云何真實云何非有衆生顛倒計色為我乃至涅槃橫計為我是名非有云何非無世流布故不虛誑故可宣說故是

菩薩善戒經第二卷 第六段 畢

名非無以是故名非有非無如所說法如說有者一法之中應無量名无量名故則有無量性何以故一一法中有無量名故云何名為无量名耶如色一法亦說青黃赤白長短方圓鹿細可見不可見有對無對澁滑輕重是名可說隨說有者應一法中有無量相所可宣說實无定性以言說故流布於世實無說者及真實性一切諸法亦復如是如其色中乃至涅槃有實性者不應說有青黃赤白乃至輕重若无實性未流布時云何可傳以流布性有無有初始故可流布若未有色時有流布者以何因緣无色之時不流布耶如其流布能作色性者何故流布而不能作色无量性是故法性不可宣說如色受想行識乃至涅槃亦復如是有一人遠離佛法非佛弟子永失佛法一者說色乃至涅槃有真實性二者不信世流布性如是二人不任受持菩薩禁戒如其受者受者不得師則有罪何故不得誹謗實法者非法故是故雖受

菩薩善戒經卷第二 第八

終不得戒若不得戒云何得名在此法中為佛弟子是故名為遠離佛法菩薩戒者非口所得心口和合然後乃獲是二種人都無實心云何可得若於色中妄生計著於佛法中則為永失若不信色是流布者是則名為謗一切法是人則為永失佛法是故不可宣說若有若无何以故如因五陰則有我人眾生士夫若無五陰如是等名何由流布色亦如是以有色故則有種種名字流布真實之法無有流布離真實法亦無流布愚癡之人說諸法空則得大罪若有說言大乘經中一切法空亦得大罪不能善解大乘經義生憍慢心言我善解隨其自心妄想思惟為人廣說亦得大罪若言一切諸法性无云何得有流布於世亦得大罪何以故謗一切法故謗一切法者即是外道富蘭那等真弟子也富蘭那謂諸法性无而佛法中亦有亦無若有人說一切法空當知是人中不共住共語論議布薩說戒若與共住乃至說戒則得大罪

菩薩善戒經卷第二 第八

何以故不解空義故是人不能自利利他是故大乘經說若不解空甚於癡人何以故愚癡之人說色是我至識是我有我見者不壞佛法不解空義永壞佛法破滅滅生我見者不至三惡不解空義為人廣說當知是人必到阿鼻有我見者不謗三寶妄說空者誹謗三寶說有我者不誑眾生不謗實性不妨法性不妨眾生獲得解脫不教他人毀犯禁戒不解空者謗一切法不解實性不解法性妨於解脫與多眾生作惡知識自不持戒教人毀禁常樂宣說无作無受令多眾生增長地獄以是義故名為遠離無上佛法云何名為不解空義若有比丘比丘尼優婆塞優婆夷不信受空不解於空不解於法是則名為不解空義何以故說一切法本性自空无因緣空說一切法亦無處所若無處所云何名空是名不解空云何名為真解空義若比丘比丘尼優婆塞優婆夷說一切法中无有性故是名為空法亦不空是名解空如是解

菩薩善戒經卷第二 第九

者不妨於義不謬三寶是名正解无
有錯謬云何正解如色說色乃至涅
槃分別无有種種相性是名色空以
色真實流布於世是名不空以是義
故說色一法亦有亦無解是二故亦
法亦空終不於中妄生計著是名真
解空義是故大乘經中說偈
一法有多名 實法中則无 不失法性故
流布於世間
如色乃至涅槃則有多名色无自性
無自性者則無多名有多名者名為
流布以是義故雜藏中說諸佛世尊
不著流布若見若聞思惟覺知如色
名乃至涅槃名名為流布諸佛世尊
終不說言有流布性而生著者何以
故壞顛倒故有染著者名為顛倒如
來已斷一切惡見故不染著以不見
不說不染著故名為正見是故如來
為迦梅延比丘而作是說迦梅延我
弟子者不著地定水火風定空定識
定無所有定非有想非无想定非此
世非他世非日非月非見非聞非思
非量非取非得非覺非觀是名禪定

菩薩藏經第二卷 第十張 維

云何比丘不著地定比丘於地不作
地相乃至覺觀不作覺觀相是則名
為不著地定乃至覺觀亦復如是若
有比丘能作如是修集定者即為諸
天釋天梵天十方諸佛及大菩薩之所
讚歎南无大士南无大士咸作是言我
都不知汝在何定修集何定若有染
著地相地名當知是人名不修空若
於色中不著名相是名修空為流布
故宣說地相及以地名若著色相及
以色名名增長相若壞色相及以色
名名放捨相不增不捨是名中道修
集如是二種相故是名比丘修集地
定乃至覺觀若有比丘修是定者是
名實相以實相故比丘於法无所言
說以諸法性不可說故是故比丘無
所言說若一切法无可說者云何說
不可說若不可說云何得聞若不說
不聞云何得知一切諸法不可宣說
以可知故說今流布愚癡之人不知
不解世流布故於諸法中生八種謬
一者性謬二者分別謬三者聚謬四
者我謬五者我所謬六者愛謬七者

菩薩藏經第二卷 第十張 維

不受謬八者非愛非不受謬是八謬
中初三種謬乃是一切諸謬根本著
性者名不解流布從此展轉生無量
謬我我所謬名為我見我見復是諸
見根本是二種謬從憍慢生是故憍
慢諸見根本後三謬者從三毒生是
八種謬攝取一切諸結煩惱令諸眾
生迴轉三有云何性謬若色作色想
乃至重作重想是名性謬云何分別
謬若分別色是色非色是可見是不
可見是有對是無對是名分別謬云
何聚謬如於色中見我眾生生士夫壽
命屋舍四眾軍旅衣食蓮華車乘樹
木積聚如是等中各作一相是名聚
謬云何名我我所謬於有漏中取我
我所無量世中常生取著計我我所
是名我我所謬云何愛謬於淨物中
生貪著心是名愛謬云何不受謬於
不淨物中生瞋恚心是名不受謬云
何非愛非不受謬於一切淨不淨物
中生貪恚心是名非愛非不受謬是
名八謬菩薩摩訶薩云何能知是八
種謬應作四事何等四一者推名二

菩薩藏經第二卷 第十張 維

者推物三者推性四者推分別云何
推名菩薩摩訶薩唯知名不見名
物是名推名云何推物唯知是物不
知餘者是名推物云何推性知名流
布是名推性云何推分別名不見物
物不見名是名推分別菩薩摩訶薩
何故推名知名實名是故推名菩薩
諦觀若無色名何由說色若不說色
云何觀色若不觀色云何而得阿耨
多羅三藐三菩提是故菩薩推求知
名菩薩何故推求於物若無物者誰
有此名而此名者非不可說若不可
說云何得知諸法之性是故菩薩推
求於物菩薩何故推求於性菩薩摩
訶薩知於色性乃至涅槃性知色流
布乃至涅槃流布云何名為知於色
性知是色性如鏡中像幻化夢影響
熱時之焰水中月形是名推性菩薩
何故推求分別菩薩摩訶薩若分別
名分別物分別性分別法分別非法
分別有無是色非色可見不可見是
名分別以分別故得阿耨多羅三藐
三菩提是故菩薩推求分別菩薩摩

訶薩為壞八謬推是四事菩薩何故
壞是八謬八謬因緣增長邪見邪見
增故煩惱增長煩惱增長故生死增
長生死增長故十二因緣增長菩薩
若修如是四事斷除邪見邪見斷故
諸煩惱滅煩惱滅故生死滅生死滅
故知十二因緣滅知十二因緣滅故
修无上道修无上道故得阿耨多羅
三藐三菩提得阿耨多羅三藐三菩
提故能壞衆生如是八謬能教衆生
知世流布說真實義若除衆生如是
八謬名大涅槃能得現世大自在故
得大神通故得大方便故得大禪定
故得大一切智故求得不退不墮處
故是名大涅槃得大自在菩薩摩訶
薩成就五事一者心得寂靜二者了
知世事及出世事三者為衆生故處
在生死心不愁惱四者了知如來甚
深秘藏五者菩提之心無能壞者菩
薩何故心得寂靜能破現在衆生煩
惱故心得寂靜為調衆生得佛法故
了知世事及出世事為令衆生得利
根故樂處生死心不愁惱為令衆生

破壞疑心受持讀誦了知如來甚深
秘義法說非法能滅佛法汙辱佛法
犯說非犯受畜八種不淨之物為損
如是諸惡人故受持解說如來秘密
甚深之義雖知外道微細書論解其
義趣終不破壞菩提之心如是五事
攝取菩薩菩提之事亦名五事亦名
五功德何等名為菩提之事能自利
益調伏衆生受持佛法不破菩薩所
修禁戒菩提之心終不傾動慙修精
進壞邪見等說三乘道菩薩成就如
是五事有三種謂下中上具足二種
是名為下具足三種是名為中若具
四種是名為上
菩薩地不可思議品第六
云何菩薩摩訶薩不可思議菩薩摩
訶薩得自在三昧發心已得无量功
德不造作業而獲果報不修聖道而
得聖心是名菩薩不可思議少作善
業得大果報為菩提故於无量世修
諸苦行菩薩實知無有衆生而能為
之勤修苦行知无作者及無受者能
作受者是名菩薩不可思議不可思

議有五種一者六通不可思議二者法不可思議三者共生不可思議四者不共生不可思議五者共不共不可思議云何六通神足天眼他心智宿命智漏盡智是名六通不可思議云何法不可思議法者所謂檀波羅蜜尸波羅蜜羼提波羅蜜毗梨耶波羅蜜禪波羅蜜般若波羅蜜是名法不可思議云何神通神通有二種一者變二者化何等為變振動出火光明示現自轉其身或現去來現種種色大衆隱顯障他神通言辭无尋施他憶念施衆歡樂放大光明是名變神通云何震動菩薩摩訶薩得自在三昧能動舍宅聚落村邑城郭國土從四天下至千世界二千世界三千大千世界百三千大千世界千三千大千世界千萬三千大千世界乃至無量无边世界是名震動云何出火身上出火身下出水身上出水身下出火或舉身出火作種種色青黃赤白紫黑頗梨是名出火云何光明身出光明充滿一舍聚落村邑乃至元

菩薩摩訶薩經第二卷 第十六章 維

量无边三千大千世界是名光明云何示現諸佛菩薩為度衆生示現地獄畜生餓鬼天人雜類輒闍婆阿修羅迦樓羅緊那羅摩睺羅伽或復示現十方世界無量无边恒河沙等諸佛國土及其佛身諸大菩薩說諸佛名令諸衆生皆悉聞知是名示現云何為轉諸佛菩薩得自在三昧能變地為火變火為水風亦如是變色為香變香為色色香味觸變為草木衣食瓔珞器物石貝琉璃真珠金銀等山好色作惡惡色作好是名為轉云何去來或往梵處徙梵處還或往阿毘膩吒天上復徙彼還或至東方南西北方四維上下乃至無量无边世界皆亦如是遠能作近近能作遠能令須弥如小微塵令小微塵如須弥山是名去來云何種種色能現自身或作男女大小僮僕樹林草木是名種種色云何大衆隱顯自在能以大衆內己身中而心不怖身无妨尋是諸大衆各不自知來往處所或時往至婆羅門衆現同其像同色同衣形

菩薩摩訶薩經第二卷 第十七章 維

質脩短與彼無差音聲無別彼所說者亦能說之彼不能說亦能說之能以方便善導其人示已即滅彼衆不知何來何滅人耶天耶如婆羅門衆刹利衆大會衆長者衆四天王衆三十三天衆夜摩天衆兜率陀天衆化自在天衆他化自在天衆梵衆梵師天衆大梵天衆少光天衆无量光天衆淨光天衆少善天衆大善天衆無邊善天衆無雲天衆福生天衆廣果天衆无燄天衆無誑天衆善見天衆愛見天衆阿毘膩吒天衆亦復如是於如是等諸天衆中一時之頃百出百没千出千没千萬出千萬没是名大衆隱顯自在云何障他神通菩薩摩訶薩除佛世尊同行同性同定後邊生菩薩所得神通勝餘内外一切神通是名障他神通云何言辭无尋菩薩摩訶薩說法之時言辭無盡義味无盡樂說無盡是名言辭无尋云何施他憶念菩薩摩訶薩說法之時無量衆生於无量世諸所失念忘今還憶是名施他憶念云何施他歡樂

菩薩摩訶薩經第二卷 第十八章 維

菩薩摩訶薩說法之時能令眾生身心安樂壞煩惱障聽者歡樂如第三禪四大諸息一時消滅諸惡鬼等不得其便是名施眾歡樂云何放大光明菩薩摩訶薩放大光明遍照十方無量世界至地獄中壞地獄苦至放逸天教修人法令得人身來至佛所請召十方無量菩薩來集佛所教化眾生是名放大光明如是等事名變神通轉法性故名變神通云何化神通物无作物故名為化若化身若化聲化身者或似己身或似他身有根具足不具足者餘如轉中又復化為無量之身諸佛菩薩為眾生故化无量身遍无量界有佛菩薩現遍化身或有如幻或有真實衣食金銀琉璃真珠頗梨珂貝亦復如是為破眾生貧窮困苦是名化身化聲者諸佛菩薩化現好聲疾聲妙聲自說義聲他說義聲無義聲說法聲教化聲以是諸聲能壞眾生放逸之心是名化聲佛菩薩聲深遠如雷如迦陵頻伽聲人所愛樂聲遍滿聲思惟聲了了聲

菩薩摩訶薩經卷第十九 雜

易解聲喜聞聲无所著聲無可呵聲無盡聲菩薩摩訶薩如是諸聲若三千大千世界所有天眾人眾聲聞眾辟支佛眾菩薩眾若近若遠志得聞之如是聲中出種種法利益眾生自化聲者如自說法為放逸眾生故他化聲者如佛化身為他說法為放逸眾生故无義聲者如虚空出聲說法聲者為癡眾生故教化聲者為放逸者增長不放逸故諸佛菩薩如是等化神通之事展轉无量不可稱計如是無量不可稱計神通變化為於二事一者為令眾生生於信心趣向佛法故二者為示貧窮困苦眾生无上福田故云何宿命智菩薩摩訶薩自知宿世與如是等眾生共住共行自識名字及他名字知自種姓及他種姓知自飲食及他飲食自知苦樂及他苦樂菩薩自知如是宿世亦能教他今知宿世自識乃至无量世事亦能教他識無量世若鹿若細是名宿命智以是宿命智勢力故能說本昔菩薩因緣今諸眾生于佛法中現在

菩薩摩訶薩經卷第二 雜

生信說諸菩薩本因緣經闍陀伽經阿浮陀那經說業因緣惡業善業為破眾生常見及無常見故是名菩薩宿命智云何天眼菩薩摩訶薩以淨天眼過於人眼見諸眾生死此生彼若好色若惡色若好若醜明見眾生善惡等業善惡果若老若少若自造作若教他作若慮若細若人天色若三惡道色乃至无量十方世界無量佛土眾生之色明了无量十方諸佛演說法時是名天眼通云何天耳菩薩摩訶薩所聞音聲若天聲若人聲若聖聲若非聖聲若麤聲若細聲若化聲若實聲若遠聲若近聲天聲者從欲天至阿迦尼吒乃至上方无量世界諸天音聲志得聞之是名天聲人聲者所謂十方無量世界聖聲者謂諸佛菩薩聲聞緣覺為化眾生宣說佛法若讚布施持戒善業破壞惡業讀誦解說書寫佛經是名聖聲非聖聲者所謂妄語兩舌惡口无義之言下至三惡上至欲界所有諸十方眾生有如是等四種惡口是名非

菩薩摩訶薩經卷第二 雜

聖聲云何盡聲謂大衆聲大衆生聲地獄聲雷震聲貝聲鼓聲是名盡聲細聲者謂竊語聲不了聲陀毗羅因聲粟特聲月支聲大秦聲安息聲真丹聲法沙聲裸形聲鮮卑聲如是等邊地聲名為細聲何以故嫉妬煩惱因緣得故菩薩成就如是天耳聞諸衆生所出善聲讚歎恭敬住佛法今生信心廣為分別十二部經菩薩秘藏若聞惡聲即便呵責說惡業過開對治門是名天耳通云何他心智通菩薩悉知十方世界所有衆生共煩惱心不共煩惱心煩惱繫心及不繫心善願心惡願心疑心無疑心上心下心貪恚癡心欲界心色無色界心乃至一切畜生衆生受苦樂心元苦無樂心以一心觀一衆生心以一心觀无量衆生心是名他心智通諸佛菩薩他心智通為知衆生利鈍根故為知衆生諸種性故知是衆生有善心已即為演說十二部經及菩薩藏知惡心已即便呵責說惡業過是名菩薩他心智通漏盡智通者菩薩摩訶

菩薩摩訶經卷第二 第十張 維

薩為斷煩惱故修集道自壞煩惱故修集道為壞衆生諸煩惱故而為說法為壞有漏憍慢衆生為破非道計道衆生故菩薩摩訶薩雖為衆生說盡漏法自不盡漏雖未盡漏不為所汙菩薩摩訶薩漏盡智通不可思議修漏盡通為化衆生壞憍慢故是名漏盡通云何為法檀波羅蜜乃至般若波羅蜜是名為法是六種果凡有四事一者修集道故二者莊嚴菩提故三者自他利益故四者得後世大善果故菩薩行施破壞慳貪莊嚴菩提道攝取衆生為菩提道令行布施欲施時施已歡喜是名自利斷除衆生飢渴苦惱寒熱恐怖是名利他捨是身已獲大自在饒財尊貴是名大果是名菩薩布施四事菩薩摩訶薩受持禁戒除滅惡戒莊嚴菩提道攝取衆生為菩提道令持禁戒離破戒怖卧安覺安心無悔恨歡喜悅樂是名自利於諸衆生无有害心施衆生無畏是名利他持戒故受人天樂得道涅槃是名大果是名菩薩持

菩薩摩訶經卷第二 第十張 維

戒四事菩薩摩訶薩修於忍辱破壞不忍莊嚴菩提道攝取衆生為菩提道令修忍辱若自若他遠離怖畏是名自利利他以忍因緣无有瞋心眷屬不壞不受苦惱心無悔恨捨是身已受人天樂得道涅槃是名大果是名菩薩忍辱四事菩薩摩訶薩勤修精進破壞懈怠莊嚴菩提道攝取衆生為菩提道令修精進卧安覺安離諸煩惱增長善法身受安樂是名自利菩薩精進不惱衆生打擲呵罵是名利他捨是身已受人天樂身得大力獲菩提道是名大果是名菩薩精進四事菩薩修定壞破亂心莊嚴菩提道攝取衆生為菩提道令修禪定現世受樂身心寂靜是名自利以身心靜故不惱衆生是名利他捨是身已受清淨身安隱快樂得道涅槃是名大果是名菩薩禪定四事菩薩摩訶薩成就智慧破壞无明莊嚴菩提道以四攝法攝取衆生為菩提道修行智慧以知法界故身受樂是名自利能教衆生世間之事及出世事

菩薩摩訶經卷第二 第十張 維

是名利他能壞煩惱智慧二障是名
大果是名菩薩智慧四事共生不可
思議者菩薩摩訶薩非宿命智憶宿
世事為觀衆生善惡諸業同受苦者
為欲利益菩薩摩訶薩處兜率天成
就壽命有三事勝一者壽勝二者色
勝三者名稱勝初下之時放大光明
遍照十方了了自知始入母胞胎時
住時出時於十方面行七步時無人
扶持作如是言我今此身是寂後邊
諸天鬼神乳閻婆阿修羅迦樓羅緊
那羅摩睺羅伽以諸華香微妙伎樂
幡蓋供養三十二相莊嚴其身无能
勝者以慈善力壞魔兵衆一一支節
同那羅延所得大力童戲之年不學
世事而能知之无師而學自然而得
阿耨多羅三藐三菩提梵天勸請為
諸衆生轉正法輪正受三昧雷聲震
動不能令動諸歎親附愛如父母畜
生奉食知佛心故雲神降雨洗浴其
身樹隨曲枝蔭翳其軀既成道已六
年之中魔常伺求不得其短常在禪
定成就念心善能了知覺觀起滅是

菩薩善戒經第二卷 第三十五

名菩薩共生不可思議不共生者為
欲利益一切衆生如彼狂人緣見如
來還得本心盲者得眼倒産得順筋
者得聽貪瞋癡者志得除滅是名不
共生不可思議又共生者如來所行
不可思議常右脇卧如師子王若草
若葉無有動乱隨藍猛風不動衣服
發足行步如師子王白鶴王等若欲
行時先發右足所行之處高下皆平
食无完過遺粒在口是名共生不可
思議如來世尊入涅槃時大地震動
放大光明遍十方界一切悉聞伎樂
之音是名共生不可思議云何名為
共聲聞緣覺不共聲聞緣覺不共有
三一者細二者行三者界如來悉知
一切衆生无量煩惱無量對治是名
為細行者名為六通六波羅蜜法性
自生不可思議是名為行界者一切
世間無尋智慧是名為界是名不共
不可思議聲聞神通齊二千世界
緣覺神通齊三千大千世界諸佛菩
薩通達無量无边世界是名不共共
者除上三事餘一切法是名為共是

菩薩善戒經第二卷 第三十六

故聲聞辟支佛等尚不得與佛菩薩
共况凡夫人天外道邪見菩薩摩訶
薩六波羅蜜法性共生不共生聲聞
緣覺共法不共法是名不可思議

菩薩善戒經卷第二

辛丑歲高麗國大藏都監奉
勅雕造

菩薩善戒經第二卷 第三十七

菩薩善戒經卷第二

校勘記

一 底本，麗藏本。

一 五七七頁上一行經名、二行譯者，
[石]無。未換卷。

一 五七七頁上四行第一〇字「者」，
[資、磧、南、徑、清]無。

一 五七七頁上一四行「修集」，
[清]作「修習」，下同。

一 五七七頁中一〇行第一〇字「智」，
[磧、南]作「者」。

一 五七七頁中一行第一三字「界」，
[資、磧、南、徑、清]作「衆」。

一 五七七頁中一四行第八字「復」，
[資、磧、南、徑、清]無。

一 五七七頁中一八行第六字「來」，
[磧、南]作「死」。

一 五七七頁下五行第六字「學」，
[磧、南、徑、清]作「覺」。

一 五七七頁下一六行「是故」，
[磧、南、徑、清]無。

一 五七八頁中一四行第六字「若」，
[磧、南、徑、清]作「法」。

一 五七八頁下一六行第七字「諦」，
[石]作「謗」。

一 五七八頁下二二行第五字「計」，
[磧]作「許」。

一 五七九頁中二〇行第九字「諸」，
[資、磧、南、徑、清]無。

一 五八〇頁中二行第二字及第一一
字「相」，[石]作「想」。

一 五八〇頁中一二行第三字「放」，
[南、徑、清]作「於」。

一 五八〇頁下二行第一〇字「諸」，
[資、磧、南]作「者」。

一 五八〇頁下四行第九字「見」，
[磧、南、徑、清]作「是」。

一 五八〇頁下五行第一二字「是」，
[資、磧、南、徑、清]作「見」。

一 五八〇頁下九行第六字「想」，
[磧、南、徑、清]作「相」。

一 五八一頁上八行末字「色」，
[磧、南、徑、清]作「名」。

一 五八一頁上一一行末字「誰」，
[磧、南、徑、清]作「推」。

一 五八一頁中一四行第六字「智」，
[資、磧、南、徑、清]作「知」。

一 五八一頁下九行首字「益」，
[磧、南、徑、清]作「根」。

一 五八一頁下一四行末字「上」，至
此，[石]換卷，為卷第三。另有經名、
譯者二行。

一 五八二頁上二行第六字「三」至四
行首字「議」，共二十六字，[資、磧、
南、徑、清]作「三者性不可思議四
者共生不可思議五者不共生不可
思議」。

一 五八二頁上一〇行第一〇字「振」，
[南、徑、清]作「震」。

一 五八二頁中一行第七字「貝」，
[資、磧、南、徑、清]作「具」。

一 五八二頁中一三行第五字，第一
三字「往」，[資、磧、南、徑、清]作「住」。

一 五八二頁下一行第一三字「所」，
[資、磧、南、徑、清]作「邪」。

- 一 五八二頁下一行第四字「燻」，
石作「懦」；資、磧、南、徑、清作
「需」。
- 一 五八三頁下二行第二字「浮」，資、
磧、南、徑、清作「波」。
- 一 五八三頁下四行第二字「命」，資、
磧、南、徑、清作「世」。
- 一 五八四頁上五行第三字「法」及其
後夾註「丹本法」，資、磧、南、
徑、清作正文「佉」。
- 一 五八四頁中八行第七字，九行第
九字「法」，資、磧、南、徑、清作「性」。
- 一 五八四頁下一三行第二字「獲」，
磧、南作「護」。
- 一 五八五頁上八行第一二字「胞」，
石無。
- 一 五八五頁上一九行首字「動」，石
作「吼」。
- 一 五八五頁中一九行末字「共」，資、
磧、南、徑、清作「共生」。
- 一 五八五頁下四行後卷末經名、卷
次，石無。不分卷。



趙城縣廣勝寺

菩薩善戒經卷第三

維

宋劉賓三藏求那跋摩譯

菩薩地調伏品第七

云何名為菩薩調伏調伏者有六種
 一者性調伏二者衆生調伏三者行
 調伏四者方便調伏五者熟調伏六
 者熟印調伏性調伏者有善種子故
 修善法修善法故壞二種障一煩惱
 障二智慧障修善法故身心清淨身
 心清淨故若遇善友諸佛菩薩若不
 值遇能壞煩惱智慧二障如癱已熟
 若遇醫師及以不遇恙得除愈辟如
 凡器任用之時名之為熟如菴羅果
 等任取食時亦名為熟一切衆生亦
 復如是修集善道畢竟欲得阿耨多
 羅三藐三菩提時是名為熟是名性
 調伏衆生調伏者有四種一者有聲
 聞性得聲聞道二者有緣覺性得緣
 覺道三者有佛性得佛道四者有人
 天性得人天樂是名為四是名衆生
 調伏行調伏者有六種一者根調伏
 二者善根調伏三者智慧調伏四者

菩薩善戒經卷第三 第七

下調伏五者中調伏六者上調伏根
 調伏者以調根因緣故得長命好色
 種姓自在大力言音微妙男子之身
 无能勝者具足成就是報果者任得
 阿耨多羅三藐三菩提常為衆生修
 集苦行其心初无憂愁悔恨是名根
 調伏善根調伏者性不好樂造作惡
 業五蓋輕微慈覺觀漸漸羸弱樂受
 清淨純善之言是名善根調伏智慧
 調伏者菩薩摩訶薩修集智慧故心
 得廣大善能受持讀誦經典解善惡
 義思惟分別廣為人說以修集智慧
 故任得阿耨多羅三藐三菩提若能
 具足根調伏善根調伏智慧調伏者
 能淨智障若具根調伏能淨報障若
 具善根智慧調伏能淨智障及煩惱
 障下調伏者有二種一者不於无量
 世中修集善法故二者不樂推求善
 根智慧故名下調伏中調伏者於無
 量世修集善法得善根調伏不得智
 慧名中調伏上調伏者具上三事是
 名上調伏方便調伏者有二十二一
 者界增長二者現在因三者入於出

家四者初發五者非初發六者遠淨
七者近淨八者莊嚴九者至心十者
施食十一者施法十二者為示神通
生信心故十三者為說法得生信心
十四者說深密藏廣分別法十五者
下莊嚴十六者中莊嚴十七者上莊
嚴十八者聽法十九者思惟修集二
十者攝取二十一者呵責二十二者不
待請說及待請說界增長者具善種
子具善種子故他世善根復得增長
現在修集法種子故他世法種子亦
得增長是名界增長現在因者現在
世中說法不認聽法不認如法受持
因先世因增現在因因現在因增未
來因又現在因增現在因是名現在
因入出家者親近善友諸佛菩薩信
心得生得信心故捨離世法受持修
行出世之法出世法者謂菩薩戒若
不能受名字沙門不名出家斷欲法
故乃名出家不受如是菩薩戒者不
名畢竟永斷欲法斷一切受名為出
家受畢竟樂名為出家樂易行道名
為出家增長佛法名為出家樂持禁

戒名為出家是名入出家初發者初
發心時不樂生死不樂生死故信心
得生修集於道增益佛法是名初發
非初發者發心已後親近諸佛及佛
弟子受持禁戒讀誦書寫廣為人說
乃至增長上上善法是名非初發遠
淨者如不受持菩薩禁戒不能讀誦
書寫解說不隨師教懶墮懈怠經无
量劫不能得成阿耨多羅三藐三菩
提是名遠淨近淨者受持禁戒讀誦
書寫為人解說隨順師教勤修精進
速疾能得阿耨多羅三藐三菩提是
名近淨莊嚴者至心懇求无上佛道
為菩提故持菩薩戒為怖畏王師長
和上為名稱故持菩薩戒是名莊嚴
至心者於佛法中至心繫念无有疑
網不忍之心護持正法以菩薩藏菩
薩摩夷教化眾生於師和上者舊長
宿有德之人深生恭敬勤供三寶無
有休息深信三寶常住不變是名至
心施食者菩薩摩訶薩見飢饉者施
以飲食隨前所須一切供給是名施
食施法者菩薩若以一句一偈乃至

半偈一部一藏廣為眾生演說其義
為菩提故教令行善是名施法為示
神通生信心者菩薩摩訶薩以大神
通示諸眾生為憐愍故欲令眾生心
清淨故為知眾生信心淨故為見眾
生淨莊嚴故為令眾生發阿耨多羅
三藐三菩提心故是名神通說法生
信心者菩薩自知未有益為利他
故而演說法亦復知因利益他故能
滅已罪而演說法又復自知為他說
法亦得增長已所修善是名說法說
深密藏廣分別法者菩薩摩訶薩以
方便力能為眾生開示如來甚深密
藏為令眾生解其義故為有智者增
善根者說深義故是名說深密義廣
分別法下莊嚴者不能至心常行无
上賢聖之行是名下莊嚴中莊嚴者
雖復至心修集聖行不能常行是名
中莊嚴上莊嚴者亦常亦至心是名
上莊嚴聽法者若修无上佛法之時
至心聽採十二部經受持書寫讀誦思
惟解說是名聽法思惟修集者既聽法
已身心寂靜思惟其義破壞疑心修

善持戒經卷第三 第六張

善持戒經卷第三 第七張

善持戒經卷第三 第八張

集三想謂定慧捨是名思惟修集攝
 取者以無貪心為人說法受畜弟子
 善為教誡施其衣鉢病給醫藥知煩
 惱起隨病說法是名攝取呵責者若
 自知見所起煩惱呵責身心起煩惱
 者不能自利及利益他輕罪見中中
 罪見重如人亂心墮墜坑陷已墮之
 後不宜復墮煩惱若起應當調伏若
 見弟子起微煩惱應當呵責不應受
 其禮拜供養乃至楊枝澡水若犯大
 罪應作擯出羯磨若呵責者自利利
 他是名呵責不待請說者為自利益
 受持讀誦解說深義為破衆生所起
 煩惱為增衆生所行善法故為說法
 如已所持如持而說如法而住何以
 故菩薩若不如法住者衆生輕慢而
 作是言汝自不能如法而住云何教
 他汝今方應從他受法云何反更為
 他說法是名不待請說待請說者如
 持禁戒懃修精進具足善根樂處閑
 靜常為一切之所恭敬所可演說人
 皆信受知義知辭善能說法若有比
 丘比丘尼優婆塞優婆夷作如是言

唯願大士為調衆生開甘露門是名
 待請而說如是等二十二事誰調伏
 耶謂六種菩薩住六地者如是菩薩
 則能教化調伏衆生何等六地一者
 至心專念菩提行地二者淨心為菩
 提道地三者如法住地四者定地五
 者畢竟地六者成就菩提道地是名
 為六為欲調伏無性衆生說人天樂
 令得不退為有性說令得調伏增長
 善法是名熟調伏熟調伏印者聲聞
 之人於无量世修集善根是名下熟
 調伏印復有下熟調伏印謂下軟心
 下莊嚴下善根不能破壞三惡道報
 現在不得四沙門果及以涅槃是名
 下熟調伏印云何中熟調伏印若得
 中心中莊嚴中善根破三惡道現在
 不得四沙門果及以涅槃是名中熟
 調伏印上熟調伏印者有上心上莊
 嚴上善根破三惡道現在能得四沙
 門果及以涅槃是名上熟調伏印緣
 覺亦如是有二事勝一者修集道勝
 二者无師得道勝菩薩摩訶薩住此
 專念菩提行地是名下熟調伏印住

第二地名為中熟住第三地名為上
 熟初地菩薩其心微軟莊嚴亦亦墮
 三惡道修行已經初阿僧祇初阿僧
 祇初未能具足無動无上清淨三十
 七品中熟調伏印者菩薩中心中莊
 嚴不墮三惡修行已經第二阿僧祇
 劫雖得清淨不動轉善具三十七品
 未得具足寂靜三十七品是名
 中熟調伏印上熟調伏印者菩薩摩
 訶薩住上熟調伏印上心上莊嚴不
 墮三惡修行已經第三阿僧祇劫具足
 清淨不動轉善獲大寂靜三十七品
 即是菩薩无上道故名為大淨不動
 純善寂大寂靜是名上熟調伏印下
 熟調伏印有三種下下中下上中
 熟者三中下中中中上上熟有三上
 下上中上上菩薩摩訶薩具足如是
 等調伏者則能增長無上佛法教化
 衆生調伏諸根智慧猛利能為衆生
 開示三乘
 菩薩地菩提品第八
 云何名菩提菩提者謂二種解脫二
 種智慧二解脫者一煩惱障解脫二

智障解脫智慧二者一者能壞煩惱障二者能壞智慧障又復无上菩提者所謂淨智無尋智一切智斷一切習斷除一切无記無明淨智者斷一切習知一切界一切法一切行一切世間一切時一切對治界有二種一者世界二者衆生界法亦二種一者有為二者無為行亦二種一者壞煩惱障二者壞智慧障世間二種一者智二者愚時有三種過去現在未來對治三種不淨觀慈觀十二因緣觀是名淨智无尋智者不假莊嚴思惟入定而能通達一切界一切法一切行一切世間一切時一切對治是名无尋智復有無尋智謂百四十不共法如來所有无諍三昧願智四無尋智是名无尋智名為菩提云何名為百四十不共之法謂三十二相八十種好四淨行十力四無所畏三念處三不護大悲不志斷一切習一切行無勝智是名百四十不共法後住品中當廣說云何名為无上菩提具七无上故名無上菩提一者身无上三

者受持無上三者具足无上四者智慧无上五者不可思議無上六者解脫無上七者行无上身無上者三十二相莊嚴身故受持无上者諸佛菩薩自利利他能施衆生人天樂故具足無上者諸佛菩薩有四具足故所謂壽命具足見具足戒具足行具足智慧无上者謂四無尋不可思議无上者所謂具足六波羅蜜解脫無上者如來能壞二種障故行无上者所謂聖行天行梵行聖行者謂三三昧空无相願滅盡定天行者謂四禪四無色定梵行者謂四无量心是三種行出佛四行常樂修集云何為四聖行有二一者空三昧二者滅盡定天行有一謂第四禪梵行亦一所謂大悲如來以是大悲因緣晝夜六時常觀衆生誰无善根當施種子誰種善根當令增長乃至誰未發阿耨多羅三藐三菩提心我當令發阿耨多羅三藐三菩提心如來以是无上身故名大丈夫受持無上故名為大悲具足无上故名到彼岸智慧無上故名

一切智不可思議无上故名阿羅呵解脫無上故名大涅槃行無上故名三藐三佛隨以是義故如來具足十種名号所謂如來應供正遍知明行足善逝世間解无上士調御丈夫天人師佛世尊無虛妄故名如來良福田故名為應供知法界故名正遍知具三明故名明行足不來還故名為善逝知二世間故名世間解一者國土世間二者衆生世間能調伏衆生身心惡故名无上士調御丈夫能為衆生作眼目故能令衆生正知正法正義正歸為諸衆生廣說義故能壞一切煩惱苦故能破衆生疑網心故開示諸法甚深義故一切善法根本故是故為天人之師知善法聚不善法聚非善非不善法聚是名為佛壞魔波旬故能得難得如來身故名婆伽婆無量劫中乃至无有一佛出世是故難得无量世界有無量佛十方世界有無量菩薩同時同願修集莊嚴同時俱發菩提之心一時一月一歲同施同戒同忍同進同禪同智以是

菩薩戒經第三卷 第十四

菩薩戒經第三卷 第十四

菩薩戒經第三卷 第十四

義故十方世界應有無量無邊佛土
 一土之中終無二佛一時出世若無
 十方無量世界如是無量無邊菩薩
 同修善行可無果耶以是故知有十
 方無量無邊諸佛世界何以故一土
 之中無二佛故菩薩摩訶薩初發心
 時作如是言唯我一人能令無量無
 邊眾生斷煩惱苦入於涅槃以是願
 力獲得果報如來能為三千大千無
 量世界說法教化調伏眾生是故一
 土無二佛出若一土中有二佛出者
 眾生不能樂修善法不生恭敬難遭
 之想若見一佛則得生於不思議心
 佛或涅槃我等當共及時修善懃行
 精進轉離生死生難遭想恭敬之心
 修檀波羅蜜乃至修集般若波羅蜜
 是故一土無二佛出十方諸佛唯除
 四事其餘一切平等無二一者壽二
 者姓三者名四者身菩薩終不以女
 人身得阿耨多羅三藐三菩提何以
 故菩薩摩訶薩初阿僧祇劫已斷女
 身女人之身貪欲多故二指智故如
 是惡智不能得阿耨多羅三藐三菩

提者不可思議何以故一切聲聞辟
 支佛等所不得故是故無上菩提元
 量功德之所成就二指者謂女人和
 合智也

菩薩地菩提力性品第九

菩薩摩訶薩欲學菩薩戒者當修信
 解常樂求法常樂說法見持法者深
 生供養如法而住教誨弟子住正法
 中善知身口意業方便云何菩薩修
 集信解明信三寶及其功德信佛菩
 薩不可思議信真實義信有因果信
 諸眾生有種種業種種業果知善方
 便及非方便自信必得阿耨多羅三
 藐三菩提自知得義義者所謂无上
 菩提智菩提方便菩提方便者謂菩
 薩戒乃至三十七品菩薩戒者聞說
 法時心忍信受所謂十二部經是名
 菩薩戒學菩薩戒者當修二事一者
 慈心二者信心菩薩修集如是二法
 得信解心求法者求何事云何求何
 故求求者謂菩薩藏聲聞藏一切世
 論一切世事菩薩藏者謂毗佛略餘
 十一部名聲聞藏世論者有三種一

者因論二者聲論三者醫方論一切
 世事者如金寶工匠一切方術方術
 有五一者內術二者因術三者聲術
 四者知病因治病術五者知一切作
 事菩薩摩訶薩常求如是五種方術
 內術者謂十二部經菩薩摩訶薩為
 二事故求十二部經一者知因果二
 者作業不失不作不受求因論者為
 二事故一者為知外道過故二者為
 壞外道諸論師故求聲論者亦為二
 事一者為解一切法界義故二者為
 正一切言辭音聲故求治病術為四
 事故一者為知病相狀故二者為知
 病因緣故三者為知病除愈故四者
 為知病愈之後更不起故求十二部
 經為知因果者一切法有十種因說
 真因相攝一切因若生死若解脫若
 善若不善若內若外若眾生若非眾
 生何等為十一者流布因二者從因
 三者作因四者攝因五者增長因六
 者轉因七者不共因八者共因九者
 害因十者不害因流布因者所謂法
 因名得其體相得體相故故可宣說

是名流布因如因于取因足涉路因身而有去來坐卧是名從因如從子得果是名作因離子從餘而得果者是名攝因子滅芽生從芽得果名增長因如從子生穀因穀生子是名轉因隨種得果名不共因如地水火風名為共因犯四重禁恐害善法是名害因若不犯者是名不害因害因有五者一者聲害二者生害三者不共住害四者怨害五者定害聲害者猶如世論初說善好後說不善又復害者如說諸法一切無常猶如虛空說一切常謂生老死是名聲害生害者如說無因而能生果有因无果不共住害者猶如明闇貪恚苦樂怨害者如蛇鼠狼馬與水牛如狸與鼠定害者如不淨觀除貪慈心除瞋悲除害心八聖道分除一切結復有二因一者真實因二者方便因真實因者所謂種子方便因者如餘外緣方便因者有四種緣一者因緣二者次第緣三者緣緣四者增上緣因緣者諸法生因增上緣者謂方便因次第緣緣緣

者謂心心數法是名四緣如是十因去何出生一切世法及出世法云何斷生死云何不斷生死如世間中種種穀子為增長命有種種名所謂大麥小麦大豆小豆粳粮胡麻等是名流布因因於飢渴無氣力故為除是患身得力故求大小麥乃至胡麻因於美食心生貪著生貪著心故方便求索是名從因如彼種子生相似果是名作因如彼地水火風糞土人工等是名攝因從子增長乃至於果是名增長因如子生果從果復生因果是名轉因如麦生麦豆自生豆是名不共因如離子已從餘生果是名共因如子遇電火燒鳥食是名害因離電火鳥名不害因以是義故是十種因出生世法及出世法又復演說十二因緣所有名相謂无明因緣行行因緣識識因緣名色名色因緣六入六入因緣觸觸因緣受受因緣愛愛因緣取取因緣有有因緣生生因緣老死憂悲愁惱大苦聚集是名流布因无明緣行乃至生緣老死為貪恚

故不斷十二因緣是名從因現在愛取未來无明是名作因現著未來行是名作因現在識未來生是名作因現在名色六入觸受未來生老死是名作因不近善友不樂聽法不思惟義不如法住以此四事攝取无明乃至生老死是名攝因因惡業故增長无明乃至老死是名增長因无明三種謂下中上下為中因中為上因乃至老死是名轉因有無明墮地獄有無明墮畜生有無明墮餓鬼是名不共因一切眾生平等共有十二因緣是名共因無明因緣故无具足性不與如来共生一國遠離善友不得聞法不思惟義不如法住不得修集三十七品是名害因除无明故性得具足性具足故得與如来共生一國親近善友得聞正法思惟正義如法而住修集三十七品是名不害因以是義故是十種因出生世法云何十因生出世法若說三十七品名相菩提名相乃至涅槃名相流布因因四念處得四正勤因四正勤得如意足

菩薩戒經第三卷 第六

菩薩戒經第三卷 第六

菩薩戒經第三卷 第六

因如意足得五根因五根得五力因
 五力得七覺分因七覺分得八聖道
 因八聖道得涅槃是名從因无明滅
 故諸行滅行滅故識滅識滅故名色
 滅名色滅故六入滅六入滅故觸滅
 觸滅故受滅受滅故愛滅愛滅故取
 滅取滅故有滅有滅故生滅生滅故
 老死滅老死滅故得涅槃是名從因
 性具足故修三十七品修三十七品
 故得涅槃是名從因性具足故乃至
 三十七品能生菩提是名作因親近
 善友至心聞法思惟其義如法而住
 調伏諸根修八聖道是名攝因三十
 七品能為二種涅槃之因是名轉因
 具聲聞性得聲聞果具緣覺性得緣
 覺果具佛性故得無上道是名不共
 因如是三人悉共修集三十七品是
 名共因性不具足生處八難不聞正
 法是名害因壞害因故得聞正法名
 不害因修集八聖道因緣故得聲聞
 菩提辟支佛菩提得佛菩提是增長
 因是十種因出生世法出世之法如
 是二法各有三世所謂過去未來現

在若有說言離是十因更有因者无
 有是處云何名果果有五種一者報
 果二者餘果三者解脫果四者現作
 果五者增上果不善之法得三惡報
 有漏善法得人天果是名報果以造
 惡故樂為惡業以修善故樂修善業
 是名餘果修八聖道遠離煩惱名解
 脫果凡夫修道雖離煩惱不名解脫
 果何以故非畢竟故若人現世種種
 方便役力得財是名現作果眼根眼
 識乃至意法意識名增上果菩薩摩
 訶薩以知因果增長作力修集於道
 知不作不受作不失果菩薩摩訶薩
 知因果故求十二部經受持讀誦書
 寫解說得第二業力若有菩薩不信
 衆生業因果者終不能得菩薩禁戒
 菩薩何故求十二部經菩薩至心念
 菩薩戒勸求佛法乃至一句一偈一義
 若見說者心生恭敬歡喜樂聞不輕
 於說法者已身於說法者不求其過
 至心奉敬如從佛聞若說法者依法
 不施應以錢財乃至身命供事奉獻
 若有菩薩能如是者名義菩薩菩薩

若能至心聽受乃至一句一偈一義
 三界煩惱皆悉萎悴具菩薩戒菩薩
 至心求佛語時渴法情重不惜身命
 設蹈熱鐵猛火之地不以為患菩薩
 摩訶薩以一偈故常不惜身命況十二
 部經為一偈故尚不惜身命況財物
 得聞法利身得安樂深生信心得柔
 軟心直心正見見說法者如見父母
 心无憍慢為衆生故至心聽法終不
 為己為增衆生所有善根聽受正法
 不為利養為衆生故受菩薩戒不為
 自利為正法故不畏王難飢渴寒熱
 虎狼惡獸盜賊等事先自調伏煩惱
 諸根然後聽法非時不聽至心聽法
 恭敬說者尊重於法是名菩薩具菩
 薩戒云何菩薩至心聽法聽法有四
 一者至心二者一心三者一切心四
 者善心是名菩薩勸求十二部經菩
 薩何故求十二部經為欲流布諸佛
 正法故為欲增長諸佛法故為令世
 間信佛法故為令一切无量衆生悉
 得阿耨多羅三藐三菩提故是故菩
 薩求十二部經菩薩何故求於因論

為知因論諸過罪故為破外道惡邪
論故為弘方便調眾生故為欲分別
如來語義世語義故是故菩薩求於
因論菩薩何故求於聲論為令言辭
淨莊嚴故不淨之言不能宣說明了
義故為欲解知一切義故壞不正語
憍慢心破邪見故為知方便調眾生
故是故菩薩求於聲論菩薩何故求
諸醫方為令眾生離四百四病故為
憐愍故為調伏眾生故為生信心故
生喜心故是故菩薩求諸醫方菩薩
何故求世方術為易得財利眾生故
為諸眾生信心故為知世事破憍
慢故調伏眾生故破一切法諸闇障
故若有菩薩不能如是求五事者終
不能得阿耨多羅三藐三菩提成一
切智為得阿耨多羅三藐三菩提故
求於五事菩薩成就菩薩戒者為眾
生說說何事云何說何故說說何事
者謂十二部經云何說者成就五事
何故說者為得成就阿耨多羅三藐
三菩提故說有二事一者次第說二
者清淨說次第說者初說惠施次說

禁戒次說天樂次說三昧次說受持
十二部經思惟其義如法而住是名
次第說清淨說者人在高處已身處
下不應說法除為病患心不信者不
應為說不厭生死者不應為說人在
已前不應為說人覆頭者不應為說
求過失者不應為說其餘皆如波羅
提木又修多羅中說何以故諸佛菩
薩恭敬法故若說法者尊重於法聽
法之人亦生宗敬至心聽受不生輕
慢是名清淨說次第說者一
切說一切說壞慢法心无有憍慢若
一句一偈乃至半偈若辭若義若法
說義說及法義說示教利喜或時呵
責或時直說或時喻說隨所應說或
淺近說為易入說隨所樂說是名菩
薩次第說也清淨說者菩薩摩訶薩
於怨憎中修集慈心得慈心已於惡
眾生及放逸人以諸方便而為說法
乃至受樂其心憍恣及貧窮人方便
開示而為說法不為讚已毀辱他人
飲食利養名譽故說是名菩薩清淨
說法如法住者身口意業修集善法

正思惟義是名如法而住云何菩薩
思惟於義菩薩調伏身口意業樂處
閑靜若自受持若從他聞思惟正義
不思非義至心思惟真實之義為菩
提道繫心思惟依於實義不依文字
思惟分別此是佛語此非佛語捨非
思惟懼心亂故隨所聞聲隨聲思義
不隨他語雖不解義終不言非何以
故此是諸佛之境界故菩薩摩訶薩
依義不依字能知如來甚深之義知
法非法无能動轉如是菩薩未得忍
者今已得忍未得三昧今得三昧是
名菩薩如法而住云何名修集修集
有四一者舍摩他二者毗婆舍那三
者愛樂修集四者隨所修集樂在中
住舍摩他者菩薩摩訶薩修集四禪
四无色定專心緣定能破五蓋因住
定故解真實行能離一切諸惡覺觀
其心不乱能思內外法界之義隨順
法相心心數法安住一緣是名舍摩
他毗婆舍那者修舍摩他能觀法界
分別法相求於善法遠離惡法智慧
正見不顛倒見善解於義是名毗婆

舍耶愛樂修集者至心修集如上二法至心修者常不放逸是名愛樂修集樂住修集者修舍摩他毗婆舍耶時不假方便隨意而住是名樂住修集菩薩摩訶薩常修二法亦名樂住亦名清淨亦名身心寂靜亦名廣智菩薩摩訶薩修是二法即是得阿耨多羅三藐三菩提根本菩薩成就菩薩戒者得是二法是名修集云何為教教有八種菩薩摩訶薩成就三昧欲教衆生先當入定或與共住然後能以八事教化何等為八一者知心二者知根三者善根四者煩惱五者對治對治者有貪心者教觀不淨有恚心者教修慈心有癡心者教觀因緣惡覺觀者教令數息是名為八以如是等諸善方便教化衆生破斷常心說於中道實无作想而作作相真實不得而作得想真實無觸而作觸想真實无證而作證想是八種事能破如是妄想憍慢復有三事一者心若不任能令任緣二者住已能觀正法三者知善方便若知善方便若衆生心根善

根及以煩惱以是四事能令散心住於緣中破斷常見而說法者是名能觀正法破貪心故說觀不淨破瞋恚心說慈心觀破愚癡故說因緣觀破惡覺觀說於數息是名知善方便若菩薩摩訶薩自於佛所若菩薩所學是八事復以是法教化衆生是名菩薩摩訶薩淨八種力何等為八一者知諸禪定解脫力二者知根力三者解力四者世界力五者知至處道力六者宿命智力七者生死智力八者漏盡智力是名為八又復教者復有五種一者教令遠惡二者教修善法三者教犯戒者發露懺悔四者教作憶念羯磨五者教不受語者作擯出羯磨菩薩摩訶薩以是五事教化衆生以憐愍心故清淨心故菩薩摩訶薩若以瞋心教化衆生則不能得菩薩禁戒若受教者如法而受應當恭敬至心瞻視供養尊重如父如母如佛菩薩何以故以如法受教故則能疾得聲聞菩提緣覺菩提得阿耨多羅三藐三菩提是名菩薩教也善方便

者菩薩摩訶薩一切所有身口意業悉為調伏一切衆生是名善方便善方便者有四種一者惠施二者軟語三者利益四者同義菩薩摩訶薩能施衆生衣服飲食房舍卧具病瘦醫藥受施之人既受施已於菩薩所生愛念心至心聽說聞已受持以受持故菩薩則以軟語讚歎以讚歎故受者歡喜以歡喜故能壞惡心受持善法壞惡心故菩薩復言我已具信戒聞施慧汝亦當具菩薩若不具是五事則不能教一切衆生衆生亦言汝自不具云何教他令具足耶是故菩薩具足五事是名菩薩以善方便教化衆生方便者所謂善調伏調伏者所謂不棄不轉不退是名善方便

菩薩善戒經卷第三

菩薩善戒經卷第三

校勘記

- 一 底本，金藏廣勝寺本。
- 一 五八八頁中一行經名，二行譯者，**石**無。未換卷。
- 一 五八八頁中三行第三字「地」，**資**、**磧**、**南**、**徑**、**清**作「行地」。
- 一 五八八頁中一五行「修集」，**資**、**徑**、**清**作「修習」，下同。
- 一 五八八頁下八行第七字「惡」，**資**、**磧**、**南**、**徑**、**清**無。
- 一 五八八頁下一行首字「得」，**資**、**磧**、**南**、**徑**、**清**作「行」。
- 一 五八八頁下一行第二字「廣」，**資**、**徑**、**麗**作「曠」。
- 一 五八八頁下二二行第一三字「二」，**資**、**磧**、**南**、**徑**、**清**作「三」。
- 一 五八九頁上九行「及待請說」，**資**、**磧**、**南**、**徑**、**清**作「二十三者待」(**資**作「侍」)請而說。
- 一 五八九頁上二一行第一一字「受」，

- 麗**作「愛」。
- 一 五八九頁中一五行第二字「上」，**磧**、**徑**、**清**作「尚」。一八行第一一字「上」，**資**、**磧**、**徑**、**清**作「尚」。
- 一 五八九頁下九行「知因」，**磧**、**南**、**徑**、**清**作「因知」。
- 一 五八九頁下一五行第一三字「義」，**麗**作「藏」。
- 一 五八九頁下二一行「思惟」，**資**、**磧**、**南**、**徑**、**清**無。
- 一 五九〇頁上七行首字「罪」，**磧**、**南**作「非」。
- 一 五九〇頁上一一行第四字「擯」，**資**作「儉」；**磧**、**清**、**麗**作「擯」。
- 一 五九〇頁中二行第一〇字「二」，**資**、**磧**、**徑**、**清**作「三」。
- 一 五九〇頁下三行第一二字「劫」，**麗**無。
- 一 五九〇頁下一一行第八字「弟」，**資**、**磧**、**南**、**徑**、**清**、**麗**無。
- 一 五九〇頁下一六行第二字「者」，**石**、**資**、**磧**、**南**、**徑**、**清**、**麗**作「有」。

- 一 五九〇頁下二一行第三字「地」，**資**、**磧**、**南**、**徑**、**清**作「行地」。
- 一 五九一頁上五行第三字「知」，**資**、**磧**、**南**、**徑**、**清**作「弘」。
- 一 五九一頁上末行末字「三」，**石**、**資**、**磧**、**徑**、**清**、**麗**作「二」。
- 一 五九一頁中一六行第八字「梵」，**資**作「林」。
- 一 五九一頁中一八行第三字「生」，**徑**作「主」。
- 一 五九一頁下一六行第二字「為」，**資**、**磧**、**南**、**徑**、**清**、**麗**作「名為」。
- 一 五九二頁上二二行第九字「故」，**資**、**磧**、**南**、**徑**、**清**作「欲」。
- 一 五九二頁中一行第二字「者」，**麗**作「菩提者」。
- 一 五九二頁中三行第八字至四行第三字「二指者謂女人和合智也」，**麗**作夾註。
- 一 五九二頁中四行第三字「也」，至此**石**換卷，為卷第四。
- 一 五九二頁下二二行末字「法」，**石**、

一 五九三頁上一行第九字「取」，資、

資、南、徑、清作「取物」。

一 五九三頁上七行第九字「恐」，麗作「怨」。

一 五九三頁中一〇行末字「工」，資、南、徑、清作「功」。

一 五九三頁中一二行末字「因」，資、南、徑、清作「因果」。

一 五九四頁上四行第五字「行」，石作「諸行」。

一 五九四頁上一行第一二字「是」，資、南、徑、清作「是名」。

一 五九四頁中六行第八字「修」，徑作「果」。

一 五九四頁中一二行第九字「作」，資、南、徑、清作「性」。

一 五九四頁中一五行第六字「二」，南、徑、清作「一」。

一 五九四頁下五行第八字「常」，麗作「尚」。

一 五九四頁下五行第一二字「命」，

資、南、徑、清、麗無。

一 五九四頁下六行第一〇字「身」，資、南、徑、清、麗無。

一 五九四頁下七行首字「得」，石、南、徑、清、麗作「以」。

一 五九四頁下二二行第一一字「故」，資、南、徑、清無。

一 五九五頁上二行第四字「引」，石作「知」。

一 五九五頁上二二行首字「二」，諸本作「三」。

一 五九五頁中一行末字「一」，至一二行第五字「說」，資、南、徑、清作「一切說一切說一切說初一切者謂十二部經中一切者謂一切衆生後一切者謂一切衆生」(資作夾註)；麗作「一切說一切說一切說」。

一 五九五頁中一五行「隨所」，石作「所隨」。

一 五九六頁上一行第六字「集」，石作「習」，下同。

一 五九六頁上一八行第九字「想」，石、南、徑、清、麗作「相」。

一 五九六頁上一八行第一三字「相」，石作「想」。

一 五九六頁上末行「若知善方便」，資、南、徑、清無。

一 五九六頁下一一行第一三字「是」，麗作「足」。

一 五九六頁下末行經名、卷次，石無。未分卷。



菩薩善戒經卷第四

維

宋劉賓三藏求那跋摩譯

菩薩地施品第十

菩薩摩訶薩求阿耨多羅三藐三菩提具足莊嚴六波羅蜜所謂檀波羅蜜尸波羅蜜羼提波羅蜜毗梨耶波羅蜜禪波羅蜜般若波羅蜜云何名為菩薩檀波羅蜜菩薩布施有九種一者性施二者一切施三者難施四者一切自施五者善人施六者一切行施七者為除施八者自利利他施九者寂靜施性施者自利利他自他俱利內發善心身口意善業於財物中心無貪著是名為施菩薩行施持戒精進信十二部經信因果隨諸眾生所求之物心無吝惜以如是等身口意業施心財物如是五事即是五陰是名性施云何一切施一切施者有二種一者內物二者外物菩薩摩訶薩於無量世為施眾身受是陰身是名內物菩薩摩訶薩為食吐鬼自脹食已吐施於彼是名內物離是

二事是名外施菩薩摩訶薩捨身布施有二事一者菩薩不得自在二者屬他有求不施不能得成阿耨多羅三藐三菩提是名菩薩不得自在屬他者菩薩摩訶薩為菩提故身屬眾生如世間人以衣食故為他僕使菩薩摩訶薩於自身中不得自在一切眾生於菩薩身頭目髓腦乃至手足隨意取用而得自在外施有二事一者為利眾生二者心無貪吝菩薩摩訶薩於是內外有施不施菩薩摩訶薩觀諸眾生受施之後不得利樂則不行施受施之後必得利樂則便行施菩薩若知緣以身施令眾受苦妨行善法及非法求亦不應施菩薩摩訶薩若見百千萬億眾生非法因緣求不得故墮失身命終不為此而行惠施非法求者所謂若煞若誑若偷若害是名不施復有不施者菩薩摩訶薩若知自身能多利益無量眾生有來求者則不應施是亦名施何以故有淨心故若知是魔及魔眷屬則不應施若有為魔所迷亂者來求

二事是名外施菩薩摩訶薩捨身布施有二事一者菩薩不得自在二者屬他有求不施不能得成阿耨多羅三藐三菩提是名菩薩不得自在屬他者菩薩摩訶薩為菩提故身屬眾生如世間人以衣食故為他僕使菩薩摩訶薩於自身中不得自在一切眾生於菩薩身頭目髓腦乃至手足隨意取用而得自在外施有二事一者為利眾生二者心無貪吝菩薩摩訶薩於是內外有施不施菩薩摩訶薩觀諸眾生受施之後不得利樂則不行施受施之後必得利樂則便行施菩薩若知緣以身施令眾受苦妨行善法及非法求亦不應施菩薩摩訶薩若見百千萬億眾生非法因緣求不得故墮失身命終不為此而行惠施非法求者所謂若煞若誑若偷若害是名不施復有不施者菩薩摩訶薩若知自身能多利益無量眾生有來求者則不應施是亦名施何以故有淨心故若知是魔及魔眷屬則不應施若有為魔所迷亂者來求

三十五卷經集卷第三

菩薩戒經卷第三

第五段 經字

索時亦不應施若有狂癡及欲惱亂如是乞者亦不應施是名內不施外不施者火毒刀酒能為衆生作惡因緣菩薩終不以此施人若作利益則以布施菩薩摩訶薩終不為他作惡僕使者知受者受施之後必行惡業亦不施之是亦名施何以故以淨心故手雖不施其心已捨所以者何菩薩定知受施之人受已必作无量惡業墮三惡道是故不施菩薩雖知受者得物其心歡喜然知不免三惡道苦是故不施菩薩摩訶薩終不教人張諒捕獵亦不教人事婆藪天自不煞羊祀祠天神亦不教他煞羊祠天不以羅網施來求者一切怨惡打罵繫縛恚不施人若有困厄貧窮愁惱欲自刑戮或求刀果亦不施之亦不教人自墜高巖投剎赴火以置身命若有病人所須之物是醫禁者恚不施之貪食之人食飽已不施是名不施菩薩摩訶薩不以父母師長布施若為國主不應自在取他妻息以施於人唯除城邑聚落國土若自妻息

及以僮僕眷屬宗族先以軟語慰喻其心若不肯者則不應施設其肯者終不施與怨家惡人羅刹惡鬼旃陀羅種雖以城邑國土聚落惠施於他終不施與暴惡之人亦不私以父母師長兄弟妻子僮僕奴婢所有財物布施於人菩薩不以非法求財而行布施行施之時於已眷屬不瞋不打不罵不呵善言教導令其歡喜如是福報汝亦有分菩薩施時其心平等不觀福田及非福田不觀怨親種姓尊卑已許之物終不生悔多許之物終不少與不先許好後以惡施唯許惡與好許少施多菩薩施时无不喜心瞋心亂心施已終不於受者所計於恩報行施之時不以受者是尊貴故恭敬手奉受者卑賤撥擲而與若其受者打罵劫奪菩薩於是終不生瞋但責煩惱不呵其人於是人所深生憐愍終不念言因是施故我當得成阿耨多羅三藐三菩提是施亦能莊嚴菩提不為求果故而行於施一切所施恚以迴向阿耨多羅三藐三

菩提不為他教故行於布施不以聞有施果報故而行於施如經中說施食得力施衣得色施乘者得樂施燈得好眼施房舍者得隨意物終不憚得如是等果而行布施唯以憐愍而行於施為破貧窮故而行於施為調衆生阿耨多羅三藐三菩提故而行於施不施非施非施者不以殘食以施聖人非聖人者不求不施不以殘食施於父母師長者宿有德之人如其求者則應施之終不以吐膿汗涕垂糞土雜食而以施人不以穢食而以施人凡所施食若多若少先語後施不語不施不食慈者不以雜慈食施不食肉者不以雜肉食施不飲酒者不以雜酒食施若有酒香亦不以施是名不淨之物不以布施菩薩摩訶薩見來乞者求時即施終不以施要他策使不為天樂而行布施不以名稱而行布施不求恩報而行布施不以轉輪聖王身故而行布施不以魔天梵天身故而行布施不為國王長者恭敬供養尊重而行布施少物

尚施何況有多不為誑故而行布施
不為壞他眷屬成已眷屬乃至聚落
城邑國土而行布施菩薩施時手奉
上座乃至沙弥及持戒毀戒心無疲
厭菩薩施時終不呵毀乞求之人不
為憍慢故而行布施菩薩摩訶薩於
一切物常生捨心所畜之物常為衆
生若有審知菩薩已捨於已有分作
已分取則無有罪菩薩摩訶薩見求
者時心生歡喜如重病入見大良醫
隨其所須自恣聽取三時歡喜所謂
未施施時施已菩薩施時常發是心
設有貧富俱來乞者應自思惟若多
有物當等施之如其少者先救貧苦
作是願者即是阿耨多羅三藐三菩
提因慳有三種謂下中上菩薩摩訶
薩先壞下慳以壞下慳則能破壞中
上二慳既自破慳復為衆生說破慳
法以說法故利益衆生復次菩薩於
不求者強以物施若無財物應以方
便伎力求覓而行惠施若无財施應
行法施教化衆生汝今何故不行惠
施前人若隨行布施者深生歡喜身

力佐助代其策使又無財者應以智
慧為諸衆生開示善惡復次菩薩不
以正典施邪見者不為活命街賣經
律若讀誦者則應施與若慳不與名
曰法慳若能說法不為說者亦名法
慳若我不能以法施人云何能破衆
生煩惱菩薩終不作是說言我今无
財不能行施亦不瞋惱自憊其心以
善方便慰喻求者我今未有不稱來
意何以故初發心時自言當施一切
衆生故復次菩薩聞求者來即出承
迎為施牀座既得相見先意共語軟
言問訊隨所須物事事供施菩薩摩
訶薩初發心時自言我今所有之物
當施十方諸佛菩薩及諸衆生辟如
弟子以衣鉢物奉施於師師雖不取
而此弟子得福无量菩薩亦尔所有
之物奉施諸佛及諸菩薩諸佛菩薩
雖不受取亦令施者得無量福常隨
菩薩如恒河沙菩薩摩訶薩觀已財
物如十方佛菩薩所寄知佛菩薩於
是物所心無慳慳是故菩薩自在隨
意以施衆生亦復深觀不應施者應

當諫喻如此物者實非我有乃是諸
佛菩薩所有以柔軟語曉喻求者不
令瞋恨是故菩薩成就具足財法二
施具二施已知性知因知果知分別
菩薩若施於怨憎者慈因緣故若施於苦者悲因
緣故若施於德者喜因緣故若施於兄弟僮
僕捨因緣故是名菩薩因智慧施復
次菩薩知寄施心寄施心有四種
一者無量世來不習施故二者財物
少故三者貪著好物故四者不求後
世善報故菩薩摩訶薩見來求者富
有財物不即發施心是則菩薩无量
世來不習施心菩薩今時應以智力
而自思惟以我從昔無量世來不習
施故不即發心我於今者多有財物
無有求者若不惠施於未來世復當
增長慳慳之心終不隨順不修施心
復次菩薩見來求者財物少故不即
發施心菩薩復應以智慧力而自思
惟我以無量惡業因緣無量世中身
屬於他受大苦惱飢渴寒熱不能利
益无量衆生以是業緣令身少財今
若不施復增來世貧窮困苦我今以

菩薩摩訶薩 第九卷 維摩經

菩薩善戒經 第四卷 第十卷 維摩經

菩薩善戒經 第四卷 第十卷 維摩經

是少物施人雖當貧苦終不至於三
 惡道苦作是思惟能壞少物慳慳之
 心復次菩薩見有求者於好物中心
 生貪著不即發施心菩薩亦時應以
 智慧而自思惟我於無常而作常想
 無我所中作我所想我若不施則長
 貪著是我顛倒是故菩薩能壞貪著
 好物之心復次菩薩不求果報故不
 行布施菩薩亦時應思惟言一切諸
 法無常无定若常定者則不須施何
 以故無因果故以无常故則有因果
 今若不施云何當得菩提道果是故
 菩薩則能破壞不求果心而行惠施
 菩薩摩訶薩知四顛倒法無決定无
 有常想是故能壞四怨惡心復次菩
 薩內身寂靜至心思惟常作是念我
 設有財當以供養諸佛菩薩若施法
 僧是名菩薩智慧布施有財无財常
 作如是繫心思惟法施亦亦是名一
 施云何菩薩難施能施菩薩摩訶薩
 若有少物常以惠施是名難施心所
 愛重貪著之物無量世中勤求得者
 及大方便伎力得者以如是等惠施

他人是名難施云何一切自施菩薩
 摩訶薩若自行施若教父母兄弟妻
 子眷屬奴婢令行布施是名一切自
 施云何善人施若善男子以善心施
 信心施至心施自手施應時施如法
 得財施是名善人施云何菩薩一切
 行施不求果報故名一切行施常施
 故名一切行施福田施故名一切行
 施不觀福田及非福田施故名一
 切行施不觀時與非時是名一切行
 施不觀財物是可施是不可施是名
 一切行施云何菩薩為除故施若有
 眾生飢渴苦惱為除此事而行布施
 寒者施衣求乘施乘求瓔珞者施以
 瓔珞塗香末香雜華燈明房舍卧具
 病瘦醫藥亦復如是是名為除故施
 云何自利利他施菩薩摩訶薩若以
 財法施於彼者能為己身及以眾生
 作二世樂常施眾生無畏之樂所謂
 虎狼師子水火王難怨賊能為救濟
 是名無畏施菩薩摩訶薩法施者凡
 有所說初無顛倒是名法施善能教
 誡一切眾生是名淨法施菩薩財施

利益現在行法施者則能利益現在
 他世復有財施或為眾生作現世苦
 法施不尔能作現在他世樂事財施
 不淨法施清淨行財施者不名無邊
 法施之施名無邊施財施易得法施
 難遇是名自他利施云何名寂靜施
 寂靜施者有十種何等為十一者無
 導施二者無錯謬施三者非莊嚴施
 四者無高心施五者无著心施六者
 無著施七者无愁施八者無顯面施
 九者无求思報施十者不求果報施
 無導施者菩薩摩訶薩行施之時不
 為一切剝務世事之所障導雖知求
 者无心悞遲然能疾捨稱其所求是
 名無導施无錯謬施者菩薩摩訶薩
 終不念言施無果報无善惡報亦不
 念言煞生行施得善果報如婆藪所
 說以不貪著施因緣故得世間樂及
 阿耨多羅三藐三菩提果是名无錯
 謬施非莊嚴者菩薩摩訶薩終不聚
 物為好莊嚴而行布施隨得隨施終
 不貯積何以故菩薩深知財命二法
 無常難保故有來求者遇已便施終

不語言待我莊嚴然後乃與何以故
莊嚴施者則不得名莊嚴阿耨多羅
三藐三菩提菩薩若待莊嚴施者則
令衆生大受苦惱是名非莊嚴施无
高心施者菩薩摩訶薩見來求者生
謙下心不自讚言我是施主不求恩
報不為勝他行施不為名稱而行布施是
名無高心施无著心施者菩薩摩訶
薩不著名稱菩薩善觀是名稱者如
空如風藕根中絲若求名施者我則
不得阿耨多羅三藐三菩提是故菩
薩求阿耨多羅三藐三菩提不求名
稱是名無著心施無著施者行施之
時三時歡喜是名無著施无愁施者
菩薩摩訶薩以所重物施已無悔是
故無愁是名无愁施無顛面施者菩
薩普觀一切衆生其心平等无不憐
見是名無顛面施不求恩報施者以
憐愍故修集慈故施安樂故不求報
故是名不求恩報施不求果報施者
菩薩摩訶薩行施之時不求轉輪聖
王身三十三天魔天梵天財物自在
何以故菩薩深觀有為之法如芭蕉

樹是故施時不求果報是故名為不
求果報施如是十事能令菩薩具足
成就檀波羅蜜得阿耨多羅三藐三
菩提

菩薩地戒品第十一

云何名菩薩摩訶薩戒戒者有九種
一者自性戒二者一切戒三者難戒
四者一切自戒五者善人戒六者一
切行戒七者除戒八者自利利他戒
九者寂靜戒自性戒者菩薩摩訶薩
具自性戒四功德一者以清淨心從
他而受二者其心不淨毀所受戒應
當至心慚愧懺悔懺悔已專心更不
敢犯菩薩摩訶薩從他受戒生慚愧
心心慚愧故護持不犯若心不淨毀
所受戒心慚愧故不敢覆藏乃至一
宿菩薩犯戒若經一宿若欲懺者不
應直作一犯懺悔應作念念无量犯
悔何以故若是多犯作一犯懺者不
得名懺受者得罪菩薩從他受持戒
時有四事一者慚愧二者至心堅持
菩薩摩訶薩至心持戒終不生於毀
犯之心三者受已一心護持四者淨

心受持菩薩具足四功德戒能作四
事何等四一者不犯二者設犯尋悔
三者心生慚愧四者不生悔恨是名
性戒性戒菩薩名真實戒名自他利
戒名饒益衆生戒名利益衆生義戒
名增長人天戒名無量功德戒菩薩
成就如是戒者生心憐愍則能教化
無量衆生菩薩若以客塵煩惱不懺
悔者應常為人讚歎持戒可責破戒
說毀禁者所得過罪若能如是雖名
毀犯罪過輕微亦能畢竟得阿耨多
羅三藐三菩提是名自性戒一切戒
者在家出家所受持者名一切戒在
家出家戒有三種一者戒二者受善
法戒三者為利衆生故行戒何名戒所
謂七衆戒比丘比丘尼式叉摩那沙
彌沙彌尼優婆塞優婆夷菩薩摩訶
薩若欲受持菩薩戒者先當淨心受
七種戒七種戒者即是淨心趣菩薩
戒如世間人欲請大王先當淨持所
居屋宅是七種戒俱是在家出家所
受菩薩戒者亦復如是俱是出家在
家所受是名為戒云何名受善法戒

善法戒者菩薩摩訶薩離七種戒為

往勸喻共為伴侶若有眾生欲解世

謫罰若故不受應當遣令出寺廟

善法戒者菩薩摩訶薩離七種戒為
菩提故修身口意十種善法故名受
善法戒身口意者若菩薩摩訶薩住
戒地已讀誦書寫分別解說思惟修
集舍摩他毗婆舍那恭敬供養尊重
讚歎師長和上耆舊有德時時供給
瞻視走使若病若老或道路疲頓代
擔衣鉢若見說法及經明者稱歎善
哉見持戒者盡力擁護讚歎於戒願
諸眾生悉持淨戒見破戒者深生憐
愍善語呵責教令懺悔身口意業所
作諸善悉發捨願迴向阿耨多羅三
藐三菩提隨身口意有氣力時勤心
供養佛法僧寶為增善法勤修精進
為得一切諸善法故修不放逸常當
至心念戒護戒調伏諸根飲食知足
不樂眠卧初夜後夜讀誦經典憶念
三寶親近善友樂聞其說自省已過
知已懺悔深生慚愧至心憶念更不
毀犯向佛法僧同師同法同戒同學
發露懺悔是名受善法戒為利眾生
行戒者有十一種若有眾生欲修善者即往勸
喻共為伴侶隨諸眾生共作善業有瞎病者不

法出世法義即以方便而為解說有
受恩慶念欲酬報酬報者所謂堅持
禁戒讀誦書寫十二部經思惟正義
分別解說能救眾生種種恐怖所謂
師子虎狼水火王賊擁護眾生令得
遠離如是等畏若有眾生喪失所親
損棄財物所愛別離心生愁憂能為
說法令離苦惱若有眾生貧窮困苦
則能施其所須之物為持法故受畜
弟子不為名利為持法故往來四眾
與共講論不為利養為持法故親近
國王大臣長者不為利養不為檀越
曲從人情造作非法身口意業不得
非時往來他家在家出家俱有非時
非時者所謂貪時恚時癡時大風時
大雨時嫁娶時歡會時發行時除上
非時則名為時隨已所得善法功德
悉以轉教一切眾生心無貪妬見毀
戒者深生憐愍以清淨心善語教告
猶如父母教告諸子女所犯者宜應
發露如法懺悔若彼不受不宜如本
受其供給身力作役復應隨事舉慶

謫罰若故不受應當遣令出寺廟
為令佛法得增長故如其不能教呵
罰損故共住者是名破戒名非沙門
非婆羅門佛法中臭名旃陀羅名為
屠兒旃陀羅等及以屠兒雖行惡業
不能破壞如來正法不必定墮三惡
道中為師不能教呵弟子則破佛法
必定當墮地獄之中為名譽故聚畜
徒眾是名邪見名魔弟子不畜弟子
不能破壞如來正法畜惡弟子則壞
佛法壞佛法故名魔弟子為利養故
聚畜徒眾是名邪見若有神通及他
心智識宿命智然後乃能以菩薩戒
教化他人是人則能畜惡弟子何以
故知方便故知方便故破壞惡法開
示善法若有比丘不具如是三種智
慧而言我具是三智智堪能受畜惡
弟子者當知是人則為犯重若離此
事名利他戒菩薩摩訶薩成就如是
戒善戒利益他戒名為好戒攝一切
戒名到彼岸戒名解脫戒名無上戒
名无因果戒名常樂我淨戒名畢竟
无邊戒名一切善方便戒菩薩若能

至心憶念菩薩戒者勝於一切聲聞緣覺若能具足菩薩戒者亦得勝於六地菩薩若有菩薩捨轉輪王位出家學道受解脫戒捨五欲如棄涕唾不念不求不生悔惜乃至天上五欲之樂亦復如是不為人天受快樂故受持禁戒觀五欲樂如火毒蛇如三惡趣得他供養觀如吐食心不貪著世人若為人天受樂利養名譽受禁戒者當知是人不得戒成就戒者若住僧中若住空處是名寂靜不能教化諸衆生故不能護法惜身命故不能護法貪利養故不能護法為怨讎故不能護法為怖畏故不能護法為憍慢故不能護法不受法故不能護法憍愍心故不能護法懼慚耻故不能護法是名破戒名不寂靜若有於戒生知足者當知是人不得持戒知因戒故得諸菩薩無量三昧若無戒者則不增長无量三昧為三昧故護持禁戒菩薩受持菩薩戒者寧失身命終不聽用非法之言與惡人住不念不起諸惡覺觀如其起者心

生慚愧呵責懺悔若坐衆中設聞惡語惡事惡法惡聲惡義即應起去若力能制置不教呵而捨去者名之為犯若力不能制而住聽者是亦名犯若得不聽心是名持戒作聽心者是名破戒若樂聽者是名破戒不樂聽者是名持戒生悔心者是名持戒心不悔者是名破戒菩薩受持菩薩戒者終不自念我所受戒齊從和上師邊受得自念乃從十方諸佛菩薩邊受我若從師及和上邊受得戒者不名菩薩戒若從十方佛菩薩邊所受得者乃名菩薩戒菩薩摩訶薩若分別十八部僧不名得菩薩戒若能等觀是十方諸佛菩薩弟子者是名得菩薩戒若觀一切是十方諸佛菩薩弟子住於大地以住大地因緣故悉得阿耨多羅三藐三菩提衆生界不可思議衆生法界不可思議衆生性不可思議衆生戒不可思議我既未得一切智云何分別是十八部我若分別則不能得一切戒無身戒无上戒以能如是觀故得菩薩戒如過

去菩薩所得禁戒菩薩若能如是觀者則得無量无边福德能知十方佛菩薩心亦知具足菩薩戒者得無上道菩薩摩訶薩觀過去諸佛及諸菩薩未得成就無上道時具足煩惱學菩薩戒具足成已得無上道我今此身亦是衆生亦有五陰亦具煩惱亦受菩薩戒修集菩提亦應當得阿耨多羅三藐三菩提我亦能調身口意惡必亦當得阿耨多羅三藐三菩提菩薩受持菩薩戒者至心專念自省已過不訟彼短見行惡者心不瞋恨見破戒者心生憍愍無有瞋惱菩薩受持菩薩戒者若為惡人之所打擲手拳刀杖惡聲罵詈於是人所不起惡心虛言加報菩薩若學菩薩戒者有五不放逸一者觀已犯罪如法懺悔二者觀當犯罪如法懺悔三者觀現犯罪如法懺悔四者至心堅持不作犯想五者犯已至心懺悔是名五不放逸菩薩受持菩薩戒者所有功德應當覆藏諸所犯罪應當發露少欲知足堪忍衆苦常樂寂靜心無悔

菩薩戒經卷第四 第十段 雜字

恨不自高不輕躁修寂滅行及微細行破壞邪命菩薩成就如是法者是名菩薩住菩薩戒菩薩受學菩薩戒者不念過去五欲之樂不求未來五欲之樂於現在五欲心不生著常樂寂靜破惡覺觀成就具足不放逸行一切眾生不敢輕慢成就忍辱具足淨心學淨戒者不惜身命不恡財賄善知破戒煩惱因緣善能調伏破戒煩惱調伏瞋心能調眾生惱害之心了知顛倒知善因果知善因果故慙心求之破壞不信善因果倒觀一切法無常我相无樂淨相破於眾生無常常倒無樂樂倒无我我倒不淨淨倒修學善戒修集施因戒因忍因精進因禪定因智慧因菩薩受持利益他戒教化眾生令行善業共修善者而為伴侶常教眾生供養三寶若見離別以善方便還令和合見有諸苦身自供給見盲瞽者供給所須衣服飲食示導徑路善為說法見有聾者盡地示義見有癡者施其車乘若无車乘身自荷負見有貧者以貧受苦

菩薩戒經卷第四 第十段 雜字

能為說法令除貪瞋恚癡疑亦復如是行路疲乏代之擔負施以水漿牀榻所須調身案摩復有眾生樂為罪業菩薩見已應善說法善辭善義辭合句合辭義次第增長善法說義圓足為欲莊嚴菩提道故以善方便教破惡業為慳貪者說破慳法增長善法及諸財物若有眾生不信佛法善為說法令生信心為破眾生煩惱惡業得八正道故而為說法復次菩薩學菩薩戒發大誓願為破眾生諸惡邪見知恩報恩忍語軟語先意問訊供養師長者舊有德能破愁怖所謂師子虎狼水火王難怨賊若有眾生曾失父母兄弟眷屬妻子僮僕損棄財物親愛別離能以方便如應說法除其苦惱常施眾生所須之物所謂衣服食飲房舍卧具病瘦醫藥香華瓔珞燈燭等物若菩薩受持菩薩戒者畜養弟子不能善教說法示導令其調伏貪瞋癡等不能供給衣服飲食房舍醫藥不能為求善厚檀越若為檀越善說法要所得財物不能

菩薩戒經卷第四 第十段 雜字

等分當知是人為名譽故畜養弟子不名為法若能隨時說法教告為性為力為菩薩藏為欲具足菩薩禁戒修八正道得阿耨多羅三藐三菩提是名菩薩真畜弟子不為名譽菩薩受學菩薩戒者先當觀知眾生性界然後共住為轉性界如應說法隨意共行令其調伏不造諸惡能破惡法增長善法所須之物能以惠施見作惡者深生憐愍不受語者深生悲愍於已所作諸惡業等心不生愁見他造作特生悲愍何以故菩薩自於身口意惡能疾調伏開心懺悔以有大智因緣力故菩薩為他亦復造作身口惡業為欲調伏他惡業故隨他心故菩薩或時現受歡樂為調他故菩薩摩訶薩以為他故不早取阿耨多羅三藐三菩提菩薩摩訶薩雖隨眾生不輕不笑不打不罵不說惡事不讚已德以自高人不親近人非不親近雖復親近非時不為他所愛者不說其過所不愛者復不讚歎未知人根不說深義不徒求乞他雖多施應

生知足心不甘樂受人供養常樂捨財供給他人常樂讚歎他人善事見犯禁者不為說戒無信心者不讚於信有貪心者不讚惠施不樂讀誦不讚多聞癡闇之人不讚智慧若為犯禁讚歎戒者不喜不樂生於瞋恚著耻之心以瞋恚故於佛法中及說者所生大惡心以惡心故增長地獄菩薩摩訶薩若如是者則施眾生地獄因緣不名菩薩隨意說法乃至癡者為讚智慧亦復如是若有菩薩有大神足如是之人乃能為彼不信之人說菩薩戒何以故是人能以神通之力示彼熱地獄寒地獄大地獄小地獄復作是言汝今云何不信我語觀是惡果人中造作令地獄受汝今若復不信如是菩薩戒者今當復得如是惡果彼不信者見是事已心驚怖畏即生信心復有菩薩為彼不信以神通力現羅刹像而作是言我今未覓諸不信者欲斷其命如其信者我當護念彼不信者見聞如是即生怖畏以怖畏故信菩薩戒復以神力現

密跡像執金對杵復作是言若有不信菩薩戒者當破其頭令作七分彼不信者見聞如是即生怖畏以怖畏故即便信之復以神力作種種身或作一身或作多身或作樹木山河等身無身之身大身小身身出水火彼不信者見已即問如是等事恚是何果答言恚是菩薩戒果彼人聞已於菩薩戒生大信心若無神通為彼不信說菩薩戒得無量罪无量罪者於無量世受是名无量雖有五逆未足為喻何以故五逆罪者則可移轉如阿闍世王彼不信者罪不可轉五逆罪者極至一世不信者罪無量世受是故我言不可為喻若取佛物法物僧物現前僧物如是罪報亦不得喻何以故如是罪報極至一世不信者罪至無量世如十恒河沙等眾生發菩提心假使有人能令如是恒沙眾生退菩提心教以邪見如是罪報及不信者罪等无差別復令如是恒沙眾生皆住五地假使有人盡奪其眼如是罪報不信者罪亦復如是若復

有人能破一切諸佛塔廟斂害一切諸佛弟子焚燒一切諸佛經典如是罪報為不信者說菩薩戒所得罪報亦復如是何以故從因故生地獄從因故入涅槃因於說者得无量苦是故說者得無量罪雖知大眾无量眾生堪任能作人天善業及發信心於是眾生若有一人心無信者亦不可說是名菩薩利益眾生善戒

菩薩善戒經卷第四

菩薩善戒經卷第四

校勘記

- 一 底本，金藏廣勝寺本。
- 一 五九九頁中一行經名，二行譯者，
[石]無。未換卷。
- 一 五九九頁中三行末字「十」，[磧]作「一」。
- 一 五九九頁中一三行「善業」，[資]、[磧]、[南]、[徑]、[清]、[麗]作「業善」。
- 一 五九九頁下一四行第一一字「衆」，
[石]、[麗]作「衆生」。
- 一 五九九頁下二〇行「自身」，[資]、[磧]、[南]、[徑]、[清]、[麗]作「身自」。
- 一 五九九頁下二二行第八字「是」，
[資]、[磧]、[南]、[徑]、[清]作「如是」。
- 一 六〇〇頁上六行首字「僕」，[資]、[磧]、[南]、[徑]、[清]、[麗]作「業」。
- 一 六〇〇頁上一一行第九字「知」，
[磧]、[南]作「如」。
- 一 六〇〇頁上一三行第一二字「天」，
[南]、[徑]作「人」。
- 一 六〇〇頁中四行第三字「雖」，[資]、[磧]、[南]、[徑]、[清]作「唯」。
- 一 六〇〇頁中一三行第一三字「唯」，
[資]、[磧]、[南]、[徑]、[清]、[麗]作「雖」。
- 一 六〇〇頁中一九行第七字「呵」，
[資]、[磧]作「可」。
- 一 六〇〇頁下三行第一一字「得」，
[磧]、[南]、[徑]、[清]無。
- 一 六〇〇頁上五行第八字「呵」，[資]、[磧]、[南]、[徑]、[清]作「可」。
- 一 六〇〇頁中一五行首字「當」，[磧]、[南]、[徑]、[清]作「常」。
- 一 六〇〇頁下三行第一三字「法」，
[資]、[磧]、[南]、[徑]、[清]作「物」。
- 一 六〇〇頁下五行第一三字至六行
第二字「若施苦者悲因緣故」，[資]、
[磧]、[南]、[徑]、[清]無。
- 一 六〇〇頁下六行第八字「善」，[資]、
[磧]、[南]、[徑]、[清]作「喜」。
- 一 六〇〇頁下一一行第四字「報」，
[資]、[磧]、[南]、[徑]、[清]無。
- 一 六〇〇二頁上一五行第三字「想」，
[石]、[麗]作「相」。
- 一 六〇〇二頁上一五行第一〇字「惡」，
[石]作「害」。
- 一 六〇〇二頁中二二行第六字「願」，
[石]、[資]、[磧]、[南]、[徑]、[清]、[麗]作「顛」。
- 一 六〇〇二頁中末行首字「誠」，[資]作
「戒」；[磧]作「誠」。
- 一 六〇〇二頁下一〇行第一二字「顛」，
[資]、[南]、[徑]、[清]作「睥」；[磧]作「婢」；
[麗]作「顛」。
- 一 六〇〇二頁下一三行第四字「劇」，
[資]、[磧]作「處」；[南]作「據」；[徑]、[清]
作「遽」。
- 一 六〇〇二頁下一四行「无心」，[石]、
[麗]作「心無」。
- 一 六〇〇二頁下二〇行第五字「嚴」，
[麗]作「嚴施」。
- 一 六〇〇三頁上七行第八、九字「不
爲」，[資]、[磧]、[南]、[徑]、[清]、[麗]無。
- 一 六〇〇三頁上一九行「修集」，[徑]、
[清]作「修習」，下同。
- 一 六〇〇三頁中四行第二字「提」以下

〔石〕換卷，爲卷第五。

一 六〇三頁中五行「十一」，〔磧〕作「十」。

一 六〇三頁中一行第五字「四」，〔麗〕作「有四」。

一 六〇三頁中一二行第二字「而」，〔資、磧、南、徑、清〕作「如」。

一 六〇三頁中一三行第八字「懺」，〔石、資、磧、南、徑、清、麗〕無。

一 六〇三頁中二一行第三字「四」，〔資、磧、南、徑、清〕作「二」。

一 六〇三頁下四行第一一字「名」，〔資、磧、南、徑、清〕作「若」。

一 六〇三頁下一五行第二字、第一一字「戒」，〔資、磧、南、徑、清〕無。

一 六〇三頁下一六行第一三字「那」，〔資、磧、南、徑、清〕作「尼」。

一 六〇三頁下二〇行第一三字「持」，〔徑〕作「治」。

一 六〇四頁上六行第六字「上」，〔磧、清、麗〕作「尚」，下同。

一 六〇四頁上八行第一〇字「眼」，

〔石、南、徑、清〕作「眼」；〔磧〕作「眼」。

一 六〇四頁上末行「隨諸衆生共作善業」，〔資、磧、南、徑、清、麗〕無。

一 六〇四頁中八行首字「損」，〔石、磧、徑、清、麗〕作「捐」。

一 六〇四頁中八行第一二字「憂」，〔磧〕作「愛」。

一 六〇四頁中一二行第三字「講」，〔石〕作「談」。

一 六〇四頁下三行第二字「擯」，〔資〕作「儼」。

一 六〇四頁下一五行第二字「知」，〔資、磧、南、徑、清〕作「智」。

一 六〇五頁上七行第一一字「火」，〔南、徑、清〕作「大」。

一 六〇五頁上一四行第二字「躒」，〔資、磧、徑、清〕作「隙」。

一 六〇六頁上一七行「戒教化」，〔石、麗〕作「戒故教化」；〔資、磧、南、徑、清〕作「戒故化」。

一 六〇六頁上一九行第一三字「諸」，〔石、資、磧、南、徑、清、麗〕作「病」。

一 六〇六頁中三行首字「牀」，〔資、磧、南、清〕作「床」；〔徑〕作「牀」。

一 六〇六頁中三行第二字「榻」，〔石、麗〕作「褥」。

一 六〇六頁中一五行末字「損」，〔石、資、磧、徑、清、麗〕作「捐」。

一 六〇六頁中一八行「食飲」，〔徑、清〕作「飲食」。

一 六〇七頁上九行第一三字「地」，〔石〕無。

一 六〇七頁上一五行第一三字「語」，〔磧、南、徑、清〕作「說」。

一 六〇七頁上一六行第八字「令」，〔資、磧、南、徑、清〕作「令」。

一 六〇七頁中一行第六字「對」，〔資、磧、南、徑、清〕作「剛」。

一 六〇七頁下八行第三字「生」，〔麗〕作「中」。

一 六〇七頁下末行經名、卷次，〔石〕無。未換卷。

菩薩善戒經卷第五

經

宋司馬三藏求那跋摩譯

菩薩地忍品第十二

云何菩薩摩訶薩性忍智慧力故能堪種種苦惱等事一切忍一切忍一切忍有憐愍故得慈心故性忍有二種一者出家二者在家在家出家俱有三種一者能忍衆生打罵等事二者能自堪忍一切諸苦三者忍樂善法能忍衆生打罵等者菩薩摩訶薩若為衆生所打罵時作是思惟緣我是身造作惡業今自受報云何於彼而生瞋恚我亦不求是苦煩惱今若不忍後復增多不忍辱者是則名為苦煩惱因我所受身及諸煩惱非衆生過自是我咎若有惡事實不樂受今若不忍便是自作若自作復當自受生死性苦身若受苦云何不忍聲聞緣覺為自利益尚修忍辱何況我今為欲利益一切衆生而當不忍我若不忍不得具足菩薩禁戒修入正道得無上道菩薩摩訶薩作是觀

時修五種忍一者於怨於親非怨親中修行於忍二者於上中下人修集於忍三者於受苦受樂不苦不樂人中修集於忍四者於有福德无福德非有福德非無福德人中修集於忍五者於一切惡人中修集於忍菩薩成就如是五忍修集五想一者衆生想二者法想三者無常想四者苦想五者无我我所想菩薩為彼惡人所打云何而能作親友想菩薩諦觀過去世時流轉生死無有衆生非我父母師長和上眷屬親族所可恭敬供養之者作是觀時恚憎想滅親友想生親想生故能修於忍是時成就衆生之想法想者菩薩諦觀衆生者名為法界名有為法名有漏法若是法界還對法界誰打誰瞋无我無我所壽命士夫以智慧力作是觀時滅衆生想成就法想無常想者菩薩思惟一切衆生一切有為有漏之法皆悉無常以无常故誰有罵者誰有受者若使罵者及以受者暫時停住則不得言諸法無常若使常者誰罵誰受

菩薩善戒經第五卷 第三張 維

常無常中俱无是二俱無作受尚不應生微惡之心何有打罵是故菩薩破於常想修无常想以能修集無常想故成就忍心成忍心故修菩提道乃至得阿耨多羅三藐三菩提云何菩薩修集苦想菩薩摩訶薩作是觀察若欲界衆生得大自在饒財巨富如轉輪王尚有二苦况復餘人三苦者謂復變苦生死苦苦苦作是觀時若使衆生有此三苦我不應瞋我若瞋者云何當能救彼衆生是三苦耶我若瞋者則為增長衆生三苦作是觀時樂想滅苦想生以能修集苦想因緣故修八正道得阿耨多羅三藐三菩提云何菩薩修無我无我所想菩薩諦觀有諸外道說我是常我若常者衆生無我何以故衆生者即是五陰五陰无常若無我者何有所是故無我无我所菩薩復作是觀我者即是菩提之心菩薩初發菩提心時於衆生中得一子心是名我所若我於彼有瞋心者云何得名有我有我所我若增長瞋恚心者不能度脫一

菩薩善戒經第五卷 第三張 維

切眾生作是觀時成就於忍增長无我無我所心得无我想以是因緣修八正道得阿耨多羅三藐三菩提云何菩薩能忍眾生打罵等苦菩薩介時復作是觀我於過去為五欲故備受眾苦在家作務耕田種殖受種種苦親近國主市買販易多受眾苦我於今時雖受如是種種大苦不得利益若我今為度眾生故受諸苦惱當得利益我若當得大利益者應受无量不可計苦作是願時菩薩則能堪忍眾苦受苦者名一切苦一切苦者有八種一者依苦二者世法苦三者威儀苦四者攝法苦五者乞食苦六者精進苦七者為利眾生苦八者營事苦依苦者名四依苦若比丘受四依已得出家受戒得名具足比丘若得少衣少食卧具病藥不生愁苦心無悔恨以能修集壞苦心故修八正道得阿耨多羅三藐三菩提是名依苦世法苦者有九種一者求不得苦二者惡聲苦三者現對惡法苦四者苦苦五者亡失苦六者物盡苦七者老苦

菩薩善戒經 卷五 第一品

八者病苦九者死苦是名世法苦苦薩受是九種苦時不生愁心不悔恨不廢無上菩提之心以不悔故菩提增長菩提增長故得阿耨多羅三藐三菩提威儀苦者名身四威儀一者行二者住三者坐四者卧菩薩若行若坐晝夜常調惡業之心忍行坐苦非時不卧非時不住所住内外若牀若地若草若茶於是四處常念供養佛法僧寶讚歎經法受持禁戒持无上法廣為人說正思惟義如法而住分別法界修舍摩他毗婆舍那菩薩修集如是法時設有諸苦堪樂忍受是名威儀苦攝法苦者有七種一者身捨飾好二者剃除鬚髮三者著割截衣四者一切世事不得自在命屬於他五者乞求活命六者遠離生業少欲知足七者捨離親族五欲之樂是名攝法苦乞求苦者供身之物衣服飲食房舍卧具病瘦醫藥一切仰他不得不憊得時知足乃至盡壽障受五欲伎樂戲笑忍如是苦是名乞食苦精勤苦者菩薩精勤供養三寶受持讀

菩薩善戒經 卷五 第二品

誦菩薩藏經書寫解說思惟其義晝夜不廢勤加精進修集聖道以精進故堪忍眾苦是名精進苦為利眾生苦者如上利内外十一事中說是名利眾生苦營事苦者熏鉢縫衣染作浣濯眾僧使役供給師長若為供養塗掃佛塔為善法故終不休息為阿耨多羅三藐三菩提故忍種種苦是名營事苦忍樂善法苦者有八種忍受三寶所有功德忍佛菩薩不可思議忍因忍果忍善方便忍佛菩薩性復有二忍一者究竟忍二者淨智慧忍是名法忍云何菩薩難忍難忍有三種一者有無量眾生打罵菩薩菩薩能忍二者菩薩有自在力能打能罵忍受不報三者菩薩處在種族豪貴能忍卑下云何一切自忍菩薩摩訶薩於怨親中非怨親中忍下忍中忍上忍是名一切自忍善人忍者有五種知忍功德一者不著惡心瞋心二者心難沮壞三者心無愁惱四者死时无悔五者死已受天人樂菩薩觀忍有如是功德教化眾生令行於忍自

菩薩善戒經 卷五 第三品

所修忍亦得增長讚歎忍辱見行忍者恭敬尊重讚歎禮拜是名善人忍一切行忍者菩薩摩訶薩觀不忍者所有過惡云何名惡果報能得三惡道故畏惡道故應修行忍憐愍故忍為修慈故忍為軟心故忍為愛眾生故忍至心為阿耨多羅三藐三菩提故忍具足羸提波羅蜜故忍為出家故忍為受戒故忍為具足性故忍為欲修集無量世忍故忍為得忍性故忍為得無愛無瞋故忍為見法界故忍為見眾生界故忍一切時忍一切國忍一切心忍是名一切行忍除忍者若有貧窮之人數從菩薩乞索所須復有惡人亦來從乞復有破戒之人亦來從乞破壞惡心修集忍心為破苦故施以樂事是名除忍自利利他忍者菩薩忍於飢渴寒熱風雨惡獸終不放逸生死受苦憐愍眾生菩薩摩訶薩得如是等忍增長現在一切善法遠離煩惱他世獲得無量善果若能調伏眾生惡心惡心調故一切煩惱不得其便現在安樂後獲善

菩薩戒經第五卷 第七張 作

果是名自利利他忍寂靜忍者菩薩若為諸惡眾生之所打罵於彼終不生於惡心不作怨想作善友想若無如是諸惡人者我之善法云何增長見有罵者軟語慰喻修慈悲心能壞欲界所有煩惱具足如是十忍菩薩能修八正道得阿耨多羅三藐三菩提菩薩地精進品第十三

菩薩戒經第五卷 第八張 作

故為欲利益一切眾生受大苦故若為一人受大苦惱尚得無量無邊功德何況乃為一切眾生是名菩薩莊嚴精進攝取善法勤精進者若為修行檀波羅蜜尸羅波羅蜜羸提波羅蜜禪波羅蜜般若波羅蜜勤精進者名為不動一切煩惱一切惡業一切邪見一切苦惱不傾動故名堅固健莊嚴故名復名一切知世方術及出世法故名復名具足方便真實因緣修集道故名復名真實得真實義故名復名為廣一切時中無休息故名調伏勤修精進不生憍慢故如是七事增長善法是名攝取善法精進以勤精進故具足六波羅蜜勤精進法於諸趣向菩提法中是近因緣無上無勝是故如來於經中說阿難勤精進者疾得阿耨多羅三藐三菩提為利眾生勤精進者有十一種如戒中說難精進者菩薩摩訶薩不作衣想不作食想不作卧具想不作我想不作我所想不作法想不作道想不作菩提想亦為菩提勤修精進是名難精進

菩薩戒經第五卷 第九張 作

於一切時一切國一切心懃修精進是亦名難不急不緩處中而行是名難精進難精進有二種因一者悲二者慧一切自精進者有四種一者離惡法二者增長善法三者瑩磨善法四者增長智慧離惡法者名菩薩摩訶薩懃修精進未生惡法懃作方便令不生故增長善法者已生善法方便令增長故瑩磨善法者懃修身口意業因緣至心繫念受持善法故增長智慧者若菩薩懃修精進多聞修定增長智慧故是名一切自精進善人精進者菩薩為善法故懃精進時設燒身首不以為熱菩薩修善法時懃行精進尚自不覺地獄火熱況世間火菩薩精進不多不少平等而行增長精進善調御故所以者何心清淨故不休不息心不悔故得大利益不顛倒故畢竟能得阿耨多羅三藐三菩提故是名善人精進一切行精進者常懃精進至心精進智慧精進不斷精進莊嚴精進忍苦精進不動精進不時精進不知足精進菩薩成

菩薩善戒經第五卷 第十張 維

就一切行精進名為大力常懃精進安住善處堅固莊嚴不休不息得於善法欲心精進菩薩摩訶薩求阿耨多羅三藐三菩提故至心欲精進菩薩摩訶薩增長菩提心故方便心精進菩薩摩訶薩諸煩惱垢不汙其心以身為器成阿耨多羅三藐三菩提故勝精進菩薩摩訶薩為於善法不救身首火故如是菩薩勝於一切聲聞緣覺求精進菩薩摩訶薩求於世法及出世法諸方術故學精進菩薩摩訶薩速得世法及出世法故利他精進菩薩摩訶薩有十一種如戒中說不作犯意犯已懺悔除精進及自利利他如忍中說寂靜精進者有十種一者宜二者修集三者非動四者堅持五者一切時六者緣三相七者捨八者不散九者調御十者趣向善提菩薩若起一切煩惱為除病故隨對治之如貪欲起觀不淨相瞋恚起時修於慈心思癡心起觀十二因緣思覺起時觀阿那波那破憍慢故觀衆生界是名宜精進菩薩精進非始

菩薩善戒經第五卷 第十張 維

非終无量世中常得成就是名修集精進菩薩精進常懃修集亦如初得是名非動精進一切時中懃精進故是名非動菩薩摩訶薩常能親近諸師長宿有德之人修學多聞若修三昧思惟其義懃行精進隨順聽受是名堅持精進菩薩摩訶薩心不顛倒宜修舍摩他時修舍摩他宜修毗婆舍那時修毗婆舍那宜修捨時修行於捨是名一切時精進菩薩善知定慧捨時時修集三相入相住相起相不失正念至心精懃是名緣三相精進菩薩若聞諸佛菩薩懃精進故不可思議聞已其心不自輕不愁惱不知足是名捨精進菩薩摩訶薩時時調伏諸根諸入飲食知足初夜後夜戒損睡眠至心不乱無有放逸推求莊嚴發懃精進修真實義心無顛倒隨順修道是名不散精進菩薩精進不急不緩所作事業處中而行是名調御精進菩薩一切精進志以迴向阿耨多羅三藐三菩提菩薩摩訶薩修性精進乃至寂靜精進志為阿耨多

菩薩善戒經第五卷 第十張 維

羅三藐三菩提故是名一切精進志以迴向阿耨多羅三藐三菩提過去世諸菩薩所持精進志為阿耨多羅三藐三菩提未來世諸菩薩所持精進亦為阿耨多羅三藐三菩提現在世諸菩薩至心不放逸所持精進亦為阿耨多羅三藐三菩提是名趣向菩提精進

菩薩地禪品第十四

云何菩薩摩訶薩性禪菩薩若聞菩薩法藏若思惟義若世間禪出世間禪繫心一處定智分等修集於道是名性禪一切禪者有二種一者世間二者出世間是二種復有三種一者入禪現在受樂二者入禪增長菩提三者入禪利益眾生現在受樂者菩薩摩訶薩破諸疑網身心寂靜受遠離樂壞諸憍慢不貪著味離一切相是名入禪現在受樂入禪增長菩提者菩薩摩訶薩禪定有種種緣不可思惟不可稱計无有限量攝十力性得種種三昧如是三昧一切聲聞辟支佛等尚不識名况能修集復有共

菩薩戒經第五卷 第十三張 維

法所謂八勝處十一一切處四无尋智願智無諍智頂智增長如是共有法故是名入禪增長菩提入禪利益眾生者有十一種如戒中說菩薩摩訶薩修具如是十一種禪能化眾生破苦煩惱修集善法種種智慧知恩報恩能救眾生種種苦惱能施一切所須之物善知方便能畜弟子能使弟子隨意受行如是等禪名一切禪難禪者有三種一者菩薩摩訶薩入禪定時所受快樂勝於一切世間之樂及出世樂為眾生故捨禪定樂受欲界身二者菩薩摩訶薩修集禪定无量無邊阿僧祇等不可思議不可稱計修集三昧一切聲聞辟支佛等不能知其所入境界三者菩薩摩訶薩因緣故得阿耨多羅三藐三菩提是名難禪一切自禪者有四種一者共覺觀二者共喜三者共樂四者共捨是名一切自禪善人禪者有五種一者無愛二者共慈三者共悲四者共喜五者共捨是名善人禪一切行禪者有十三種一者善无記二者

菩薩戒經第五卷 第十四張 維

神足三者趣舍摩他四者趣改婆舍那五者自利六者利他七者得五神通功德禪八者辟因緣九者義因緣十者舍摩他相因緣十一者毗婆舍那相因緣十二者捨相因緣十三者現在受樂行因緣是名一切行禪除禪者有八種一者菩薩入三昧時能除眾生種種苦毒所謂暴風雷雨熱病鬼病是名為禪二者若入三昧能治眾生身中四大不調適苦是名為禪三者若入三昧能於免旱飢饉之世施降甘雨是名為禪四者若入三昧能令眾生離種種怖所謂人怖鬼怖水怖陸怖是名為禪五者若入三昧能施曠野飢乏眾生水漿飲食所須之物是名為禪六者若入三昧能施貧窮困苦之人種種所須是名為禪七者若入三昧能破十方眾生放逸是名為禪八者若入三昧能破眾生種種疑網是名為禪是名除禪自利利他禪者有九種一者入禪因神足故調伏眾生二者入禪因他心智故調伏眾生三者入禪因真實說故調伏眾生四者入禪為惡眾生示地獄苦五者

菩薩戒經第五卷 第十五張 維

入禪令失瘖者語六者入禪令失念者念七者入禪隨順解說十二部經菩薩法藏菩薩摩夷為法久住八者入禪能教衆生種種世事書疏算數讀誦書印金木凡匠九者入禪為施大光明破三惡衆生苦惱是名自利利他禪寂靜禪者有十種一者世法寂靜淨二者出世法寂靜淨三者方便寂靜淨四者根本寂靜淨五者上寂靜淨六者入寂靜淨七者住寂靜淨八者起寂靜淨九者自在寂靜淨十者煩惱智慧二障寂靜淨如是十種寂靜淨名為淨禪菩薩修集如是十種成就無量无边功德為得無上菩提果故過去未來現在菩薩皆修是禪得阿耨多羅三藐三菩提

菩薩地慧品第十五

云何菩薩性慧為一切智故分別法界是名性慧又復善學五種方術所謂內方術因論聲論醫方一切世事是名性慧一切慧者有二種一者世間二者出世間是二種復有三種一者知如實如實知五種術知三

菩薩善戒經第五卷 第十卷 維

聚衆生知利益衆生方便知法界不可說知四真諦無我无我所於諸法界無有覺觀觀諸法界其心平等不捨不著不常不斷說於中道是名智慧二者知世間事及出世法為阿耨多羅三藐三菩提故是名智慧三者觀深法界分別演說為利益衆生故是名智慧是名一切慧難慧者有十種如戒中說為調衆生故善知其心是名難慧知一切法界無有障導是名難慧為諸衆生說深法界是名難慧善知无我及无我所是名難慧一切自慧者若能受持讀誦解說聲聞法藏菩薩藏故則得修智因修智故得智慧力智慧力故可知修不可修可作不可作至心觀无量事是名一切自慧善人慧者有五種一者因聞正法故得二者因思惟正法故得三者因自利利他故得四者因不顛倒見法處所故得五者因破煩惱故得復有五種一者能知微細甚深義故二者修集禪定知法界故三者共慧莊嚴得智慧故四者從佛菩薩來

菩薩善戒經第五卷 第十二卷 維

故五者具足獲得寂靜之心乃至畢竟心故是名善人慧一切行慧者有十三種一者苦智二者集智三者滅智四者道智五者盡智六者无生智七者法智八者比智九者世智十者通智十一者因智十二者力智十三者初心智是名一切行慧除慧者謂是名除慧自利利他慧者如初五術中說以是五術因緣故得阿耨多羅三藐三菩提是名自利利他慧寂靜慧者為真實故修集為衆生故修集為得義故修集為知因果故修集為破顛倒故修集為善知方便故修集為知作不作事故修集為知煩惱故修集為畢竟得故修集是名寂靜慧菩薩具足如是十慧名智名慧亦名畢竟亦名真實亦名无量慧以是無量慧因緣故菩薩具足般若波羅蜜具足般若波羅蜜故得阿耨多羅三藐三菩提如佛經中有具足般若有不具足當知十種性乃至寂靜或說一波羅蜜或說二三四五六若說一

菩薩善戒經第五卷 第十卷 維

則攝於六乃至說六亦攝於六若有
衆生聞一一中十種名字信受奉持
讀誦書寫分別廣說教化衆生畢竟
當得具足成就六波羅蜜
菩薩地軟語品第十六

云何菩薩性軟語菩薩摩訶薩歡喜
語樂聞語實語法語義語利衆生語
是名性軟語一切軟語者菩薩摩訶
薩若見有人初未相識見已軟語先
意共談若見前人端正有德勝於已
者不懷妬心破於憍慢敬意問訊四
大安不道路疲極不苦惱不善來相
見為施牀座給施漿水為行世法故
隨衆生意故菩薩終不為諸衆生說
麤惡語所謂死殺破壞劫奪失物唯
說善語所謂汝兒息長大今已娉娶
財物滋息穀米豐熟智慧成就信戒
施進廣博多聞菩薩具足如是法語
為利衆生是名一切軟語解析軟語
者有二種一者隨世二者隨出世世
者有二一者下世二者上世出世有
二種一者正法自利出世二者正法
利他出世菩薩摩訶薩為下上世法

菩薩善戒經第五卷 第十九章 維

軟語為自利利他出世軟語是名解
析軟語難軟語者若有衆生來害菩
薩菩薩於彼生於子想至心軟語謂
打者罵者劫者又難軟語菩薩摩訶
薩常為癡人軟語說法身口意業多
受衆苦雖受大苦續復教諭汝好慙
學後當如我或復見勝是名難軟語
復次菩薩見有瞋人妬人慳人不受
師教欺誑師長父母宿德惡害邪見
賊拏陀羅與共軟語不生惡心是名
難軟語一切自軟語者有四種一者
為破煩惱因緣故軟語二者為生人
天因緣故軟語三者為增長善法因
緣故軟語四者為說莊嚴菩提因緣
故軟語復有四種一者說四真諦令
彼解故二者破四倒故三者破放逸
故四者破疑心故是名一切自軟語
善人軟語者菩薩摩訶薩教化衆生
時有因緣故說法所謂為解脫因緣
故說法為莊嚴菩提因緣故說法為
神足因緣故說法為持戒因緣故說
法是故諸法從緣故生從緣故滅是
名善人軟語一切行軟語者若說法

菩薩善戒經第五卷 第二十章 維

時有可聽者有可遮者以柔軟語隨
順法性說字不倒有恐怖者能以軟
語令除恐怖有求乞者亦以軟語許
之施與是名一切行軟語除軟語者
離口四惡妄語兩舌惡口無義語見
則言見聞則言聞知則言知識則言
識不見不聞不識不知亦復如是是
名除軟語自利利他軟語者若見受
苦之人為說軟語若以軟語教化衆
生或以軟語教誡衆生或以軟語教
令正見或以軟語教令行施或以軟
語教令正命或以軟語說於正法是
名自利利他軟語寂靜軟語者有二
十種如初性力品中說性利他者若
菩薩摩訶薩為教誡他分別戒義說
如法住義憐愍衆生修集悲心至心
教化調伏衆生是名性利他一切利
他者未熟衆生令解脫故得現世樂
及他世樂教出家者是名他世樂說
法教令破欲界結是名現在他世樂
以破欲界諸煩惱故身心寂靜身心
寂靜故受安樂是名一切利他難利他
者有三種一者若有衆生未種善根未

菩薩善戒經第五卷 第二十一章 維

有善因難教化者是名難利他二者若有衆生多饒財寶勢力自在貪心慳慙難可教化何以故放逸故是名難利他三者若有外道邪見難可教化何以故癡狂故能化如是等得利益故是名難利他一切自利利他者有四種 者未有信者教令生信二者未有戒者教令持戒三者慳貪之人教令修施四者愚癡之人教令得慧是名一切自利利他善人利他者菩薩摩訶薩教化衆生令知真實知時知義知柔軟語教化修慈是名善人利他一切行利他者菩薩摩訶薩見諸衆生可讚歎者則以美言讚歎可呵責者則以苦言呵責若有衆生於佛正法破信心者則能調伏未入佛法者教令得入已得入者為說正法令彼善根得增長故調伏安置於三乘中根已熟者為說解脫樂聲聞者教令發阿耨多羅三藐三菩提心未有善莊嚴者教令莊嚴无定性者教定性心是名一切行利他除利他者若有衆生無慚愧者教令慚愧

菩薩善戒經第五卷 第二十三張

穢之人教令修心為妬嫉者除壞妬心為慳貪者除斷慳心為疑心者除破疑網是名除利他自利利他者菩薩摩訶薩常以十善教化衆生是名自利利他寂靜利他者有十種善內寂靜有五種外寂靜亦有五種內五種者一者淨二者不轉三者次第四者遍有五者隨順善法淨者菩薩不以惡法不淨法不善法用教衆生是名為淨不轉者菩薩於解脫中不說非解脫清淨法中不說不淨不顛倒中不說顛倒是名不轉於非解脫不說解脫不淨法中不說清淨顛倒法中不說非倒是名不轉次第者菩薩見有癡者說淺易義而調伏之中根之人為說中法利根之人為說上法先說惠施次說持戒後說智慧是名次第遍有者菩薩說法之時不觀衆生種姓貧富隨力隨智而為說法令彼衆生得安樂故是名遍有隨順善法者觀諸衆生應得下中上法隨為說之是名隨順善法外寂靜五事者一者菩薩摩訶薩修集无量慈心為

菩薩善戒經第五卷 第二十三張

衆生故二者受無量苦為衆生故三者得大喜見諸衆生得利益故四者得大自在猶屬衆生如僮僕故五者有菩薩具大威德猶故謙卑如旃陀羅子故是名內外寂靜利他云何名菩薩摩訶薩同利菩薩摩訶薩既自成就具足善法復以此法轉勸衆生是名菩薩同利菩薩摩訶薩為同行故教化衆生衆生受已善法心堅難可傾動何以故衆生諦知菩薩成就善法已轉以勸我為欲令我得安樂故若修善法得惠事者菩薩摩訶薩終不自修以勸於我菩薩勸化无量衆生同已利時無有一人能說菩薩自不成就而勸於人亦无有言汝自不善云何勸他令行善法復次菩薩有自成就不能勸他有自不成而能勸他有自成就不能勸於他有自不成亦不勸他自成就不能勸他者同師同學同法同德不顯己功是名自成不勸於他自不成就而能勸他者菩薩若見諸惡衆生行於惡法旃陀羅人乃至畜生為調伏故同彼受身同

菩薩善戒經第五卷 第二十三張

於事業破惡業故是名自不成就而能勸他有自成就勸他者菩薩摩訶薩自成善法亦勸他人令成善法破於憍慢輕心轉心是名自成就勸於他有自不成不勸他者若菩薩自放逸故不能教化調伏眾生菩薩摩訶薩以六波羅蜜自莊嚴身以四攝法莊嚴眾生菩薩摩訶薩以六波羅蜜自調其心以四攝法調眾生心身口意淨故菩提數法淨自身淨故眾生心淨成就善身心故名為无上無勝无共以此無上无勝無共教化眾生是名同利菩薩摩訶薩於諸眾生於時於物恚無分別於眾生中无分別者菩薩為眾生故行檀波羅蜜乃至般若波羅蜜求諸善法於时无分別者菩薩摩訶薩於一切時為眾生故勤心精進求於善法於物無分別者菩薩摩訶薩為眾生故受畜雜物然於此物心无貪者以是三無分別因緣故得阿耨多羅三藐三菩提菩薩摩訶薩甘樂修集一切善行心无悔退以修集因緣故能壞眾生邪法

菩薩善戒經第五卷 第三十五張

邪見自所修學善根增長至心觀察善行功德一切邪見不能沮壞終不求於轉輪王身釋身魔身及以梵身不求恩報利養名譽長壽身樂菩薩修集如是等法則得具足檀波羅蜜乃至般若波羅蜜是名同利菩薩摩訶薩修同利時心不動壞清淨寂靜大明無翳菩薩摩訶薩住淨心地具足成就无上善法光明善法光明善法者菩薩摩訶薩所行善法一切无有能此毀者菩薩摩訶薩心不動者所修善法無有動轉日夜增長如初生月寂靜善法者菩薩所得三昧寂靜同於如來垂近阿耨多羅三藐三菩提菩薩摩訶薩一切施戒一切四攝因緣故得金剛身得法身果菩薩摩訶薩難施難戒因緣故獲得如來不可思議功德妙果一切自施戒因緣故得諸人天所奉供養果善人施戒因緣故於眾生中為无有上一切行施戒因緣故獲得如來三十二相八十種好除施除戒因緣故得坐道場菩提樹下魔王眷屬不能傾動自

菩薩善戒經第五卷 第三十六張

利利他施戒因緣故獲得如來常樂解脫寂靜施戒因緣故得四寂靜果所謂身寂靜緣寂靜心寂靜智寂靜十力四無所畏大悲三念處五智三昧為眾生故數有十八不共之法利智慧故乃有无量不共法數

菩薩善戒經卷第五

壬寅歲高麗國大藏都監奉

勅雕造

菩薩善戒經第五卷 第三十七張

菩薩善戒經卷第五

校勘記

- 一 底本，麗藏本。
- 一 六一〇頁上一行經名，二行譯者，**石**無。未換卷。
- 一 六一〇頁上五行「一切忍一切忍」，**石**無。
- 一 六一〇頁上一二行第七字「今」，**磧、南、徑、清**作「令」。
- 一 六一〇頁中二行「修集」，**磧、南、徑、清**作「修習」，下同。
- 一 六一〇頁中七行第一〇字「想」，**資、磧、南、徑、清**作「相」。
- 一 六一〇頁下一行第九字「俱」，**石**作「若」。
- 一 六一〇頁下七行第一一字「饒」，**資、磧、南、徑、清**作「餘」。
- 一 六一〇頁下九行第三字「復」，**石**無。
- 一 六一〇頁上六行「殖受」，**資、磧**作「殖」；**南、徑、清**作「植」。

- 一 六一一頁上一四行「攝法」，**資、磧、南、徑、清**作「法攝」。
- 一 六一一頁中一四行「攝法」，**資、磧、南、徑、清**作「乞食」。
- 一 六一一頁中一八行第一三字「是」，至一九行第六字「者」，**資、磧、南、徑、清**作「云何乞求活命」。
- 一 六一一頁中二一行第二字「嫌」，**石**作「惱」。
- 一 六一一頁中末行首字及第七字「懃」，**磧、南、徑、清**作「進」。
- 一 六一一頁下一五行末字「能」，**資、磧、南、徑、清**無。
- 一 六一一頁下一六行「三者」，**資、磧、南、徑、清**無。
- 一 六一二頁上一一行第五字「愛」，**資、磧、南、徑、清**作「受」。
- 一 六一二頁中三行第八字「想」，**資、磧**作「相」。
- 一 六一二頁中八行「十三」，**磧**作「十」。
- 一 六一二頁下五行第七字「羅」，**資、**

- 磧、南、徑、清**無。
- 一 六一二頁下一六行首字「趣」，**資、磧、南、徑、清**作「迴」。
- 一 六一二頁下一九行末字，末行第一二字，六一三頁上三行首字及第四字「難」，**資、磧、南、徑、清**作「勤」。
- 一 六一三頁上六行第一一字「名」，**磧、南、徑、清**作「若」。
- 一 六一三頁中二一行第二字「修」，**石**作「觀」。
- 一 六一三頁下三行第四字「動」，**資、磧、南、徑、清**作「始」。
- 一 六一三頁下一五行「時時」，**資、磧、南、徑、清**作「時」。
- 一 六一四頁上八行末字「進」，至此，**石**換卷，為卷第六。
- 一 六一四頁上一六行第八字「生」，**磧、南、徑、清**作「生入禪」。
- 一 六一四頁中二行末字「法」，**資、磧、南、徑、清**作「法至」。
- 一 六一四頁下一三行第九字「怖」，

石作「怖畏」。

一 六一五頁上五行第三字「書」，資、
磧、南、徑、清作「畫」。

一 六一五頁上五行第七字「瓦」，石
作「工」。

一 六一五頁上五行末字「施」，資、
磧、南、徑、清作「放」。

一 六一五頁上九行「根本」，資、磧、
南、徑、清作「本根」。

一 六一五頁上末行「知如實如實
知」，資、磧、南、徑、清作「智如實
知智如實知」。

一 六一五頁中一八行首字「聞」，資、
磧、南、徑、清作「問」。

一 六一六頁下末行「一者」，資、磧、
南、徑、清無。

一 六一七頁上二行「饒財」，石作「財
饒」。

一 六一七頁上七行第四字「者」，石、
資、磧、南、徑、清作「一者」。

一 六一七頁上一二行第九字「化」，
石作「令」。

一 六一七頁上一五行第七字「苦」，
資、磧、南、徑、清作「善」。

一 六一七頁中一行末字「妬」，資、
磧、南、徑、清作「垢」。

一 六一七頁中三行首字「破」，資、
磧、南、徑、清作「破心」。

一 六一七頁中五行末字「善」，石無。
一 六一七頁中一二行第二字「中」，
資、磧、南、徑、清作「法」。

一 六一七頁中一五行第二字「見」，
資、磧、南、徑、清無。

一 六一七頁下二一行第九字「而」，
磧作「正」。

一 六一八頁下七行經名，石無。未
換卷。



菩薩善戒經卷第六

維

菩薩地供養三寶品第十七

宋劉賓三藏求那跋摩譯

云何名為菩薩摩訶薩供養如來供養如來凡有十種一者供養色身二者供養塔三者現見供養四者不見供養五者自供養六者他供養七者利益供養八者取勝供養九者清淨供養十者受持供養供養色身者菩薩摩訶薩若見佛色身而供養之是名供養色身供養塔者若菩薩摩訶薩為如來故造作塔廟形像龕窟修治已壞朽故之塔若見新塔以花香供養是名供養塔現見供養者菩薩摩訶薩若現見如來形像時如見此佛見十方佛亦復如是是名現見供養不現見供養者菩薩摩訶薩若供養現在諸佛及佛塔廟得信解心我今現見作是供養亦得供養過去未來佛何以故一切如來同一法性故以是故則得供養去來諸佛若我供養現在佛塔亦得供養去來佛塔何

以故如是諸塔同一法性故若供養一佛則已供養十方諸佛若供養一塔則已供養十方佛塔造作龕窟補治故塔供養塔時亦復如是是名不見現見供養又復不見現見供養者若不見佛不見佛塔心想念言此是如來此是佛塔一切佛一切塔一切窟一切像亦復如是是名不見現見供養復有不現見供養者若菩薩佛涅槃後為如來故建立塔廟造作龕窟若一若二乃至无量隨力能作是名不見現見供養如是無量福德果報攝取无量梵福德果菩薩摩訶薩以是因緣於道菩薩摩訶薩不見見三寶而設供養勝於現見供養之者不可稱量不可為比所得果報不可宣說愚癡之人現見之後而設供養智慧之人雖不見見而能供養是名不見現見供養自作供養者菩薩摩訶薩若供養佛及供養塔手自經理不令他作是名自供養他供養者若佛若塔欲供養時聚集多人和合共作非獨自作多

菩薩善戒經第六卷

菩薩善戒經第六卷

菩薩善戒經第六卷

第五

佛

人者所謂父母妻子宗親眷屬僮僕
 若王大臣婆羅門長者隣比知識內
 人外人男女貧富受苦受樂若師和
 上若同師同和上若同住同法同學
 同國同名同姓乃至邪見及拘陀羅
 是名他供養復有他供養者菩薩摩
 訶薩若財富自在以慈悲心惠施眾
 生臨施之時作是願言眾生貧苦勤
 於福德今受施已我當勸令供養三
 寶以是供養三寶因緣破壞貧窮多
 獲福德作是願已惠施眾生施眾生
 已教令供養佛法僧寶是名他供養
 利益供養者菩薩若於佛及佛塔奉
 施衣服飲食卧具醫藥房舍恭敬禮
 拜復以種種雜華塗香油香散香伎
 樂幡蓋燈明供養又歎如來无量功
 德五體投地右遶三匝至無量匝兼
 復奉獻金銀琉璃頗梨珂貝車渠馬
 瑙及身瓔珞鐘鈴之屬乃至一錢一
 縵一鉢是名菩薩利益供養取勝供
 養者菩薩若於佛及佛塔所設供養
 利益供養常恒供養好物供養現見
 供養不現見供養自供養他供養至

心供養喜心供養至心忍樂供養三
 寶以如是等供養迴向阿耨多羅三
 藐三菩提是名取勝供養清淨供養
 者菩薩若於佛及佛塔手自供養非
 以憍慢輕賤心故令他執作無有放
 逸慙心精進至心淨心非為國主生
 信敬故非以當得國王大臣長者居
 士所供養故非以自顯己之功德而
 供養也所作形像不以雌黃雞子羅
 老膠油酥等油酥塗地不燒膠香熏
 香供養頗迦花等亦不供養一切臭
 華雖有好色亦不供養乃至種種臭
 穢之物不以供養離如是等諸供養
 者是名清淨供養受持供養者菩薩
 若於佛及佛塔若自出財若從他求
 若作像若作塔若一若二若乃至百
 千無量万億一一塔中一一像前恭敬
 禮拜以好華香伎樂燈明瓔珞幡蓋
 而供養之亦不以此供養因緣故求
 阿耨多羅三藐三菩提求於佛道何
 以故菩薩摩訶薩住不退地故菩薩
 住是不退地已於諸佛土受身不導
 菩薩摩訶薩不自出財不求他財作

是願言若閻浮提所有眾生有能供
 養佛法僧寶從四天下乃至三千大
 千世界十方无量無邊世界所有眾
 生以上中下供養三寶我當至心隨
 其歡喜復作是願以是因緣令諸眾
 生悉得成就阿耨多羅三藐三菩提
 是名菩薩莊嚴无上菩提之道是名
 如法作供養菩薩摩訶薩修集慈心
 如搆牛項悲喜捨心亦復如是一切
 有為無常无我無樂无淨深觀涅槃
 功德微妙念佛佛法僧施戒天等乃至
 不見法界之中有微分相可得宣說
 至心趣行六波羅蜜以四攝法攝取
 眾生是名如法作供養若有比丘常
 樂喜見恭敬供養金塔金像銀塔銀
 像頗梨真珠車渠馬瑙璧玉塔像不
 喜樂見供養恭敬泥木塔像當知是
 人不名如法作供養是如法作供養
 名無上供養无勝供養取上供養如
 是供養勝諸供養能得无量無勝之
 果菩薩摩訶薩供養三寶為六事故
 一者福田無勝故二者知恩報恩故
 三者勝於一切一足二足多足无足

故四者難遇如優曇鉢花故五者无師和上自然得成阿耨多羅三藐三菩提故六者能令衆生獲得世樂出世樂因故法僧亦尔菩薩欲受菩薩戒時當觀和上若具八法乃從受戒一者具足優婆塞戒沙弥戒大比丘戒二者能致供養三者善能觀察持戒毀戒相貌四者得舍摩他毗婆舍那五者慈心憐愍一切六者能捨已樂以施衆生七者無畏八者不說非法不聽非法說非法者呵責諫喻能忍一切世毀打罵惱害等苦貪瞋癡等毀禁之人及懈怠者處衆說法不辭疲勞不認解義亦不誤說發言柔軟初不虛獷常念衆生欲令安樂有疑輒請不懷耻辱善知方便教化衆生知諸衆生煩惱對治於諸衆生其心平等无有貴賤尊卑之異六根具足威儀庠序不信讒言細行淨行不自矜高輕蔑於人不為利養外現諂曲捨除貪妬慳悵之心若自得利先推他人其心常一無有放逸見他得利歡喜如己知足少欲唯畜六物六物之外隨得

菩薩善戒經第六卷 第六法

菩薩善戒經第七卷 第七法

隨施恒勸前人隨犯發露為示憶念善知悔法善能瞻養病苦之人終不宣說聲聞法藏菩薩截過若有具足如是法者任為和上菩薩摩訶薩既受戒已和上若病應為給使若不病者應隨教作應生虔重恭敬之心迎送禮拜立侍左右奉施衣食卧具醫藥隨順法語隨法而作无有動轉隨所犯罪成實而說若聽法時作佛想法想比丘僧想難想眼想大智因想大光明想得大果報想是大涅槃无上道因想得常樂想得舍摩他毗婆舍那想如是想者即是真實法想是名具足聽法功德又聽法時應至心聽信心聽不應念言我今不應從破戒者斯下種姓根不具足不正語者弊性之人而問法也離如是念至心聽法菩薩摩訶薩受菩薩戒有一種一者智二者愚若作如上思惟觀者是名愚癡不增善法不得大智菩薩修集四无量心慈悲喜捨四无量心有三種一者衆生緣二者法緣三者無緣衆生緣者菩薩摩訶薩修集慈

菩薩善戒經第八卷 第八法

心諦觀一切三聚衆生一者受樂二者受苦三者受不苦不樂菩薩摩訶薩修集慈心觀受樂者令其增長觀苦衆生滅苦生樂觀不苦不樂者斷除苦樂令得涅槃是名衆生緣法緣者菩薩摩訶薩唯觀法相不作衆生相若我修慈無衆生者誰得離苦誰得受樂是名法緣无緣者捨衆生相及以法相增長慈心是名無緣如慈餘三无量亦復如是菩薩摩訶薩若因衆生修無量心當知是心不異外道亦與聲聞辟支佛共菩薩摩訶薩四無量心合則為悲是故菩薩名為大悲菩薩觀察受苦衆生有百一十為除是苦修集大悲何等百一十種生苦復有二種一者求不得苦二者得已失苦復有三種一者苦苦二者行苦三壞苦復有四種一者愛別離苦二者怨憎會苦三者死苦四者五陰不滅苦復有五種一者欲因緣苦二者瞋因緣苦三者睡眠因緣苦四者掉悔因緣苦五者疑因緣苦復有六種一者惡道因緣苦二者惡道果

善惡業報卷 第九

苦三者多求苦四者守護苦五者得无厭苦六者失苦復有七種一者生苦二者老苦三者病苦四者死苦五者愛別離苦六者怨憎會苦七者求不得苦復有八種一者寒苦二者熱苦三者飢苦四者渴苦五者不得自在苦六者自作苦如尼捷子七者他作苦如王事等八者久威儀苦復有九種一者身貧窮苦二者他貧窮苦三者親愛壞苦四者失財物苦五者病苦六者破戒苦七者邪見苦八者現在苦九者他世苦復有十種一者有食無器苦二者步涉无乘苦三者求諸瓔珞華香不得苦四者求覓伎樂遊戲不得苦五者求於光明不得苦六者求給使人不得苦七者求漿不得苦八者求衣不得苦九者得不用苦十者見來求苦復有九種一者一切苦二者大苦三者一切自苦四者不如法住苦五者轉苦六者不得自在苦七者害苦八者隨逐苦九者一切行苦一切苦者由往昔因得現在苦大苦者如諸衆生无量世中受

善惡業報卷 第十

地獄苦一切自苦者如地獄畜生餓鬼人天中苦不如法住苦者如作謀議欲害於他事不成就反受其禍如貪飲食後受大苦如念貪欲瞋恚癡苦如因身口意惡業受苦如因毀戒受於憂苦轉苦者如現在王身轉至他世為奴僕苦如現父母兄弟妻子轉至他世為怨憎苦如現在巨富轉至他世受貧窮苦不得自在苦者如欲得長命欲得端政欲得上族欲得富貴欲得身力欲得智慧欲除怨敵不得如意苦害苦者如世中人求破貧窮不能破苦出家之人求懷煩惱不能壞苦如事難苦兵革起苦行曠路苦截手脚苦閉繫打縛苦駝擯出外苦一切行苦者因苦受苦離樂受苦一切諸受未斷故苦不能出家苦不能寂靜苦不得菩提苦多生思覺苦凡夫苦四大苦三界苦煩惱苦是名百一十苦菩薩觀察如是等苦增長大悲如是大苦因十八種而得增長何等十八一者愚癡苦二者受果報苦三者行苦四者常苦五者生苦

善惡業報卷 第十一

六者自作苦七者他作苦八者破戒苦九者邪見苦十者過世苦十一者大苦十二者地獄苦十三者人天苦十四者轉苦十五者受苦十六者不知苦十七者增長苦十八者懈怠苦菩薩常以四事因緣名為大悲一者諦觀衆生受苦因緣甚深難解二者无量世中修集三者至心修集四者以至心故為於衆生不惜身命以是四事因緣故能為衆生勞謙忍苦受於苦身是故菩薩名淨大悲淨大悲者名如來地菩薩摩訶薩觀是百一十事一切菩薩皆悉修集為衆生故增長大悲如是菩薩能觀衆生及以法相生於大悲不能觀察無緣之相生於大悲是故不得名為大悲如來能具如是三種故名大悲菩薩修集大悲故得身寂靜得心寂靜以是身心寂靜因緣故能破衆生所有煩惱住於淨地一子之地於諸衆生愛之如子以慈悲因緣故為諸衆生懃行苦行心无悔退如聲聞道悟四諦時受無漏樂菩薩修悲亦復如是菩薩修

悲但為衆生不為自身修悲因緣菩薩乃至不惜身命及外財物修悲因緣捨身受身終不毀失如來禁戒難得三昧即能得之難得智慧即能得之是故如來於經中說菩薩阿耨多羅三藐三菩提住在何處當言住於大悲無量無邊不可稱計故名大悲菩薩修集是無量心得現在樂能令衆生遠離苦惱得無量無上功德之聚莊嚴阿耨多羅三藐三菩提菩薩地三十七助道品第十八

云何名為菩薩摩訶薩慚愧慚愧有二種一者性二者因緣性者菩薩摩訶薩自知所作非法怖畏惡報而生慚愧因緣者菩薩若於自所作惡恐人知故而生慚愧性慚愧者非因緣得如菩薩性菩薩修慚愧者從因緣得如八正道因緣慚愧有四種一者不應作而作生於慚愧二者應作不作生於慚愧三者心自生疑而生慚愧四者於覆藏罪恐他知故而生慚愧云何名為菩提薩埵薩埵者名為勇健無所畏懼菩薩之性性有健力

以性健故能調煩惱不隨其心能忍衆苦種種恐怖雖有恐怖不能傾動菩薩所有善法莊嚴是名性勇健力是故名為菩提薩埵菩薩性勇健力有五因緣一者種種生死苦二者衆生種種行諸惡業三者於無量世利益衆生受無量苦四者至心堅持菩薩禁戒五者至心聽受深法菩薩摩訶薩有五因緣為諸衆生受大苦切心无愁惱一者有大勇健力故二者修集無愁故三者懃善方便健精進故四者智慧力健故五者專念修悲心故云何菩薩解世書籍菩薩善知世間方術知字知句知辭知義心口和合專念受持是名菩薩知法知義知法知義故能為他說以說因緣故法智義智而得增長是名聞慧思慧以是聞思慧因緣故助菩提法而得增長云何名為菩薩知世世有二種一者衆生世二者器世菩薩摩訶薩觀衆生世是故經說世間苦行受於生死不知生死不得解脫如來善知衆生世間是故經說衆生有五濁一

者命濁二者衆生濁三者煩惱濁四者見濁五者劫濁如今人壽不滿百年是名命濁如今衆生不能孝養父母師長和上沙門婆羅門等不隨義行不畏現在及未來世不樂惠施不喜福德不樂受齋持戒精進是名衆生濁如今衆生因煩惱故煞害父母於母姊妹及餘親屬強作非法為與衆生作惡因緣受畜弓箭刀杖矛楯多有衆生妄語兩舌惡口無義語有如是等無量諸惡不善煩惱起時是名煩惱濁如今衆生非法見法見非法非法說法法說非法以是說故破壞正法增長邪法無量衆生修集邪見是名見濁如惡時惡衆生有三種內惡劫起一者飢饉內劫二者疾病內劫三者刀兵內劫是名劫濁是名菩薩知衆生世間復次菩薩知器世間菩薩善知器世間成壞因緣是故經說迦梅延如來善知世間知世間因知世間滅知世間道知世間味知世間苦知世間解脫迦梅延六入五陰及四大等名為人身以人身故隨

世作相名之為我名為衆生名為壽

命名為士夫名為某甲如是名字性無真實因煩惱故衆生說言我見我聞我知見聞知者亦無真實流布如是名姓飲食受苦受樂長壽短壽是名流布流布者名為相不名真實如來善知衆生世間器世間故名如來善知世間菩薩若見於已年長福德勝者應起奉迎禮拜問訊安施牀座若見年德與已等者先意問訊謙下軟語執手共坐不生僑慢我勝於彼若見年德於已少者先意軟語勸以福德教行善法心不輕慢設其有罪終不譏刺隨所須物任以給施菩薩恚於上中下衆生先意軟語善法教化以食以法而攝取之身口意業善思惟等恚向衆生常作是念願我莫與一切衆生作惡因緣於諸衆生不作恚想常生親想無瞋恚心設有瞋者不以為意若他瞋打當觀法界身口意業常自疑重具足十四事所謂六方便四惡知識四善知識常能利益今世後世能求財物得已能護營

生富足能作福德不貪不慳不作幻術誑惑世人持戒慚愧有人寄附不令生疑衆生見者如見真實常近善友治國理民勸以十善見則言見聞則言聞覺則言覺知則言知是故菩薩名知世間去何名為菩薩學四依菩薩依義不依於字菩薩聽法不為依字唯為依義菩薩摩訶薩依法不依人知法非法知如是法是佛所說是長老說是衆僧說若是非法雖聞佛說心不生信復有是法非佛所說非長老說非衆僧說雖非佛說長老僧說是法相者聞則信受菩薩摩訶薩依了義經不依不了義經依了義者不可動不可移了義經者不生疑心菩薩若於了義經中生疑心者則可移動菩薩依智不依識何以故修智慧者名淨智故是故菩薩解甚深義雖於深義未得解了終不生謗是名菩薩成就四依菩薩成就如是四依了了能知世道出世道菩薩復有四道以四道故知一切法界得无尋智四道者即是四无尋智知一切法

界名法無尋智若知一切法性无尋智無顛倒智名義无尋智菩薩若知一切諸法種種名字名辭無尋智菩薩若知一切法界一切法名一切法義說不可盡名樂說無尋智菩薩具足四无尋智知陰入界方便十二因緣方便是處非處方便菩薩具足四无尋智了了自知菩提之道復能為人分別廣說云何名為莊嚴菩提莊嚴菩提有二種一者功德莊嚴二者智慧莊嚴如自利利他品中說菩薩若在初阿僧祇劫修集如是二莊嚴者名下莊嚴在第二阿僧祇劫修名中莊嚴在第三阿僧祇劫修名上莊嚴云何菩薩修集三十七品菩薩具足四无尋智得方便智以方便智故修集三十七品亦未得證阿釋多羅三藐三菩提亦知二乘所修道品知二乘者如初品說云何名知菩薩所修三十七品菩薩觀身循身觀作是觀時不著身相不作空相亦知是身不可宣說是名觀身第一義為流布故說名為身如身餘三十七品亦如

是菩薩摩訶薩觀是身時不作苦不作集不作滅不作因緣道何以故法界不可說故菩薩若能如是知苦集滅道是名第一義修集三十七品為流布故說苦集滅道菩薩若知不以覺觀自言我能觀三十七品是名舍摩他菩薩若知法界真實不可宣說是名毗婆舍那菩薩舍摩他有四種一者第一義舍摩他二者期舍摩他三者真實舍摩他四者離煩惱怨舍摩他菩薩具足四舍摩他知一切法界為阿耨多羅三藐三菩提故菩薩毗婆舍那有四種一者共四種舍摩他行二者遠離顛倒三者分別无量法界四者知法界無尋菩薩修集是四種毗婆舍那為阿耨多羅三藐三菩提故云何名為菩薩摩訶薩善方便善方便者有十二種內六種外六種內六種者菩薩常於一切眾生起大悲心真實了知一切諸行常樂繫念阿耨多羅三藐三菩提樂為眾生轉於生死真知煩惱不壞煩惱為阿耨多羅三藐三菩提勤修精進是名內方便

外六種者能令少施得無量福有功德者能令增長壞佛法者能令生信已有信者能令增長未淳熟者能令淳熟已淳熟者能令解脫是名外方便云何少施得无量福若有眾生於菩薩所聞說法已以一把食施於餓狗施物既少福田又薄以能迴向菩提道故所得福報不可稱量有德增長者若有眾生先受八齋菩薩復為分別解說教令迴向無上菩提若有眾生深著邪見一月不食晝斷夜食菩薩即為講宣正法破其邪心教令受持八戒齋法菩薩為破苦不善齋教令受持善法齋戒若有眾生欲求解脫不知方便菩薩為說中道實義離於二邊若有眾生欲得天身投剎赴火菩薩為破如是現苦為說持戒現世受樂後受天身若有眾生為寂靜故讀誦解說四毗陀典菩薩即以十二部經教令分別思惟其義復次菩薩以世所有上妙香華供養三寶亦教眾生復令供養自向十方无量諸佛發願供養亦教眾生向十方佛

發願供養復次菩薩常修念佛乃至念天亦教眾生令修六念復次菩薩身口善業若多若少悉施眾生亦是法教化眾生復次菩薩常作是願一切眾生所有苦事悉集我身莫令他受亦以此法轉教眾生復次菩薩若有過去現在世罪意向十方諸佛懺悔亦以此法教眾生行復次菩薩自能修集四無量心教眾生行四无量有功德者能令增長壞佛法人能令生信已生信者能令增長未淳熟者能令淳熟已淳熟者令得解脫菩薩摩訶薩為是四法修集六事一者隨他二者無障三者不動四者心相似五者報恩六者清淨隨他者菩薩若為眾生說法先以軟語隨彼心語隨身口意任力惠施令彼恭敬生歡喜之心樂法之心然後為說隨諸眾生上中下根說易解法時節說次第說不顛倒說利益說憐愍說若須神通應感化度為示神足略能說廣廣能說略能破疑網施其憶念能廣分別出入定處若有眾生不解如來甚

菩薩戒律第六卷 第五品 第六品

深空義即為開示分別演說若有衆生誹謗方等大乘經典即為說法今其調伏若有衆生作如是言如來所說无一切法無一切物一切諸法无生無滅猶如虚空如幻如夢如熱時焰乳闍婆城如水中月如呼聲響以是不解法性因緣故生於怖畏生怖畏故而生誹謗言非佛經是邪見說菩薩摩訶薩善巧方便漸漸為開修多羅義隨意而言非一切法无以一切法不可說故名為無法以不可說性无所有故名為無物若初无不可說無不可說性云何可說有生有滅是故說名无生無滅若无生滅即名虚空如虚空中有無量色有無量業諸色諸業无有障導所謂行住屈申俯仰若无如是諸色諸業名虚空者是則虚空不可宣說若因虚空有諸色諸業可宣說者不得說言虚空之性不可宣說若彼虚空不可說者諸色諸業云何可說菩薩摩訶薩得聖智已乃知法界不可宣說亦時菩薩破壞邪相言一切法有一切法

菩薩戒律第六卷 第五品 第六品

可說菩薩初以如是聖智教於衆生衆生得已自見法性不可宣說猶如虚空是故如來說一切法同於虚空如幻性相非有非无聖人亦說非有非无幻若定有以何因緣有時可見有時不可見若定無者云何令人見種種相實无之法不應生相一切法界亦復如是於諸凡夫說有名相有名相故不得言無第一義性不可說故不得言有是故法界如幻有二是故菩薩於諸法界不取不捨不增不減實則知實亦說是實是名菩薩善隨方便无障者菩薩摩訶薩見來求者作如是言善男子汝今若能供養三寶父母師長沙門婆羅門者所須之物若衣若食牀卧病藥花香瓔珞幡蓋伎樂田宅屋舍僕使乘用資生之物悉當與汝若有衆生恐畏憂懼菩薩語言汝今若能供養三寶乃至婆羅門者我當給汝衣食所須乃至一切資生之具亦當救汝憂懼之事若有病者亦復語言汝今若能供養三寶乃至婆羅門者我當為汝求

菩薩戒律第六卷 第五品 第六品

覓良醫醫病好藥衣食乃至資生之具令汝病愈如是衆生若能信受菩薩語者菩薩當作種種方便必令如意若不受者菩薩亦時則修捨心若有信受菩薩不為稱意作者得罪菩薩先教供養三寶父母師長持戒精進為調令得阿耨多羅三藐三菩提若先受語後不受者以憐愍故則現瞋呵非實惡心若不施物不為作使非實嫌恨為調伏故是名无障不動心相似者菩薩若得自在之身若王大臣多有眷屬先唱是言若我境內及家中人其有不能供養三寶父母師長沙門婆羅門毀戒懈怠我當斷其衣服飲食打罵繫縛問之牢獄若煞若擯囑付大臣使令監察知誰持戒知誰毀戒誰能供養父母三寶誰不供養父母三寶亦時衆生以怖畏故遠離諸惡修集善法似菩薩心是名相似方便報恩者菩薩若受檀越衣服飲食卧具病藥房舍若多若少或遭恐怖有人救解或遭病苦有療治者或聞說法破懷疑心菩薩摩訶

薩以念恩故志教是等行於善法是名報恩菩薩說法衆生聞已即能供養三寶父母師長沙門婆羅門等持戒精進是名報恩寂靜者菩薩摩訶薩安住畢竟菩提地中修集寂靜菩提之道生兜術天當知不久下閻浮提得阿耨多羅三藐三菩提衆生聞已志發願言如是菩薩成佛之時我等當於是佛法中出家學道尔時菩薩下閻浮提託生剎利婆羅門家為衆生故捨五欲樂出家學道修行苦行為苦行者生於恭敬破苦心故修苦行已得阿耨多羅三藐三菩提壞聲聞緣覺菩提心故既成道已嘿然而住擇梵天王來勸請故梵天啓請為令衆生於正法中生尊重故尔時世尊即以佛眼觀諸衆生然後說法佛眼觀者為破惡名故所謂衆生說言如來但為梵王勸請非為憐愍若以佛眼觀於衆生轉法輪者為破衆生邪惡輪故轉法輪已集衆制戒為令衆生得解脫故是名菩薩寂靜方便為令衆生得信心故未入佛法者

菩薩善戒經卷第六 第五品 令得入故未熟衆生令得熟故已熟衆生得解脫故

菩薩善戒經卷第六

菩薩善戒經卷第六

校勘記

- 一 底本，金藏廣勝寺本。
- 一 六二二頁中一行經名，二行譯者，
石無，未換卷。
- 一 六二二頁中一三行第一三字「以」，
資、磧、南、徑、清、麗無。
- 一 六二二頁下一四行第一三字「薩」，
麗作「提」。
- 一 六二二頁上二行第一〇字「隣」，
徑作「憐」。
- 一 六二二頁上四行首字及第七字
「上」，磧、徑、清作「尚」。
- 一 六二二頁上五行第一二字「梅」，
磧、徑、清作「旃」。

一 六二二頁上一九行第六字「鐘」，
徑、清作「鐘」。

一 六二二頁上二〇行第三字「銖」，
石、麗作「米」。

一 六二二頁中一〇行第六、第七字
「油酥」，石、麗無。

一 六二二頁中一〇行末字「熏」，資、
磧、南、徑、清作「葉」。

一 六二二頁中二二行第一三字「不」，
石、麗作「無」。

一 六二二頁下八行「修集」，磧、南、
徑、清作「修習」，下同。

一 六二二頁下九行第二字「構」，資、
磧、南、徑、清、麗作「擊」。

一 六二二頁下一七行「泥木塔」，
徑作「汲水塔」。

一 六二二頁下二一行第一〇字「寶」，
徑作「實」。

一 六二二頁上七行「二者能致供養」，
資、磧、南、徑、清無。以下「三者」、
「四者」……至一〇行「八者」，資、
磧、南、徑、清為「二者」……七

者」。

一 六二三頁中七行首字「送」，**資**、**磧**、**徑**、**清**作「逆」。

一 六二三頁中九行第四字「成」，**麗**作「誠」。

一 六二三頁中一八行第一三字「一」，**石**、**資**、**磧**、**南**、**徑**、**清**、**麗**作「二」。

一 六二三頁下六行第七字「唯」，**資**、**磧**作「准」。

一 六二三頁下一八行第三字「三」，**石**、**資**、**磧**、**南**、**徑**、**清**、**麗**作「三者」。

一 六二三頁下二〇行「不滅」，**資**、**磧**、**南**、**徑**、**清**作「盛」。

一 六二三頁下末行「因緣」，**麗**作「因」。

一 六二四頁上一五行第二字「遊」，**南**、**徑**、**清**、**麗**作「遊」。

一 六二四頁中一〇行第八字「政」，**資**、**磧**、**徑**、**清**、**麗**作「正」。

一 六二四頁中一三行第一二字「懷」，**資**、**磧**、**南**、**徑**、**清**、**麗**作「壞」。

一 六二四頁下一行第一三字「破」，

徑作「彼」。

一 六二五頁上一〇行末字「提」，至此**石**換卷，為卷第七。另有經名一行，譯者一行。

一 六二五頁上二〇行第四字「漸」，**徑**作「漸」。

一 六二五頁中七行第一一字「心」，**磧**、**南**作「以」。

一 六二五頁下九行第一三字「矛」，**資**、**磧**、**麗**作「牟」。

一 六二五頁下一三行第一二字「是」，**石**、**麗**作「見」。

一 六二五頁下一五行第一〇字「惡」，**資**、**磧**、**南**、**徑**、**清**無。

一 六二五頁下一九行第九字「聞」，**資**、**磧**、**南**、**徑**、**清**、**麗**無。

一 六二六頁上一二行第六字「疑」，**石**、**資**、**磧**、**南**、**徑**、**清**作「凝」。

一 六二六頁上二二行第一一字「識」，**石**、**資**、**磧**、**南**、**徑**、**清**、**麗**作「識如善生經說」。

一 六二六頁中二行第一三字「附」，

磧、**徑**、**清**作「付」。

一 六二六頁中一七行第三字「動」，**石**作「轉」。

一 六二六頁下末行第一一字「七」，**資**、**磧**、**南**、**徑**、**清**作「六」。

一 六二七頁上六行「自言我能」，**資**、**磧**、**南**、**徑**、**清**、**麗**無。

一 六二七頁中一六行末字「捌」，**資**、**磧**、**南**、**徑**、**清**、**麗**作「淵」。

一 六二七頁下九行第八字「心」，**資**、**磧**、**南**、**徑**、**清**、**麗**作「心亦」。

一 六二七頁下一〇行首字「量」，**資**、**磧**、**南**、**徑**、**清**作「量心」。

一 六二八頁上一行末字「不」，**資**、**磧**、**南**、**徑**、**清**作「不可說」。

一 六二八頁中一八行第一一字「恐」，**資**、**磧**、**南**、**徑**、**清**作「恐怖」。

一 六二八頁下一六行第一〇字「鑿」，**石**作「監」。

一 六二九頁中末行經名、卷次，**石**無。未換卷。



菩薩善戒經卷第七

宋劉賓云藏本和詳

維

菩薩地助菩提數法餘品第十九

云何菩薩摩訶薩陀羅尼陀羅尼有
四種一者法陀羅尼二者義陀羅尼
三者辭陀羅尼四者忍陀羅尼法陀
羅尼者菩薩心得憶念以念力故得
大智慧大智力故知諸法界言辭字
句堅心受持經無量世无有忘失義
陀羅尼者如法陀羅尼隨順解義於
无量世受持不忘辭陀羅尼者菩薩
摩訶薩為破衆生種種惡故受持神
呪讀誦通利利益衆生為呪術故受
持五法一者不食肉二者不飲酒三
者不食五辛四者不婬五者不淨之
家不在中食菩薩具足如是五法能
大利益無量衆生諸惡鬼神諸毒諸
病无不能治忍陀羅尼者菩薩摩訶
薩智慧力故心樂寂靜不與人居嘿
然不語獨處无伴於食知足食一種
食坐禪思惟夜不眠寐時佛即以陀
羅尼呪教之令誦

乙致 蜜致 鞞致毗 羸提 般
檀那莎呵

菩薩善戒經第七卷 第三張 維字

菩薩爾時從佛受已深心觀察知字
无義以無義故无有義語若無義語
辭亦无義法亦無義以无義故一切
諸法悉不可說義者一切諸法無義
義也以忍力故了了能知四陀羅尼
以了知故則得具足忍陀羅尼以能
具足忍陀羅尼故不久得成阿耨多
羅三藐三菩提菩薩摩訶薩初阿僧
祇劫修集行時得是法義二陀羅尼
因此法義二陀羅尼修集三昧因修
三昧發誓願故復得辭忍二陀羅尼
菩薩若能具足四事得四陀羅尼一
者不食五欲二者於衆生中无嫉妬
心三者能施施已無悔四者樂聞正
法受持讀誦書寫解說菩薩法藏菩
薩摩夷云何菩薩發大誓願有五種
一者發心發願二者有發願三者行
發願四者善發願五者大發願初發
菩提心時名發心發願為利衆生生
人天故名有發願為衆生故修无量
心名行發願修集一切菩薩善法名

菩薩善戒經第六卷 第三法 雜字

善發願不惜身命護持正法名大發願菩薩若以十種供養佛法僧寶護持正法見持法者供養恭敬是名大發願菩薩摩訶薩生兜率天乃至大涅槃是名大捨願菩薩摩訶薩從初發心乃至得阿耨多羅三藐三菩提是名大發願菩薩摩訶薩為度眾生遍在諸有隨而受身是名大發願菩薩摩訶薩常以大乘菩薩法藏菩薩摩夷教化眾生是名大發願菩薩摩訶薩凡所演說无不利益無善根者令生善芽是名大發願云何名為菩薩摩訶薩修空三昧菩薩深觀一切諸法有可說性是可說性不可說性中无故名空三昧云何無願三昧菩薩摩訶薩以一切法可宣說故有我有所有我有我所故則名為苦菩薩摩訶薩破邪想故知一切法不可宣說是故不著我及我所無我无我所故更不願求是名無願三昧云何无相三昧菩薩摩訶薩知一切法不可宣說以不可說故志无一切煩惱之相以無相故名為寂靜修寂靜故

菩薩善戒經第六卷 第四法 雜字

是名無相三昧如來何故說三三昧一切諸法凡有二種一者有為有二者無為有為有者謂我我所无為有者所謂涅槃有為有者菩薩摩訶薩觀一切苦不生願求是名无願三昧無為有者所謂涅槃菩薩摩訶薩於涅槃中不生樂想是名无相無為者亦有亦无是故菩薩非願非不願菩薩摩訶薩見有有見无有中无无中無有是名為空菩薩亦時修空三昧得真實智如是三昧聲聞緣覺亦修亦學而不能說一切諸法不可宣說諸佛菩薩為令眾生得寂靜故說是四法一切有為法無常苦无我涅槃寂靜諸佛菩薩為諸眾生說是四法當知已說一切法界諸法根本是名優陀那優陀那者過去無量一切諸佛亦如是說能作上者名優陀那增長善法名優陀那云何菩薩見有為法志は無常菩薩摩訶薩知有為法可說无常是故一切有為無常不知真實不可說故不知因果是故作相言一切法志是生滅以是過去

菩薩善戒經第六卷 第五法 雜字

有為亦生亦滅是故過去之法不見有因不見有性以不見因性故說過去法志は無常現在法知生而不知滅現在之法不見其因見果見性不見滅故知性不知因未來有為法不見生滅是故知因不知果不知性以未生故是故菩薩知因不知性亦時觀三世一念有三相若過一念則有四相先滅法已次第生相似法是名為生生已作事是名為住先滅法相滅法已見相似是名為老生已不住至於二念是名為壞菩薩見有為法相一種如生住老亦如是唯壞相異何以故不共三相住故如是四相見有二種一者有二者無有者三相无者第四相菩薩見有為法不見生不見住不見老不見壞何以故生住老壞无真性故菩薩摩訶薩見色法生色法住色法老色法壞不見生住老壞菩薩摩訶薩以方便觀不見四相方便觀者菩薩觀若離色法別有生者色法生時生亦應生若尔者一切諸法皆應二生一者色生二者生生如

是二生若即法若離法若不離者則無生生若言離法別有生者是義不然若不離者尔時色无有生因緣故生住老壞亦如是若壞自性有者當知是壞亦生亦壞若壞生者當知一切有為之法悉無有滅入滅定時心心數法常應還生色法滅時亦應還生何以故是壞生故是故諸法悉應是常是故菩薩離色法已不見四相知有為法性无常故亦常宣說有為無常菩薩觀見有為之法有三種苦若苦行苦壞苦是故如來說有為法一切是苦云何菩薩見有為法无我無我者有二種一者衆生无我二者法無我衆生无我者衆生非是有法非是无法非是離有無法是名衆生無我法无我者一切諸法可說可說性无故是名法無我有如是等二種無我是故如來說有為法一切无我如是有為断現在因障未來因是名涅槃無煩惱結故名寂靜若是菩薩以不淨心觀於涅槃聲聞未得道果觀於涅槃俱亦未實知涅槃性亦是

涅槃相譬如大王為子息故刻木造作象馬鹿兔王子亦於非真實象馬作真實想是王或時讚歎象馬諸子各謂讚已象馬其後出舍見真象馬即生慚愧我等云何於非象馬生象馬想云何於此同名同相生真實想如來亦說菩薩心不清淨聲聞之人未證道果住生死舍如來為說涅槃寂靜菩薩聲聞聞已亦生真涅槃想實不能知真涅槃也聞佛說時生心作想言是涅槃其後修集八正道已得淨智慧出生死舍尔乃真實知涅槃性方生慚愧我等云何於非涅槃生涅槃想譬如病人往良醫所尔時良醫為破病故隨病授藥病者得已心生歡喜作真藥想即便服之既服藥已所患雖除更發餘病尔時良醫断先所服更與餘藥病者復言大師先藥佳良力能治病非是藥能良醫雖說如是藥好而此病者猶故不信尔時病者服藥病老方乃信藥生慚愧心佛說法時亦復如是衆生聞已壞小煩惱即便生於真實之想更起

煩惱言佛無常如來復為說甚深法雖復聞之猶不生信以本為實菩薩若得清淨之道尔時方生慚愧之心如來實常我云何言如來无常是故如來說有為法一切無常苦无我等涅槃寂靜
菩薩地功德品第二
菩薩摩訶薩修菩提行有五事不可思議一者憐愍一切衆生二者為利衆生受生死苦三者以善方便調伏衆生四者發心欲知其深難義五者欲知不可思議神足如是五法不與一切衆生共之是故名不可思議菩薩摩訶薩復有五事不可思議菩薩摩訶薩為利衆生受於苦因以受苦因故得受安樂以受樂故具足成就就不思議法復次菩薩觀生死過涅槃寂靜為衆生故不樂涅槃流轉生死是名受樂以受樂故具足成就就不思議法復次菩薩樂於空閑寂靜默然為諸衆生演說正法是名受樂以受樂故具足成就就不思議法復次菩薩摩訶薩為衆生故行六波羅蜜亦

菩薩善戒經第七卷 第九張 雜字

菩薩善戒經第七卷 第十張 雜字

菩薩善戒經第七卷 第十一張 雜字

復不來六波羅蜜果是名受樂以受樂故具足成就不思議法復次菩薩摩訶薩管他事業如造已務甘心喜樂不辭勤苦是名受樂以受樂故具足成就不思議法是名菩薩五事不可思議法菩薩復有五事於諸眾生其心平等一者初發菩提心時普為一切非為一人是名平等二者菩薩修大悲時普為一切非為一人是名平等三者菩薩修集一子地時普為一切非為一人是名平等四者菩薩普觀十二因緣一切等有是名平等五者菩薩求阿耨多羅三藐三菩提時普為一切非為一人是名平等菩薩摩訶薩復有五事為利眾生一者教修正命二者教習世事方便三者見貧窮者方便教令破貧窮苦四者為上善者說正實道五者為三乘故說三乘法是名五事利益眾生有五事法報菩薩恩一者受持善法一切禁戒二者貧者受已如教修行破於貧窮三者供養三寶四者於菩薩所聞法受持讀誦書寫分別解說轉以

教他五者見持法者恭敬供養菩薩摩訶薩行菩提道志心立願常求五事一者常願世間有佛興出二者常願具足六波羅蜜三者常願求覓菩薩法藏菩薩摩夷四者常願當得解脫五者常願眷屬成就是名為五菩薩復有五事利益眾生如自利利他品中說菩薩復有五事疾得阿耨多羅三藐三菩提一者護法二者修行善行三者智慧力四者專心寂靜五者定得菩薩性是名為五護法菩薩具足護陀羅尼從他聞法速得解了復次菩薩具足護念以護念故受法不忘復次菩薩具護智慧以護智故分別法界復次菩薩具足護心調諸根故復次菩薩具護他心隨他行故是名護法修行善行者菩薩於法順解順說常修善法四無量心願向阿耨多羅三藐三菩提是名善行智慧力者菩薩摩訶薩從初發心乃至得阿耨多羅三藐三菩提是名智慧力專心寂靜者菩薩摩訶薩以十淨法供養如來如上所說是名靜寂定得

菩薩性者所謂菩薩住一子地不退轉地是名菩薩定得菩薩性菩薩摩訶薩有五事善法損減一者不能供養於法及說法者二者放逸懈怠三者樂起煩惱心掉不息四者於同菩薩心生憍慢五者於菩薩顛倒解義菩薩有五法善法增長一者供養於法及說法者二者攝心精進三者所起煩惱心樂除滅四者於同菩薩心生恭敬五者於菩薩隨順解義有五事實非菩薩假名菩薩實非沙門假名沙門非婆羅門假名婆羅門不得菩薩戒不中同止一者惡性二者護毀禁者三者不得禪定示得禪相四者邪命自活五者見有智者生嫉誹謗有五事真名菩薩真名沙門真名婆羅門得菩薩戒得與同止一者善性調和二者治毀禁者三者實得禪定不示其相四者正命自活五者見有智者生喜讚歎菩薩摩訶薩教化眾生有十種一者為破惡法故二者為知法界故三者不作犯故四者犯已慚愧悔故五者調伏諸根故

六者不放逸故七者遠離惡知識故
八者住寂靜處故九者遠離煩惱故
十者得解脫故是名為十授菩薩記
有六事一者定有菩薩性未發阿耨
多羅三藐三菩提心二者未有菩薩
性而發阿耨多羅三藐三菩提心三
者有菩薩性亦發阿耨多羅三藐三
菩提心四者於無量世為菩提故修
行善行五者定得阿耨多羅三藐三
菩提不說時
定六者定得阿耨多羅三藐三菩提
名為有三事菩薩定得阿耨多羅三
藐三菩提
一者定有性二者得不退心三者凡
所作事悉為眾生善法牙菩薩以
是三定為佛所說菩薩摩訶薩不具
五事不得阿耨多羅三藐三菩提一
者不發菩提之心二者不得憐愍之
心三者不勤精進四者不敬重戒五
者不知一切世事菩薩若不具足如
是五事不得阿耨多羅三藐三菩提
若有說言離是五法得阿耨多羅三
藐三菩提者無有是處有五事菩薩
常所修集一者不放逸二者為破眾
生貧窮困苦三者供養三寶四者至

心持戒有犯尋覺五者所作善事悉
以迴向阿耨多羅三藐三菩提菩薩
摩訶薩有十法勝一切法一者菩薩
性勝一切性二者初發菩提心勝於
一切世間出世間發心三者毗梨耶
波羅蜜般若波羅蜜勝於一切諸波
羅蜜四者軟語攝法勝於諸攝五者
如來勝於一切眾生六者悲心勝於
一切無量心七者所修四禪勝一切
禪八者空三昧勝一切三昧九者滅
盡定勝一切滅定十者淨方便勝一
切方便是為十法有四事唯佛菩薩
獨能流布非餘沙門婆羅門天魔梵
等所能流布若從佛聞則能流布一
者法流布二者實流布三者方便流
布四者乘流布法流布者次第演說
十二部經實流布者有一種謂不妄
語復有二種謂世諦第一義諦復有
三種相實口實行實復有四種謂苦
集滅道復有五種一者因實二者果
實三者智實四者知境界實五者無
上實復有六種一者實實二者虛妄
實三者智實四者遠離實五者證實

六者修實復有七種一者愛實二者
苦實三者解脫實四者法實五者解
實六者聖實七者非聖實復有八種
一者行苦實二者苦苦實三者生苦
實四者滅實五者煩惱實六者解脫
實七者善行實八者善果實復有九
種一者无常實二者苦實三者不淨
實四者空實五者无我實六者有愛
實七者斷愛實八者斷二愛方便實
九者有餘涅槃實復有十種一者非
分強作苦實二者貧窮苦實三者四
大不調苦實四者愛別離苦實五者
怨憎會苦實六者業實七者果報實
八者煩惱實九者善思惟實十者正
見實是為十法名實流布方便流布
者如方便品說乘流布者所謂聲聞
乘辟支佛乘佛乘是名為四菩薩摩
訶薩觀一切方便有五無量一者眾
生界无量二者世界無量三者法界
無量四者調伏界无量五者調伏方
便無量眾生界者有六十一種住喜
地菩薩觀眾生界轉為无量世界無
量者有无量名故如此世界名為娑

菩薩摩訶薩經第七卷 第十五頌 總字號

菩薩摩訶薩經第七卷 第十五頌 總字號

菩薩摩訶薩經第七卷 第十五頌 總字號

婆是故梵天名娑婆主法无量者善不善無記轉為无量調伏無量者有一種謂調伏故復有二種具足煩惱不具煩惱復有三種上中下根復有四種婆羅門刹利毗舍首陀復有五種多貪多瞋多癡多慢多惡覺觀復有六種出家在家未熟已熟未得解脫已得解脫復有七種一者聞已便解二者以譬喻得解三者一句一句解四者一字一字解五者現在熟六者他世熟七者隨因緣熟復有八種所謂八衆

復有九種一名如來調伏二聲聞調伏三緣覺調伏四菩薩調伏五難調伏六易調伏七軟語調伏八呵嘖調伏九軟語呵責調伏復有十種一者地獄二者畜生三者餓鬼四者欲界人天五者中陰六者色七者非色八者想九者無想十者非想非非想是名十種是五十五種觀作无量衆生界調伏界有何老別衆生界者都不分別有性無性調伏界者分別有性調伏方便無量者如初品中說是故

菩薩五種無量攝取一切方便菩薩摩訶薩欲知真實當求四事一者推物二者推名三者推性四者推分別如是四事亦如前說諸佛菩薩為衆生說法有五事一者說時即悟四諦二者說時即得解脫三者說時即發阿耨多羅三藐三菩提心四者說時得菩薩摩訶薩五者衆生聞已受持讀誦書寫解說護持正法是名諸佛菩薩為衆生說法得大功德不可思議云何名大乘有七事大故名大乘一者法大法大者菩薩法藏於十二部經取大取上故名毗佛略二者心大心大者謂發阿耨多羅三藐三菩提心三者解大解大者解菩薩藏毗佛略經四者淨大淨大者菩薩發心已其心清淨乃至得阿耨多羅三藐三菩提五者莊嚴大莊嚴大者菩薩具足功德莊嚴智慧莊嚴得阿耨多羅三藐三菩提六者時大時大者菩薩摩訶薩為阿耨多羅三藐三菩提故三向僧祇劫修行苦行七者具足大具足大者菩薩具足三十二相八十

種好以自在嚴得阿耨多羅三藐三菩提法大心大解大淨大莊嚴大時大如是六大名之為因具足大者名之為果有八法能攝一切大乘一者演說菩薩法藏說菩薩法藏義說菩薩藏中諸佛菩薩不可思議思惟其義修集其義得具足義得修集果解其深義是名為八菩薩摩訶薩如是學者得阿耨多羅三藐三菩提菩薩修學菩薩菩提有十種一者性住二者入三者不淨心四者淨心五者不熟六者熟七者不定八者定九者一主得十者現身得住性學戒愛阿耨多羅三藐三菩提心是名為入入者未得淨地名為不淨得淨地已是名為淨淨者未入畢竟地時名為未熟入畢竟地名之為熟熟者未入定地名為不定已入定地名之為定熟有二種一者一生得阿耨多羅三藐三菩提二者現身得阿耨多羅三藐三菩提如是十種菩薩摩訶薩能受菩薩戒行菩薩戒是十種菩薩攝一切菩薩若能至心受持修行菩薩戒者是

名菩薩是名摩訶薩是名智者是名勇健是名天上仙是名佛子是名佛持是名大勝是名佛戒是名無畏是名大聖是名商主是名船師是名大名稱是名憐愍是名大功德是名自在是名法持是名不可思議是名能知十方無量世界如觀掌中阿摩勒果若有人言我是菩薩不受菩薩戒不能至心行菩薩戒然生信心當知是菩薩欲得阿耨多羅三藐三菩提若有人言我是菩薩不能至心受持菩薩戒心不生信是名名字菩薩久久乃得阿耨多羅三藐三菩提若有人言我是菩薩受持菩薩戒至心修行信菩薩戒是名入十種菩薩中不久定得阿耨多羅三藐三菩提若有人言我是菩薩受菩薩戒不能至心護持禁戒毀破所受心不生信是名菩薩拘陀羅不名名菩薩不名義菩薩如法住菩薩相品第一

真實菩薩有五種相菩薩具足五種相故名真實菩薩一者憐愍心二者柔軟語三者勇健四者不貪五者解

說深義如是五法有五種智一者性二者因緣三者功德果四者次第五者攝取憐愍性者有二種一者至心二者如法至心者施眾安隱是名為性如法者菩薩摩訶薩如已樂事以施眾是名如法柔軟性者先意語歡喜語遠惡語利益語是名柔軟性勇健性者心無所畏猛健果敢能破眾生畏懼之想是名健性不貪性者一切施一切清淨施已

無悔是名不貪性解說深義性者四无尋智是名解說深義性憐愍者看因緣一者受苦眾二者行惡眾三者放逸眾四者邪見眾五者樂煩惱眾生受苦眾生者常受苦惱乃至無有一念之樂是名受苦又有眾生雖不受苦造身口意十惡業道如十六惡律儀是名行惡眾復有眾生不行惡業不受苦惱貪者五欲耽樂嬉戲貪愛己身不修善法是名放逸復有眾生不受苦惱不行惡業亦不放逸為求解脫非因見因果見果是名邪見如外道等復有眾生

不受苦惱不行惡業亦不放逸亦不邪見具煩惱繫煩惱障故不修善法是名憐愍因緣以是因緣憐愍之心遂得增長柔軟因緣者有五種一者善先語二者善喜語三者善无畏語四者善淨語五者善教語此五因緣是名柔軟語如四攝品中說勇健因緣者有種種如上三十七明菩提品中說不貪者有五因緣一者不分別施二者慧施三者至心施四者伸施五者如法得財施是名不貪五因緣施甚深義者五因緣一者說修多羅甚深之義解說空義三世中陰退不退我所佛性菩薩性如來涅槃三乘色造色十

二因緣是名修多羅義二者能說毗尼義是犯是非犯是可悔是不可悔是輕是重是性重是遮重是名說毗尼甚深義三者說摩夷義佛舍時為眾故說名為犯為他故說輕作重說重作輕為令一人得懺悔故乃至大眾中得懺悔故是名說摩夷甚深義四者能自解說正義五者能知諸法名字憐愍功德果者菩薩慈心為諸眾生壞惡心故修集慈心能利眾

菩薩善戒經第七卷 第三張 維字号

菩薩善戒經第七卷 第三張

菩薩善戒經第七卷 第三張 維字号

生心無悔恨常修集故得見世樂是故如來說慈功果毒不能害刀不能傷眠无惡夢諸天擁護捨此身已得生初禪是名憐愍功德果柔軟語功德果者菩薩摩訶薩修柔軟語能破現在口四惡過是柔軟語自利利他能令眾生愛樂喜聞是名柔軟語功德果勇健功德果者菩薩現在能破懈怠受歡喜樂樂於寂靜護持禁戒心无悔恨自修忍辱教人行忍修諸苦行莊嚴菩提心無退轉是名勇健功德果不貪解說深義一一功德果如上所說次第者菩薩摩訶薩先修慈心為調眾生故次說軟語為破惡業故見諸眾生受惡業者心不怖畏生救護故名為勇健為調眾生故行息施次說不貪及以深義菩薩摩訶薩隨是五相攝六波羅蜜憐愍相者攝禪波羅蜜柔軟語者攝尸波羅蜜般若波羅蜜勇健相者攝毗梨耶波羅蜜蜜羸提波羅蜜般若波羅蜜不貪攝檀波羅蜜說其深義攝般若波羅蜜檀波羅蜜

如法住禪品第二

菩薩摩訶薩若在家若出家俱有四法有能修學即得阿耨多羅三藐三菩提行善業方便憐愍眾生善業方便者為波羅蜜故修善行專心行常行淨行善行者菩薩若有財物施乞者時不觀有恩不觀无恩不觀福田及非福田雖有人天沙門婆羅門不能沮壞菩薩施心是名善行專心行者菩薩施時有來乞者捨内外物一切施與心無貪恡是名專心施常行者菩薩施時有來乞者不觀時與非時隨得隨施是名常行淨行者菩薩施時有來乞者不以名譽故施非為天樂故施如施品中說是名淨行如施四事尸波羅蜜蜜羸提波羅蜜毗梨耶波羅蜜禪波羅蜜般若波羅蜜亦復如是云何菩薩善方便若有生心欲破佛法為調伏故行善方便欲令中人入佛法故行善方便雖入未熟為令熟故行善方便入已既熟令得解脫故行善方便菩薩為說世間醫方伎術諸論行善方便為欲至心受

菩薩戒堅持不犯故行善方便善願

菩薩戒堅持不犯故行善方便善願方便聲聞乘方便辟支佛乘方便大乘方便此中方便能作五事初四方便為利益眾生行世術方便為破邪論菩薩受持菩薩禁戒終不毀犯設犯隨懺善發願方便隨所欲事即能得之菩薩三乘方便隨根說法是故菩薩如是十種方便能作五事以五事故具足必定能得世間一切之事若現在若他世云何菩薩利益於他如四攝品中說云何菩薩善發願菩薩所作一切善業若過去未來現在不求餘果唯求无上菩提道果是名善發願如來若為出家在家說戒一切攝取如是四事若出家在家菩薩若過去未來現在受持菩薩戒悉得阿耨多羅三藐三菩提出家菩薩勝於在家何以故出家菩薩獲得一切菩薩禁戒在家菩薩不得菩薩一切禁戒出家菩薩能行寂靜清淨梵行在家菩薩不能修行寂靜梵行出家菩薩能行三十七品在家菩薩不能修行三十七品出家菩薩解脫一切

世間之事在家菩薩為世間事之所繫縛

菩薩善戒經第七卷 第五張 總字

菩薩善戒經卷第七

壽光縣方林院普照

菩薩善戒經卷第七

校勘記

- 一 底本，金藏廣勝寺本。
- 一 六三一頁中一行經名，二行譯者，**石**無。未分卷。
- 一 六三一頁中三行「菩薩地」，**資**、**磧**、**南**、**徑**、**清**無。
- 一 六三一頁中七行第三字「者」，**磧**作「諸」。
- 一 六三一頁下一行「修集」，**徑**、**清**作「修習」，下同。

一 六三二頁上五行第六字「誓」，**麗**作「發」。

一 六三二頁中七行第一二字「相」，**資**、**磧**、**南**、**徑**、**清**、**麗**作「想」。

一 六三二頁中一〇行首字「无」，**資**、**磧**、**南**、**徑**、**清**、**麗**作「無無」。

一 六三二頁中一九行末字「見」，**磧**作「是」。

一 六三二頁中二二行首字「不」，至第一二字「果」，**石**、**麗**作「知諸法性真實義中無因果故不可宣說」。

一 六三二頁下一行首字「法」，**資**、**磧**、**南**、**徑**、**清**作「法相」。

一 六三三頁中一行第一二字「刻」，**資**、**磧**、**南**作「剋」。

一 六三三頁中一〇行第四字「知」，**磧**、**南**作「如」。

一 六三三頁中一行「其後」，**磧**、**南**、**徑**、**清**作「菩薩」。

一 六三三頁中一五行第四字「破」，**資**、**磧**、**南**、**徑**、**清**作「彼」。

一 六三三頁中一九行第三字「佳」，

石作「甚」。

一 六三三頁下一三行第九字「名」，**資**、**磧**、**南**、**徑**、**清**、**麗**作「得名」。

一 六三四頁上四行第七字「名」，**資**、**磧**、**南**、**徑**、**清**作「故」。

一 六三四頁中二行第六字「提」，**資**、**磧**、**南**、**徑**、**清**作「薩」。

一 六三四頁中二行第八字「志」，**磧**、**南**、**徑**、**清**作「至」。

一 六三四頁中三行「興出」，**石**作「出世」。

一 六三四頁中一行第一三字「者」，**資**、**磧**、**南**、**徑**、**清**無。

一 六三五頁上一三行第一一字「牙」，**磧**、**南**、**徑**、**清**作「芽」。

一 六三五頁上一四行第七字「說」，**麗**作「記」。

一 六三五頁上一六行「憐愍」，**資**、**磧**、**南**、**徑**、**清**作「愍憐」。

一 六三五頁下九行第四字「斷」，**磧**、**南**、**徑**、**清**作「窮」。

一 六三五頁下一七行第五字「乘」，

一 六三五頁下二一行第六字「界」，
[南、徑、清]作「乘菩薩乘」。

一 六三六頁上一三行第六字「名」，
[石]無。

一 六三六頁上一五行第一二字「呵」，
[石]無。

一 六三六頁上一五行第一三字「噴」，
[資、磧、南、徑、清]作「責」，下同。

一 六三六頁上二二行第五、六字「无
性」，[石、資、磧、南、徑、清]無。

一 六三六頁上二二行末字「性」，[石
作「性無性」。

一 六三六頁下五行第一〇字「法」，
[資、磧、南、徑、清、麗]無。

一 六三六頁下七行末字「甚」，[資、
磧、南、徑、清]作「其」。

一 六三六頁下一三行「住性學戒愛」，
[石、麗]作「定性淨心學諸法是名為
住發」。

一 六三七頁上二行第五字「无」，[資、
磧、南、徑、清]無。

一 六三七頁上二行第一九行末字「薩」，至
此[石]換卷，為卷第八。

一 六三七頁上一九行第二字「梅」，
[磧、徑、清]作「旃」。

一 六三七頁上一九行末字「薩」，至
此[石]換卷，為卷第八。

一 六三七頁上一〇行「第一」，[南、
徑、清]作「第二十一」。

一 六三七頁中一〇行「一切清淨」，
[資、磧、南、徑、清、麗]作「一切施一
切施清淨」。

一 六三七頁中一二行「五有」，[石、
麗]作「有五」；[資、磧、南、徑、清]作
「五」。

一 六三七頁下七行第二字「名」，[資、
磧、南、徑、清]無。

一 六三七頁下七行第一二字「勇」，
至八行第一一字「說」共十九字，
[資、磧、南、徑、清]無。

一 六三七頁下九行第八字「慧」，[麗
作「喜」。

一 六三七頁下一〇行第一四字「施」，
[石]作「施當應分別如施品」；[麗]作
「如施品說」。

一 六三八頁上一行第一一字「見」，
[磧、南、徑、清]作「現」。

一 六三八頁上一四行第一三字「語」，
[資、磧、南、徑、清]無。

一 六三八頁上一四行第九字「軟」，
[磧]作「轉」。

一 六三八頁中一行「第二」，[南、徑、
清]作「第二十二」。

一 六三八頁下一行第七字「犯」，[資、
磧、南、徑、清]作「毀」。

一 六三八頁下三行第五字「中」，[麗
作「十」。

一 六三八頁下二一行「寂靜」，[磧、
南、徑、清]作「清淨」。



菩薩善戒經卷第八

宋刻寶藏藏本影印

如法住定心品第三

菩薩摩訶薩憐愍眾生有七種何等
 為七一者無畏二者真實三者不愁
 四者不求五者不愛六者廣大七者
 平等菩薩摩訶薩憐愍眾生无所畏
 故修三業善為破眾生諸惡業故是
 名無畏菩薩摩訶薩憐愍眾生非煩
 惱愛故非法住非毗尼住非妄語不
 教化於非處是名真實菩薩摩訶薩
 以憐愍故為諸眾生勤修苦行心無
 憂悔是名不愁一切眾生不求菩薩
 而諸菩薩自修慈心是名不求菩薩
 摩訶薩修憐愍時於諸眾生无有貪
 心無貪心者不求恩報及慈心果是
 名不愛菩薩修慈設有眾生打罵惱
 害終不捨於修慈之心是名廣大菩
 薩修慈不為一人普為無量无边眾
 生無量法界是名平等是為七法菩
 薩具足如是七法名為菩薩至心清
 淨心清淨者有十五種一者无上淨

二者如法淨三者波羅蜜淨四者真
 實義淨五者不可思議淨六者安隱
 淨七者樂淨八者不放淨九者堅固
 淨十者不誑淨十一者不淨淨十二者
 淨淨十三者善淨十四者調伏淨十
 五者性淨菩薩摩訶薩至心專念佛
 法僧寶是名無上淨菩薩受持菩薩
 戒已至心擁護不令毀犯是名如法
 淨菩薩摩訶薩至心具足五波羅蜜
 是名波羅蜜淨菩薩至心了知法界
 無我无我所為流布故名為士夫了
 了通達十二部經甚深之義甚深義
 者即第一義第一義者名真實義淨
 諸佛菩薩不可思議從初出世乃至
 涅槃是名不可思議淨菩薩至心修
 集悲心者普施一切眾生安樂是名
 安隱淨菩薩摩訶薩為苦眾生修集
 慈心令其得樂是名樂淨菩薩摩訶
 薩為諸眾生修集慈悲不求无食心
 无果心無恩報心亦不放眾生行諸
 惡行是名不放淨菩薩摩訶薩為阿
 耨多羅三藐三菩提其心堅固不可
 破壞是名堅固淨菩薩摩訶薩於无

菩薩戒經第六卷 第三分 然行字

菩薩戒經第六卷 第四分 維摩詰

菩薩戒經第六卷 第五分 維摩詰

量世至心修集菩提善行如是菩提
 及菩提道無有虛誑是名不誑淨菩
 薩摩訶薩未得解地是名不淨淨菩
 薩摩訶薩住於淨地乃至畢竟地是
 名淨淨菩薩摩訶薩住畢竟地修檀
 波羅蜜是名善淨菩薩摩訶薩為得
 淨地故調伏其心是名調伏淨菩薩
 摩訶薩住於淨地及畢竟地名為性
 淨性淨者不假修集然後清淨性本
 自尔身心淨故名為性淨菩薩具足
 是十五法能作十事菩薩因於無上
 淨故能供養三寶供養三寶即是在
 嚴一切菩提道之根本菩薩因於受
 持淨故即能受持菩薩禁戒乃至捨
 身壽命終不毀犯若失念犯者即時
 懺悔菩薩因於波羅蜜淨常能修集
 一切善法成不放逸菩薩因於真實
 義淨雖有煩惱為衆生故流轉生死
 終不忘失涅槃之心菩薩因不可思
 議淨令無量衆生於佛法中得大信
 心修集道果菩薩因安隱淨樂淨不
 放淨具足成就利益一切衆生之事
 心不愁悔菩薩因堅固淨勤修精進

破於懈怠成不放逸菩薩因不誑淨
 即得阿耨多羅三藐三菩提善法增
 長修行無厭菩薩因調伏淨性淨能
 以阿耨多羅三藐三菩提教於衆生
 能以安隱施於入天一切衆生菩薩
 性淨攝於三淨所謂不淨淨淨淨善
 淨過去未來現在諸佛及諸菩薩得
 阿耨多羅三藐三菩提已得當得今
 得無不由是十五淨得若有說言菩
 薩離是十五淨法得阿耨多羅三藐
 三菩提者無有是處

如法住生菩薩地品第四

菩薩摩訶薩性具足戒具足學菩薩
 戒具足菩薩相具足成就菩薩莊嚴
 具足十五淨心身口意業淨菩薩有
 十二行攝取一切菩薩所行十三如
 來行得阿耨多羅三藐三菩提已名
 無勝行何等名為菩薩十二行一者
 性行二者解行三者喜行四者戒行
 五者慧行慧行有三種一者共助菩
 提行二者共諦行三者共十二因緣
 行菩薩摩訶薩以如實見見如實法
 若不如實見流轉生死若如實見則

斷衆苦是故菩薩智慧有三種是名
 慧行六者行行七者無相行八者不
 漏行九者无行行十者無尋行十一
 者菩薩行十二者具足行是名十二
 行菩薩若行是十二行則能攝取一
 切諸行如來之行勝一切行是故名
 為無勝行性行者菩薩摩訶薩修集
 菩薩功德善法具足修集諸善法故
 常樂善法受持一切佛法種子自知
 已身有佛種子壞處煩惱是名性行
 菩薩具足是性行者終不能起極重
 煩惱作五逆罪及一闍提是名性行
 解行者菩薩摩訶薩發菩提心所修
 諸行是名解行性行菩薩行住時是菩薩行十
 二行及如來行因雖是諸行因亦未得異行何況
 如來亦未得因亦未得果亦未得淨若一行是名
 解行是名行如來行亦未得如來未淨如來行名
 為得解行淨解行以淨解行故得喜行淨喜行喜行
 淨故得戒行戒行淨故如是乃至十三行能得菩薩
 行具足菩薩行淨菩薩行已得如來行淨如來行喜
 者菩薩志心淨菩提心是名喜行戒
 行者菩薩先淨性重不毀遮重以戒
 淨故修集世禪是名慧行乘於世道

八四真諦修三十七品是名共助菩提行修助菩提實見四諦是名共諦行共十二因緣行者若觀四諦見一切苦從因緣生從因緣滅是名共十二因緣行行者為助菩提勤行精進是名行行無相行者雖不見衆生相及菩提相而修菩提不休不息是無相行不漏行者為助菩提堅持禁戒无有毀犯不休不息是名不漏行無行者得阿耨多羅三藐三菩提已為調伏衆生行不為菩提行是名无行行菩提行者修集無相行是名菩提行不分別法界行名菩提行无身行者修集無分別法界為无量衆生演說正法令修阿耨多羅三藐三菩提若一生若現身是名无上行行無上行次第得阿耨多羅三藐三菩提已作一切佛事是名如來行具足性行菩薩摩訶薩定得十二行具足解行菩薩摩訶薩斷漏盡相具足喜行菩薩摩訶薩不退轉如喜行乃至菩薩行亦如是菩薩摩訶薩行性行時不見一切諸法相貌乃至菩薩行亦復如是菩薩行

性行時不求善法及善法果乃至菩薩行亦復如是菩薩摩訶薩行性行時得大智力乃至菩薩行亦復如是菩薩摩訶薩行性行時斷五怖畏一者不活畏二者惡名畏三者死畏四者惡道畏五者大衆畏時猶有身口意惡業時時生貪念於五欲於已有物時時慳惜時時隨他不自決定或時不能觀佛法僧寶與不實諸佛菩薩不可思議不求因不求果不求多不取於得得不生憂喜行非方便行不行方便行以有聞慧時時志失具足苦行智念阿耨多羅三藐三菩提不勤精進不得甚深信解之心見色聲香味觸時心生顛倒捨身他世忘失正念或時得慧或時失慧不能善知隨宜方便調伏衆生或說法時不能善解文字句義聞者或受或有不受如閻射人或中不中發菩提心或退不退或毀菩薩所受禁戒或欲自樂不為衆生或觀菩薩所有果報及福德果聞深法時或時驚怖或時歡喜或時深信或時生疑不能修集慈悲之心少施他樂生大歡喜知足之心無菩薩

相無菩薩莊嚴自見其身去无上道遠不能至心念大沮脛不識助菩提法名如是等相名性行菩薩解行菩薩有三種忍謂下中上得下忍時如是等相上得中忍時如是等相中得上忍時如是等相下得善行時斷如是相一向是善具足如是善法故是名淨心解行菩薩雖有如是三忍心不清淨何以故行三忍時有下中上不清淨故住喜行時悲斷諸惡是故清淨又住喜行時發阿耨多羅三藐三菩提心隨順他語又自思惟以是二緣其心堅固是名淨願離於世法得出世界破衆生苦勝於聲聞緣覺發願菩薩摩訶薩一念之願能得無量无边福德如是願者無動无盡不退不轉增長熾盛畢竟能得阿耨多羅三藐三菩提是名真願真願菩薩有四事一者誰發道心二者因何發心三者發心是何等性四者發心有何功德發心之時有是四觀誰發道心者成就解行具善功德善行菩提道如是衆生發菩提心因何發心者具

菩薩善戒經卷第九 第九

菩薩善戒經卷第九 第九

菩薩善戒經卷第九 第九

足莊嚴菩提之道利益衆生修阿耨多羅三藐三菩提無量之行具足成就一切佛法一切佛行是名因緣以是因緣發菩提心一切發心莊嚴菩提一切修行菩提之事隨一切智及一切佛事遠離凡夫菩薩名字離凡夫地入定地生佛種性得名佛子定得阿耨多羅三藐三菩提得大善心遠離貪心妬心瞋心為他演說菩提之道具足莊嚴一切佛法佛事佛行獲得喜心受寂靜樂遠離煩惱身受安樂成就具足清淨善法近阿耨多羅三藐三菩提至心淨心為向善菩薩離一切怖得大喜心深發菩提心遠離五恐怖修集無我相了知无我無我所以觀无我無我所故不貪於身是故得離不活怖畏不求他物乃至一錢常作是願云何當令是諸衆生得大利益是故得離惡名怖畏遠離我見離我見故不見有我是故得離死畏至心了知我捨身已常與諸佛菩薩共行是故得離惡道怖畏我今至心求出世法是故得離大衆怖

畏菩薩遠離如是畏已亦得遠離聞深義畏離一切煩惱害惡心離世喜心得清淨心得不壞心得廣大心得不共心得如是等心故懃行精進至心念阿耨多羅三藐三菩提故以至心信故精懃修集助菩提法是名喜行以住喜行得清淨心清淨故志心常念供養如來常念護法念增長法志心專念調伏衆生住佛世界親近諸佛志心聽法淨佛國土常念親近共佛菩薩善知識行為利衆生得阿耨多羅三藐三菩提而作佛事未得阿耨多羅三藐三菩提時常作是願是名大願如是等無量百千願名為善願作是願已於現在世懃修精進為淨喜行故修集十法信一切佛法故因十二因緣衆生受苦為苦衆生得解脫故修集悲心為施衆生安樂之事修集慈心為破衆生苦惱事故不惜身命不惜身命故捨內外物為利衆生受苦不悔心不悔故能知一切世典方術知世典故能知衆生下中上異隨下中上具足慚愧修如是事其心

不退得勇健力受他財物能以供養佛法僧寶是名十法十法者一者信二者悲三者慈四者施五者不愁六者了知世典七者隨順世間八者慚九者愧十者健菩薩摩訶薩修是十法為持戒故行於九法觀察道果功德過患知已則能修集於道志心受持過一切行得阿耨多羅三藐三菩提能度衆生於生死海能教衆生行諸善行菩薩爾時住喜行時見无量佛如菩薩藏所說見聞復知十方無量世界有無量名有無量佛知已志心求見能見是名善願又復作願願我常生諸佛世界隨願往生是名善願以得往生諸佛世界隨力供養佛法僧寶聽法受持如法而住所修善法一切迴向阿耨多羅三藐三菩提以四攝法攝取衆生是故善法增長熾盛供養三寶攝取衆生於无量劫淨於身心如數鍊金其色倍明菩薩之心亦復如是其心淨故善法則淨菩薩摩訶薩受人身時作轉輪王王四天下隨意自在遠離慳貪亦破衆

生所有慳貪以四攝法攝取眾生所作善法若多若少悉以迴向阿耨多羅三藐三菩提願令眾生一切悉得無上道利令時菩薩以勤精進捨家為道於一念中能具百種三昧一念中見百世界佛亦知百佛所行之處亦能振動百佛世界其身能過百佛世界光明遍滿百佛世界神通能變一身為百化百眾生了知去來各百劫事入百法門陰入界門各知百數能示百人以為眷屬悉得神通菩薩摩訶薩住喜行時能作如是神通等事以願力故是故菩薩發願不可思議喜行菩薩有六發心一者發於善願勤精進故二者行淨故三者為得異行故四者淨善根故五者為善有故六者不可思議故喜行者如十住中歡喜地說利他故名地自利故名行戒行菩薩有何等相喜行菩薩所有功德戒行菩薩悉以具足有十淨心一者心淨盡敬奉事諸師和上耆舊宿德不生欺誑二者心淨見同法菩薩先意軟語三者心淨勝於一切煩

惱魔業四者心淨見一切行多諸過各五者心淨見涅槃功德六者心淨修集一切助菩提法七者心淨為助菩提修集寂靜八者心淨不為世法之所染汙九者心淨離聲聞乘樂念大乘十者心淨常念利益一切眾生是名十種淨心以具如是十淨心故名戒地行戒地行時具足性戒共邪業戒不受不念不生歡喜輕戒不毀况中上戒具十善法知善不善善業惡業善有惡有是乘非乘若因若果悉了了知了了知故自行十善復教眾生令行十善若諸眾生惡業因緣受於苦行心生憐愍修集大悲為破眾生所受苦故戒行菩薩身寂靜心寂靜身心寂靜如真金得迦私婆藥入火則淨菩薩善心所修善法亦復如是菩薩摩訶薩住戒行時若生世間作轉輪王王四天下能轉眾生毀戒惡業安置眾生善法戒中餘如初說亦如十住離垢地說遠離一切毀戒垢故名離垢地教菩薩戒故名曰戒行淨地戒行義無差別慧行菩薩

有何等相慧行菩薩得十淨心作如是觀我十淨心不退不轉我於一切有漏之法心不甘樂我於漏法樂喜修集對治法門於是對治不退不轉一切有漏煩惱魔業悉不見勝以修集故不生捨心我甚甘樂佛菩薩行為佛菩提修諸苦行不生厭悔我今志心專念大乘常欲利益一切眾生慧行菩薩觀一切行有無量苦行作是觀已不染諸行觀佛功德及以智慧無量福行志心念佛所有功德得大信心為破眾生苦惱事故修集悲心善思方便為令眾生得解脫故為解脫故觀於對治得對治故觀善三昧樂聞菩薩法藏經典既得聞已勤修精進為聽法故不惜身命內外財物供養父母和上師長者舊有德為諸眾生多受眾苦若得受聞菩薩法藏一字一句一偈一義其心歡喜勝得三千大千世界滿中亦寶勝得釋身魔梵天身轉輪王身若聞說言我有一字一句一偈一義是佛所說若能受苦投大火坑乃當與汝菩薩聞已歡

菩薩戒經卷第十七

菩薩戒經卷第十七

菩薩戒經卷第十七

喜樂受即作是言假使三千大千世界滿中猛火於無量劫尚以身處况於小火菩薩亦時勤精進故作是思惟若得真義則能利益無上佛法非以字句能利益也為解真義故修世四禪四无色定四無量心及五神通以修定故願生欲界修助菩提利益眾生雖生欲界無欲界結先斷貪欲瞋恚愚癡猶如真金數被鍊冶終無損減修淨善根故得帝釋勝身為樂欲者壞貪欲故今得思惟諸善法故為令眾生真實能知行界眾生界故為苦眾生令得解脫知善方便故為供養父母和上師長福德人故為令眾生如法住故為得禪定善三昧神通故如十住明地中說如十住明地慧行亦亦無有老別助菩提行菩薩有何等相慧行菩薩有十法如先說住如是法心不可壞修集智慧能為眾生演說正法為令調熟已得熟者為說解脫生佛種性修三十七品及善方便故遠離我見及以斷見斷諸煩惱得忍心軟心善心淨无量行心

知思念恩具足無量清淨善法勤加精進修作上地一切善業了知法界及眾生界一切惡人魔及眷屬不能移轉沮壞其心餘如上說猶如工匠作金瓔珞為令眾生受歡喜樂菩薩善法亦復如是不為聲聞辟支佛等之所傾動生夜摩天破諸眾生所有我見是名菩薩助菩提行為欲修集利智慧故修集三十七品破一切見一切漏故遮一業故增長善法故令地清淨故菩薩修集助菩提行如十住中突地所說助菩提行亦復如是等無老別自利名地利他名行諦行菩薩先得十清淨法以大淨故名共諦行諦行菩薩見無量世界无量諸佛觀四真諦有十行若說苦何故說何因緣說云何說誰所說如是等能真實知集滅道亦如是作是觀時知諦方便觀一切苦一切諦過患功德為諸眾生增長悲心知諸眾生去來世業了知世諦知受邪法為邪法者說於解脫知莊嚴事具足念心具足慧心種種方便以調眾生解了一切

世間方術為化眾生破種種苦為得阿耨多羅三藐三菩提故能施眾生所須之物能破眾生貧窮困苦知處非處破邪祠祀不受倒解菩薩藏義說真實道餘如上說辟如真金眾寶廁填價直無量菩薩摩訶薩亦復如是所有善法勝於聲聞辟支佛等下地菩薩慧行菩薩如日月光無能毀翳毗嵐大風不能移動菩薩摩訶薩所有智慧亦復如是一切聲聞辟支佛等所不能動不為世法之所破壞捨身往生兜術天上得大自在破壞邪法成就無量億數福德具足如是菩薩智慧為淨眾生故為知真諦方便說故為觀生死有大苦故為欲增長大悲心故為欲具足功德智慧二莊嚴故為發善願故為令念心施心慧心轉增長故為欲思惟諸善法故為欲調伏行眾生故為教世法出世法方便故為淨善根故餘如上說如十住中難勝地說諦行亦亦無有老別共十二因緣行菩薩如先說菩薩摩訶薩住共十二因緣行時觀一切

法第一義相第一義相者即諸法无相一切諸法不可說故名之無相无相者無生滅相是故諸法无生無滅无生無滅故見無生平等無始終平等有无平等無取无捨平等如幻平等無性平等无有無无平等菩薩住是諸平等已增長大悲至心專念菩提之法了知世間出滅之慶知十二因緣知從緣生法知從十二因緣出生三解脫門所謂空無相願修集三解脫門故永斷我我所相作相受相是名第一義為眾生故真實思惟煩惱和合因緣不牢因緣不牢有為危脆是故無我无我所成就具足無量眾苦我能壞散有為之法雖能壞散不應求滅我護有為為眾生故非是觀時即得無身慧行以知无身智慧行故於一切世中行无身導以得无身智慧行故是名攝取第七地忍修助菩提共有為行不樂永滅有為之法雖不永滅亦不染著菩薩亦時修是方便即得万空三昧門如万空門無相无願亦復如是以修三万三昧

門故一切邪見外道聲聞緣覺諸魔眷屬不能移轉傾動沮壞餘如上說猶如帝釋轉輪聖王而著金冠雜寶廁填諸天世人之所樂見菩薩智慧亦復如是亦為諸佛及諸菩薩之所樂見如日光諸明中勝菩薩智慧亦復如是菩薩摩訶薩住十二因緣行為令眾生見法平等為知十二因緣得解脫故得三解脫門故破壞一切諸邪相故方便教化轉生死故得无身智慧故得无身智慧行故得無量三昧門故不破不動故增長善法故清淨諸有故餘如十住現前地說十住中說十住中說此之所說等無老別行行菩薩有何等相菩薩得助菩提行時具足能得無量三昧有共世間不共世間以具足故入第七行菩薩亦時於世法中得大自在志心念慈功德莊嚴菩提莊嚴悉得增長菩薩所得助菩提法不與聲聞辟支佛共知法界眾生界世界界之佛身心亦時具足如是功德知佛境界无相無業无有覺知見無量佛土若行若住若坐

若卧於一切行不失道心菩薩亦時一念中增長一切十皮羅蜜具足成就助菩提法菩薩住喜行時發願因緣住第二行遠離一切毀戒因緣住第三行善願增長得法光明住第四行離一切障道因緣住第五行離世學障住第六行得入深義令此七法增長趣向一切佛法具足增長助菩提法是故菩薩次第當得第八淨行畢竟淨故名淨行七行雜故不名淨行住此行時斷諸煩惱亦不與俱又不名離煩惱不起不得名俱未得佛故不得名離三業清淨了知一切世術方便能為三千大千世界人天之師惟除八地三千大千世界眾生心无與等亦除八地自在入出无量法門永離聲聞辟支佛道是名清淨身口意業亦修集道无有厭足能得阿耨多羅三藐三菩提為眾生故護有為法離身口意一切相貌得深法忍不生不滅行六行時入滅盡定今此行中雖念念滅不取涅槃是名不可思議雖共一切眾生行菩提行不

法華經疏 卷第六 第三十

法華經疏 卷第六 第三十

法華經疏 卷第六 第三十

為世法之所染汙餘如上說修三解脫調伏衆生不令住於聲聞緣覺調伏衆生離五欲樂斷諸邪見修集是時善法增長無能破壞動轉其心譬如真金廁填衆寶價直无量菩薩功德亦復如是無量無邊不可稱計又如日光一切衆生不能思議菩薩慧光亦復如是菩薩摩訶薩修集此行多令衆生得無量億諸三昧故破壞一切取相心故得善方便修集道故見佛世界得解脫故能入甚深諸法門故具足得助菩提法故永斷淨法不淨法故具足莊嚴菩提道故淨心業故了知一切世方術故得无量法門及諸三昧不與聲聞緣覺共故餘如十住遠行地說遠行地行義無差別无相行菩薩有何等相菩薩摩訶薩住初行時得十行法如諸法義及知三世不出不滅過去不出未來不滅現在無相无因緣故不出不滅是故第一義相不可宣說不可說法可說流布雖可流布實無有性性无相故无因無果然不可說性不可說无

何以故以可說故若可說性是有相者是名邪相若是有物不可說者是則無有初中後異以是故一切時中煩惱不行入正法界無有思惟心得平等離疑網故具足如是十種智已入第八行菩薩摩訶薩住此行時即得寂靜無生法忍復有四求求一切法有四真智知一切法以求知故能斷一切諸邪業等斷邪業故見諸煩惱更不復生何以故過去故又見一切煩惱不滅何以故無生因故現在不起諸結煩惱不集因故四求如真實品說四真實智如解行中說此行名為寂靜法忍是故菩薩得无生忍得無生忍故得甚深菩薩行住深行時行无相行若有過患及微細相今悉遠離是故此行名為寂靜住深行已樂住公流無量諸佛勸發慰喻以勸發故起入法門得法門故得十心自在如上所說得自在故欲久近任隨意即能欲入何定隨意即入欲行何行隨意修行於一念中隨所須物即能得之若欲了知世間方便即能

了知欲生諸有隨意往生欲示神足隨意能現欲立誓願隨意能得欲作解觀隨意成就欲知法界即能知之欲知文字知辭知自知法處非法處即能知之是名自在八行功德於念中常見諸佛餘如上說金踰日喻亦復如是菩薩摩訶薩住此行時為破衆生所著相故為真實見第一義故得真實慧故得寂靜无生忍故知甚深行故住法流故入佛法門故入不可思議法門故於佛法中心不可壞不傾動故得無量神足故得十種自在故得十自在功德故寂靜善根故於一切有自在往生故餘法如十住中不動地說不動地此行无有差別四無導行菩薩有何等相菩薩摩訶薩行甚深行無有厭足修无上慧具足一切法為衆生說了知法界法界者所謂煩惱垢淨誰垢誰淨了而知說如是等法名大法師名曰成就無量陀羅尼知方便說辭義无盡受法持法隨衆生念而為說之非時不說隨樂而說是名菩薩四無導智

行餘功德如先說菩薩摩訶薩住於此行為諸衆生入寂靜故為諸衆生知法界故為諸衆生不可思議大法師故為增長善法故廣說如十住中善惠地所說為施衆生安隱樂故菩薩摩訶薩住無尋行中與善地義等无老別住菩薩行菩薩有何等相菩薩摩訶薩淨無尋行欲為法王入淨三昧故欲具一切智最後所得三昧法門與諸佛共同佛一坐行一切行知一切法知解脫方便知佛行處知無量解脫施羅尼門知大憶念知大神通善根寂靜知淨諸有餘如十住法雲地說具足菩薩莊嚴菩提道菩薩行法雲地與諸佛共得菩提已施於衆生无量法雨如是法雨能淹一切煩惱塵埃生法種芽善芽增長成熟善根是故此地名為法雲以是義故名菩薩行若說後地功德先地所无修一一行要經無量那由他劫乃得具足三阿僧祇大劫得一切行初阿僧祇大劫得解行過解行已第二大阿僧祇劫得喜行得喜行時亦行无

相行過無相行已第三阿僧祇大劫得无行無相行是名菩薩得決定行過無行无相行得無尋智行過无尋智行得菩薩行阿僧祇有二種一者大劫不可數名阿僧祇二者中劫不可數名阿僧祇菩薩修行即是大劫阿僧祇也若有菩薩勤精進者能轉無量中劫不能轉大劫菩薩摩訶薩修集如是行能壞煩惱障及智慧障無相行時斷一切煩惱相後行時永斷習氣是名如來行智障有三一者皮二者膚三者骨得喜行時已斷皮障得無相行能斷膚障得如來行能斷骨障具足如是等行得十三淨初行得性淨第二行得解淨第三行得心淨第四行得戒淨第五行得願淨第六第七第八行得智莊嚴淨第九行具菩提莊嚴淨第十行真實智淨第十一無尋智淨第十二一切智淨第十三習氣淨第一第二行闍菩薩藏便得信心第三行至心立願修集餘行第四第五第六行了知法相第七乃至第十三寂靜一切行因果畢

竟行聲聞亦有十二種行有聲聞性足名初行若得世間第一法名第二行得苦法忍名第三行得四信心戒得清淨名第四行若如戒住法得增長名第五行若觀四謗名第六第七第八行修集無相三昧名第九行具足成就三三昧故名第十行獲得解脫名十一行阿羅漢果名十二行如法住畢竟生品第一菩薩生有五種一切一切行一切菩薩淨為令衆生安隱樂故一者為離苦有二者隨心行有三者勝有四者自在有五者菩薩後有遠離苦有者菩薩若見衆生飢渴苦惱遭荒穀貴余時菩薩以願力故受大魚身无量由旬以施衆生衆生食已飢渴得除以願力故身轉增大若有惡世一切衆生四百四病同時發作菩薩余時以大願力作大醫王能令衆生遠離病苦若有惡世兵甲竟起衆生恐怖地主諍國不知厭足菩薩余時為大法王有大力勢以善方便和合二敵以軟語故壞其惡心不打不罰不開

菩薩善戒經卷第八 第三十 緣字等

不繫不斷其命劫其財寶等視衆生猶如一子憐愍衆生若有邪見為供養天造作邪業菩薩為破如是邪見示受鬼身現夢教言汝今不應煞羊祠祀是故菩薩為破衆生諸苦惱故示受諸有是名離苦有隨心行有者菩薩摩訶薩以願力故示受畜生種種諸身為破畜生諸惡業故作惡鬼身作惡人身又作邪見婆羅門身或復示作貪五欲身先隨其心示受諸有為令衆生離惡業故雖受有身不作惡業若彼作時自終不造衆生見已亦效不作以善方便破壞衆生所有惡業是名隨心行有勝有者菩薩生時勝諸衆生若姓若色若命若果報果報如自利利他品說是名勝有自在有者修初喜行至十二行菩薩亦時所示受身名為自在自在者即是願力從性地乃至十二行受轉輪王身自在天身乃至阿迦尼吒天身及過阿迦尼吒一切諸有於諸有中得無上身以願力業力故是名自在有菩薩後有者菩薩最後身名菩薩

菩薩善戒經卷第八 第三十 緣字等

有具足成就莊嚴菩提若生婆羅門種若生刹利種得阿耨多羅三藐三菩提作一切佛事是名菩薩後有過去菩薩摩訶薩亦受如是五有現在未來諸菩薩等亦復如是因是五有得阿耨多羅三藐三菩提果若有菩薩修行示受是五有者即得阿耨多羅三藐三菩提

菩薩善戒經卷第八

菩薩善戒經卷第八

校勘記

- 一 底本，金藏廣勝寺本。
- 一 六四一頁中一行經名，二行譯者，**石**無。未換卷。
- 一 六四一頁中三行第八字「三」，**南**、**徑**、**清**作「二十三」。
- 一 六四一頁下一五行末字，一六行首字「修集」，**磧**、**南**、**徑**、**清**作「修習」，下同。
- 一 六四一頁下一九行第一三字「食」，**資**、**磧**、**南**、**徑**、**清**作「貪」。
- 一 六四二頁上一六行末字「集」，**磧**、**南**作「智」；**徑**、**清**作「習」。
- 一 六四二頁中一二行第六字「薩」，**麗**作「提」。
- 一 六四二頁中一二行末字「四」，**南**、**徑**、**清**作「二十四」。
- 一 六四二頁中一六行第一三字「三」，**資**、**磧**、**南**、**徑**、**清**作「二」。
- 一 六四二頁下一一行「極重」，**資**、

- 一 六四二頁下一四行「性行」，至二〇行第六、七字「行淨」，**資、磧、南、****徑、清**作「一種」。
- 一 六四二頁下一九行第一五字「三」，**石**作「二」。
- 一 六四二頁下二一行「志心」，**磧、****徑、清**作「至心」，下同。
- 一 六四三頁上七行末字「是」，**麗**作「是名」。
- 一 六四三頁上一七行第一六字「已」至一八行第四字「是」，**資、磧、南、****徑、清**無。
- 一 六四三頁中二行首字「薩」，**資、****磧、南**作「提」。
- 一 六四三頁中七行第一四字「已」，**資、磧、南、****徑、清**無。

- 一 六四三頁中九行第八字「實」，**資、****磧、南、****徑、清**作「寶」。
- 一 六四三頁中一〇行第六、七字「不求」至一一行一四、一五字「便行」，共三十字，**資、磧、南、****徑、清**作「因果得方便行不行」。
- 一 六四三頁中一二行第四字「志」，**資、磧、南、****徑、清、麗**作「忘」。
- 一 六四三頁中一二行「苦行」，**麗**作「不利」。
- 一 六四三頁下五行第四字「上」，**磧、****南、****徑、清**作「下」。
- 一 六四三頁下六行第八字「下」，**磧、****南、****徑、清**作「上」。
- 一 六四三頁下六行第一〇字「善」，**麗**作「喜」。
- 一 六四三頁下一四行第四字「界」，**麗**作「果」。
- 一 六四四頁上九行第六字「妬」，**資、****磧、南、****徑、清**作「垢」。
- 一 六四四頁上一一行第六字「受」，**資、磧、南、****徑、清**作「愛」。

- 一 六四四頁中七行「心清淨」，**資、****磧、南、****徑、清**無。
- 一 六四四頁中一六行末字「因」，**資、****磧、南、****徑、清**作「無」。
- 一 六四五頁中一六行第七字「如」，**麗**作「猶如」。
- 一 六四五頁下一〇行第四字「染」，**磧、南、****徑、清**作「深」。
- 一 六四六頁中一行「具足」，**資、磧、****南、****徑、清**作「恩具」。
- 一 六四六頁中一〇行第六字「一」，**麗**作「一切」。
- 一 六四六頁中一二行第三字「炎」，**磧、****徑、清**作「焰」。
- 一 六四六頁中一二行末字「是」，**石**作「是何以故焰地即是智慧智慧即是助菩提行」。
- 一 六四六頁下一二行第六字「術」，**磧、南、****清**作「率」。
- 一 六四六頁下二一行第三字「中」，**磧、南、****徑、清**作「衆」。
- 一 六四七頁上一六行第三字「求」，

石、麗作「永」。

一 六四七頁中一三行及一四行「十住中說十住中說」，石無；資、磧、徑、清、麗作「十住中說」。

一 六四七頁下二行首字「一」，麗作「一一」。

一 六四七頁下一九行末字「護」，麗作「說」。

一 六四八頁上四行「法增長無」，磧、南、徑、清作「增長無法」。

一 六四八頁上九行首字「多」，麗作「爲」。

一 六四八頁上一八行第一〇字「如」，麗作「知」。

一 六四八頁下四行第八字「自」，石、資、磧、南、徑、清、麗作「句」。

一 六四八頁下六行第一二字「踰」，資、磧、南、徑、清作「喻」。

一 六四八頁下一三行第五字「十」，石、麗作「十種」。

一 六四九頁上五行第二字「惠」，麗作「慧」；資、磧、南、徑、清無。

一 六四九頁上一七行第九字「善」，磧作「苦」。

一 六四九頁中一二行第七字，一四行第二字「骨」，資、磧、南、徑、清作「實」。

一 六四九頁中一四行第一二字「三」，石、資、磧、南、徑、清、麗作「一」。

一 六四九頁中一八行第一一字「真」，石作「具」。

一 六四九頁下九行第六字「生」，資、磧、南、徑、清作「地生」。

一 六四九頁下九行第九字「一」，徑、清作「二十五」。

一 六五〇頁上八行第五字「破」，清作「彼」。



菩薩善戒經卷第九

宋約實藏求那跋摩譯

如法住菩薩畢竟地攝取品第二

菩薩摩訶薩修一切行時有六事善攝衆生一者至心攝取二者增益攝取三者取攝取四者究竟攝取五者不畢竟攝取六者後攝取菩薩摩訶薩初發心時攝取衆生如父母兄弟妻子眷屬至心繫念方便攝取云可能施衆生安樂作是願時隨力施與是名菩薩至心攝取菩薩摩訶薩雖於父母兄弟妻子眷屬中勝心无憍慢倍增供養若為國王於諸眷屬亦復如是增益者破壞惡法教以善法隨時禮拜讚歎供養施以衣食所須之物知恩報恩瞻病授藥於諸僕使不作賤想如兄弟想若見有罪堪忍含受言常柔軟無有麤獷若為國主於諸眷屬不加苦痛不斷其命遠離刑罰正法治國隨本種姓所有分界於他國土不生貪奪任力養民作一子想所有之物與眷屬共所言誠實

柔軟不麤離於慳貪是名菩薩增益攝取菩薩摩訶薩攝取諸衆生有二因緣一者財施二者法施以財施故破於貧窮以法施故破於邪見於諸衆生其心平等不作法慳不作師相憍慢之想不求恩報不求供養若有求福來供養者亦不遮止為令福德莊嚴增長故若有修集善法持戒精進之者瞻視供養親為執使不解義者為解說義已解義者說令增長若有疑網為說深義能令除斷苦樂同彼心無增減有犯罪者以善方便教令懺悔有時呵責有時讚歎見病苦者瞻視不捨善以方便為除所患者有衆生下色下進下念下智心不輕慢隨時為說正心因緣見愁苦者說法慰諭善自思惟不信他語无能動者若得所施與衆同等修集悲心具足成就或見正命先意問訊遠離惡心常修善法終不放逸遠離懈怠常作是願云何當令我之福德等與一切菩薩摩訶薩非一切時行取攝取有利之時亦乃攝取是名菩薩取攝

菩薩善戒經卷第九 第二

菩薩戒經卷第九 第三派 雜

菩薩戒經卷第九 第四派

菩薩戒經卷第九 第五派 雜

取若諸衆生諸根闇鈍善根難熟則久遠攝取何以故究竟當有清淨心故若中根中熟則不久遠何以故以不久遠得淨心故若有利根易熟上熟易淨易調是名菩薩後有攝取是名菩薩六攝取正法攝取菩薩摩訶薩以此六攝攝取三世一切衆生過去未來現在菩薩攝取衆生悉皆不離如是六攝菩薩摩訶薩攝衆生時有十二難事菩薩摩訶薩知無我无我所無有衆生而為衆生修集苦行是名一難為調他故而行呵責亦自護戒不令毀傷是名二難所有物少乞者甚多是名三難菩薩一身繫屬多人趨走給使是名四難放逸諸天同彼受身而其内心初無放逸是名五難常為一切衆生作使自於禁戒無所毀失是名六難常與貪欲恚癡怪悞諂曲姦為惡人共住不隨彼行是名七難了知生死多諸過患而不捨之是名八難一切煩惱生死多過捨命之時心未清淨雖未清淨不失正念是名九難未得淨心能以已身

所受之物妻子眷屬而以施人是名十難衆生異心境界不同或時軟語或時行捨是名十一難終不放逸不斷煩惱名十二難菩薩摩訶薩於諸衆生不作輕重或時作輕或時作重或觀境界或作健心或時立願或不放逸或修智慧或修柔軟或行呵責或時行捨或勤精進或時解怠或作方便菩薩摩訶薩作如是學於十二難處心不憂悔既能自護又能利他如法住菩薩畢竟地品第三

菩薩摩訶薩修十二行有七地六是菩薩地餘一地聲聞菩薩共一者性地二者解地三者淨心地四者持地五者定地六者定行地七者畢竟地是名七地性行解行各為一地喜行名為淨心地戒行定行及慧行无相行合為持地無行无相行名為定地無尋智行名為定行地如來行名畢竟地畢竟地後當廣說菩薩從下地入淨心地時云何能斷三惡道菩薩修集世俗漏禪修漏禪已得世淨禪修淨禪已即得解地在嚴菩提修集一百

一十種悲以修悲故於衆生中即得悲心得悲心故樂三惡道如已舍宅菩薩自觀住三惡道在嚴菩提時為衆生故受大苦惱若我淨心有勢力者願令衆生所有苦惱悉集我身善立大願以善願力世淨禪故遠離身心煩惱習氣離習氣故轉四大身四大既轉因世淨禪故不到三惡是故菩薩斷三惡道若過解地已入於淨地餘功德如行品中十淨心說此十淨法有十對治不作心不發心不受菩薩戒不信心惡心不修集悲瞋心憂悔心不慈心放逸心所言虛癡貪惜身命不隨世間懶墮懈怠无慚無愧苦惱逼身疑網怯弱不能供養佛法僧寶如是等對治不淨是十淨中初三法者清淨其心後七法者淨於莊嚴菩薩摩訶薩信於菩提及菩提道信菩提道故見普衆生大慈心生慈心故即作是願願我救濟如是等苦以憐愍故捨身惠施无所貪惜為利衆生心無憂悔心不悔故知世方術知世方術故善知時節隨衆生

心以知時故名知世間以智力故客
煩惱來深生慚愧以慚愧故令彼煩
惱不得自在是名勇健以勇健故无
有放逸不放逸故修集善法集善法
故受菩薩戒受菩薩戒故供養三寶
供養三寶故其心清淨是名淨地
如法住菩薩畢竟地行品第四

菩薩摩訶薩住於解地乃至菩薩地
有四行一者波羅蜜行二者菩提行
三者神通行四者熟眾生行波羅蜜
行者六波羅蜜如先說方便波羅蜜
願波羅蜜力波羅蜜智波羅蜜是十
波羅蜜是名波羅蜜行善方便有十
二種如先說是名方便波羅蜜願有
五種如先說是名願波羅蜜十力莊
嚴淨是名力波羅蜜知一切法是處
非處名智波羅蜜知世諦故名智波
羅蜜知第一義諦名般若波羅蜜復
次無量智者名方便波羅蜜求勝勝智
名願波羅蜜不為四魔之所障故名
力波羅蜜能知諸法真實性故名智
波羅蜜四念處乃至八正道分四求
四真智如先說是名菩提行神通如

不可思議品說六通如先說是名神
通行二无量調伏無量方便无量如
先說是名熟行菩薩摩訶薩如是四
行攝一切行菩薩摩訶薩无量阿僧
祇究竟具足淨諸善法勝諸聲聞辟
支佛等畢竟攝取菩提道果畢竟能
得阿耨多羅三藐三菩提是故名十
波羅蜜若說次第則有三事一者對
法故二者生故三者得果故對於菩
法有六事一者慳貪二者惡業三者
恚心四者懈怠五者亂心六者愚癡
以是六法因緣故不得阿耨多羅三
藐三菩提為壞六法故說六波羅蜜
檀波羅蜜乃至般若波羅蜜六波羅
蜜則攝四波羅蜜是名對治生者菩
薩摩訶薩捨於一切世俗之物出家
學道是名檀波羅蜜既出家已受菩
薩戒是名尸羅波羅蜜以護戒故雖
有罵打默受不報是名羼提波羅蜜
戒既清淨勤修善法是名毗梨耶波
羅蜜以精進故五根調伏是名禪波
羅蜜五根既調知真法界是名般若
波羅蜜是名為生果報者菩薩現在

修施等善法若捨身已外得大財內
得五具足五具足者生人天中得壽
色力安樂辯才是名施果以施因緣
修集善法心無嫉妬忍眾罪過是名
具足第二果報以施因緣若作世事
及出世事心無厭悔是名第三果報
以施因緣其心柔軟无有錯亂是名
第四果報以施因緣了了能知此是
福田此非福田知是可施是不可施
善知方便求財取財是名第五果報
四波羅蜜攝六波羅蜜有三戒一者
隨戒戒二者隨心戒三者隨智戒菩
薩尸羅波羅蜜名為隨戒戒禪波羅蜜
名隨心戒般若波羅蜜名隨智戒離
是三戒无菩薩戒菩薩三戒攝一切
戒菩薩有四事能利眾生何等為四
一者為於菩提修集善法二者先以
真智知諸法義三者增長善法四者
熟眾生根如是四事菩薩能大利益
眾生若有說言離是四事能利眾生
者无有是處
如法住菩薩畢竟地三三相十種好品第五
十三如來行者名為畢竟佛地畢竟

菩薩戒經卷第九

菩薩戒經卷第九

菩薩戒經卷第九

佛地者有百四十不共之法所謂三十二相八十種好一切行淨十力四無所畏三念處三不護大悲常不忘失斷煩惱習一切智是名百四十不共法三十二相者一者足下平二者足下千輻輪三者指纖長四者足跟腩滿五者指網縷六者手足柔軟七者腩踣腸如伊尼延度王八者踝骨不現九者平住手摩膝十者蔽相如象馬王十一者身圓滿足如尼拘陀樹十二者身毛上靡十三者三毛孔右旋十四者身金色十五者常光面各一尋十六者皮膚細軟塵垢不著十七者七處滿十八者上身如師子十九者臂肘腩圓二十者缺骨平滿二十一者得身腩相二十二者口四十齒二十三齒密不踈二十四者齒色白二十五者頰車方如師子二十六者味中得上味二十七者肉髻相二十八者廣長舌二十九者梵音聲三十者目紺青色三十一者眼如牛王三十二者眉間白毫八十種好者二十指是名二十好手

足表裏八處平滿兩踝膝腓六處妙好手有三聚肩肘腕六處滿腰背中是名二好腕及二尻是名三好馬藏二腓是二腰臍兩脅兩掖兩乳是名為八腹背脊項是名六十上下牙齒上下脣齶兩頰兩鬚兩目兩眉及鼻二孔額上兩股兩耳頭圓足方髻八十八菩薩摩訶薩住淨地已以業力故雖得如是八十種好未大明淨道樹起時乃得明淨不明淨時謂菩薩地行莊嚴菩提有二種一近二遠遠者未得三十二相八十種好果報若得名近說三十二相八十種好為令眾生作善業故眾生造作種種惡業以惡業故得種種惡果是故如來說三十二相八十種好種種善業種種善果眾生聞已即得除破種種惡業菩薩至心修持淨戒故得足下平供養父母和上師長有德之人以是因緣得足下輪相於諸眾生不生害心無劫盜想若見父母和上師長有德之人遠出奉迎安施牀坐恭敬禮拜破除憍慢以是因緣得纖長指具上三行

得足跟腩滿以四攝法攝取眾生以是因緣得指網縷以好酥油摩洗父母和上師長有德之人以是因緣得手足柔軟修集善法不知厭足以是因緣得腩踣腸開法歡喜樂為人說為法走使以是因緣得踝骨不現相三業清淨瞻病施藥破除憍慢飲食知足以是因緣得平立手摩膝相見分離者善言和合自修慚愧亦教人修以是因緣得馬藏相自淨三業亦教人淨若有眾生四大不調能為療治以是因緣得身圓相聞法歡喜樂為人說以是因緣得身毛上靡相思惟諸法甚深之義樂修善法供養父母和上師長有德之人若行道路佛塔僧坊除去埽石荆棘不淨以是因緣得三毛右旋相若以飲食瓔珞施人除去瞋心以是因緣獲得二相一者金色二者常光以何業緣得一一毛相即此業緣得身細軟塵垢不著常施眾生所須之物以是因緣得七處滿相自破憍慢調柔其性隨眾生心如法而行為除不善教以善法以是因

緣得上身如師至相得肩圓相腭骨平滿相以何業緣得纖指相即此業緣得身腭相遠離兩舌和合闔諍以是因緣得四十齒相齒密不踈相齒齊平相修欲界慈以是因緣得白齒相見有求者歡喜迎送以是因緣得方頰車相等視衆生猶如一子以是因緣得上味相常施衆生无上法味見有忘者施其憶念自持五戒轉以教人修集悲心能大法施以是因緣得肉髻相廣長舌相實語喜語法語軟語非時不語以是因緣得梵音聲相修集悲心視諸衆生猶如父母以是因緣獲得二相一者目紺青色二者眼如牛王見有德者稱實讚歎以是因緣得白毫相三十二相雖復各各說其因緣真因緣者持戒精進何以故若不持戒能修精進尚不得人身况得三十二相無見頂相及肉髻相等无老別復次凡所作事定心不悔以是因緣得足下平相若至心作以是因緣得千輻輪相第二第三指網縵相七處滿相細軟肩圓缺滿身

直廣長舌相若常作者以是因緣得長指相平住摩膝常光一尋相齒密不踈相若淨作者以是因緣獲得餘相復次若於衆生生淳善心以是因緣得手足柔軟膚體細滑塵垢不著次第修集時節修集以是因緣得第二第三第四相熹修善法心無悔退以是因緣得金色身常光齒白眉間毫相若聞讚歎不生憍慢覆蔽善法不令人知以是因緣得馬藏相所修集法迴向菩提以是因緣得一孔一毛相身毛上靡口四十齒取上味相勲精進故以是因緣得方頰車上身如師子相至心愛念一切衆生如視一子以是因緣得齒齊平紺青目牛王眼相修集善法不知厭足以是因緣獲得餘相菩薩摩訶薩住性行時修三十二相業住淨行時雖有如三十二相相不具足未得明淨住十三行亦乃了了明顯具足一切佛法雖無量相衆生不同有下中上不可思議是故佛說三十二相一切衆生所有功德和合集聚正與如來一

毛相等一切毛孔所有功德和合集聚乃成一好合集衆好所有功德增至百倍乃成一相唯除白毫无見頂相合集其餘一切諸相增至千倍成是二相和合集聚三十二相八十種好所有功德增至千万億倍乃成如來深遠豔音其聲聞于無量无边諸佛世界如來成就如是等無量无边功德以是義故如來世尊名為無上所行之法名無上行三十二相八十種好有三種无量一者三劫無量二者修善無量三者利益衆生无量是故說言如來成就無量功德菩薩畢竟地住品第六

菩薩四淨者一者身淨二者緣淨三者心淨四者智淨永斷習氣得清淨器成阿耨多羅三藐三菩提身得自在生滅自由是名身淨神通自在名為緣淨修集善法心離煩惱是名心淨知一切法無有罣碍得自在智知一切法行是名智淨菩薩以是四清淨法獲得十力何等為十一者知是處非處力二者知諸業力三者知諸

戒經第九卷 第五十五

菩薩善戒經第九卷 第五十五

菩薩善戒經第九卷 第五十五

禪定解脫力四者知諸根利鈍力五者知諸衆生解力六者知衆生界力七者知至處道力八者知過去世力九者天眼力十者漏盡力如來所說真實無二是故名為多陀阿伽度若說善果及不善果真實因緣真實體真實性真實住真實生是名是處善不善果非因作因是名非處破憍慢智名真實智名一切智名無尋智名為淨智名離慢智數次第故名第一力無有上故名一切行利益衆生破壞諸魔故名為力真實莊嚴得自在故名為具足能破一切諸恐怖故名為涅槃因八正道因破諸苦故名為无上如法住故名為真實自得淨法憐愍衆生而為演說故名為梵輪梵輪者名為如來如來者名為清涼清涼者名之為戒受持淨戒如戒而說是名清淨正說實說利益而說廣大說無尋說一切說畢竟說无上說無漏說無為說外說現前說是故名為大師子吼說善方便說真實因以真實因緣得真實果所謂人天及无

上果無上果故名為無上若作業已增長得果名為過去有作業已未受果報亦名過去未作業故作未得果欲得是名未來已作之業未得果報受果之業已滅過去是名現在去來現在業有三種謂身口意果身口意果何處造作身口意思業是處得果名是處純善之業不得惡果是名非處不善惡業不得善果是名非處人業不受地獄果報是名非處地獄之業不受人報是名非處唯除能修身戒心慧令地獄報人中輕受以相似故名地獄報人中輕受故名人果是名是處非處四禪八解脫如是等法自在修得以自在故是故如來常在三時說法之時

名第三禪定解脫力知信等五根有上中下從聞生者正思惟生者是名根力知上中下欲是名解力知種種性聲聞性緣覺性如來性衆生貪性乃至八万四千煩惱是名第五力知因煩惱獲得種種世界之身是名第六力知諸煩惱各有對治知一切有亦各有對知破一切惡邪見對是名至處道力了知四方種種衆生種種名字過去衆生念八事一名二生三姓四食五受苦樂六壽七住八者命終復念六事一者名字二者剎利等姓三者親族父母四者飲食五者貧富六者壽夭是名第八力天行名為四禪得四禪果故名為天眼具足獲得淳善果故名為清淨明不同故名過天眼有欲界天眼雖復名同以不淨故不名天眼天眼知者見衆生墮墮者名天復有墮者名為人死生名中陰中陰有二種一者善二者不善不善中陰色如黑毳毼夜闇之時淨眼乃見清淨天眼見中陰色亦復如是善中陰色如波羅捺女衣明月之

時淨眼乃見清淨天眼見中陰色亦復如是黑色者名下行衆生白色者名上行衆生身口意惡業因緣故名為下行身口意善業因緣故名為上行惡業者名為邪見邪見有二一者可轉二不可轉誹謗因果言無聖人名不可轉非因見因果果見果是名可轉是故惡業名為邪見善業者名為正見不謗四諦信善惡業真實業報是故善業名為正見惡業因緣死過地獄不樂受果故名地獄放逸惡業共為翅羽必至地獄明見因果故為天眼善業因緣過於惡死樂受果報受人天身以正見故得生善有生善有者名為人天眼見了了故名天眼云何善有以善因緣獲得善果是名善有是名第九力以修身戒心慧因緣斷一切漏以斷漏故獲得无漏身戒心慧無漏身戒心慧有二種見道修道以二道故心得解脫慧得解脫得心慧解脫故能示神通教化衆生是名第十力十力菩薩知性知分別知自相共相不共相知平等知業

知次第知知勝不勝菩薩能知如是七事知性者十力性即五根性以慧多故名為智性是故說言知慶非慶不言信慶非慶乃至漏盡亦復如是分別者有三種一者分別時二者分別行三者分別自相共相十力能知一切時所謂過去未來現在是名分別時十力能知一切十方世界无量煩惱對治是名分別行十力能知一切色相是名自相知色無常乃至一切法無常是名共相是名分別自相共相不共者十力不共一切聲聞緣覺十方諸佛同得十力是名平等知業者慶非慶力因實知因果實知果是第二力如來了知自業果報亦知衆生所有業果因禪定解脫力故如來得三種示現能調衆生因知根力了知衆生下中上根以知根故隨根說法因解力故如來了知一切衆生善性惡性為除惡性教以善性因知世界力故如來常行世間之法不為世法之所染汙知世界故知衆生界知衆生界故隨根隨心隨其煩惱而

為說法云何如來初教衆生令入佛法如來若教聲聞菩薩初入佛法作如是言善男子汝應修集深樂寂靜空閑獨處汝初生時父母為汝所立名字乃至諸師和上所立名字當至心觀如我此字父母諸師和上所作於內外六入有耶無耶善男子汝若離於內外諸入不見有者汝於念時得真實知知是名字虛假不真法亦不真名亦不真以名字法不真實故云何於是而生憍慢善男子汝於念時復應觀眼及眼名字眼有二種一者名字二者流布眼名非眼眼相非眼若有一物名為眼者是物亦无若實有眼名亦應實若真實者衆生生時自應識知不須教誨未見不教而能知者以是義故知名亦不實物亦不實如眼識亦如是作是觀時除斷內外諸入貪著以斷內外貪故斷一切法相以斷一切法相真實知於一切法性一切法性者謂不真實无有相貌善男子作是觀時若欲得一切智欲得大慈大悲欲得初禪乃至非

菩薩戒經卷第六

菩薩戒經卷第六

菩薩戒經卷第六

想非非想欲得性行乃至如來行欲得菩薩地六通乃至阿耨多羅三藐三菩提悉能得之是名第六力因至處道力知真實道不真實道壞不真道示以真道因宿命力故知受眾苦知已不樂生死亦教眾生死不樂生死壞於常見因天眼力授人記剎斷於斷見因漏盡力如來自知已得解脫能壞眾生死非如來謂真如來見非沙門言實沙門非婆羅門言實婆羅門如來得阿耨多羅三藐三菩提時得是十力一時而得云何而說有次第耶如來得阿耨多羅三藐三菩提時初觀因果是故初名處非處力如是因果誰所受作是名業力以破業故修集禪定為知眾生死誰能修集誰不修集故觀諸根根有三種謂下中上是名眾生死性是第五力以知性故知心淨不淨是名世界欲知淨心及不淨心因緣故知至處道如是道者斷常斷見是名宿命天眼力二見斷故諸漏永盡名漏盡力是名次第復有次第如來得阿耨多羅三藐三菩

提時取初先觀是處非處次觀世業破世業故觀禪解脫及觀眾生死能修集道不能修集故次天眼見諸眾生諸根利鈍為欲知故餘如先說復有次第如來得阿耨多羅三藐三菩提時觀十二因緣是處非處十二因緣由何而出是故觀業眾生死諸業或有受報或不受報故天眼觀何等為眾生死故觀法界是名為解法界世界无有老別欲知難調易調故知宿命為知受教不受教故知根利鈍知已為說八正道分名至處道以道力故斷諸煩惱名漏盡力處非處力及以業力有何老別善業惡業了知善果及以惡果是名是處非處力作者定受不作不受是知業力為欲調伏不善業故修集禪定調伏有二種一者信二者不信是故觀根信心有二種一者信三寶二者信摩醯首羅是名為解脫有三種謂下中上是名世界力知世界已說於世道聲聞道緣覺道菩薩道佛道是名至處道力觀諸眾生善因惡因重業輕業是名宿命力

因是知故斷常斷見是名天眼真實見故諸漏永盡是名漏盡力十力之性悉是智性無有老別以境界緣故說有老別四无所畏如常說如來為眾生死說於四事一者聲聞不共法解脫二者聲聞共解脫三者眾生死苦解脫四者為眾生死苦得解脫說於對治聲聞不共者我所覺知若言有法汝不知者我亦不見沙門婆羅門若人若天若魔若梵如法而言不知不見以不見故不生著畏我漏已盡若言不盡不見沙門乃至魔梵如實而言汝漏未盡以不見故不生著畏我已得道若言是道非畢竟者我亦不見有諸沙門乃至魔梵如實而言汝未得道是非畢竟以不見故不生著畏我說障道若言不障我亦不見有諸沙門乃至魔梵如實而言說障非障以不見故不生著畏佛所說道為諸菩薩及諸聲聞佛涅槃後集結藏時聲聞藏中除菩薩名菩薩藏中安菩薩名是故方等名菩薩藏不共聲聞者謂如來三念處如來說法至心

聽受心得歡喜受諸安樂如法而住
不違佛教佛亦不喜修集捨心不失
正念亦不放逸如來說法有不信受
違反所說佛亦不瞋無有愁惱修集
捨心不失正念亦不放逸如來說法
或有聽者有不聽者聽者不喜不聽
不愁修集捨心不失正念亦不放逸
是名三念處復有不與聲聞共者謂
三不護如來不護身口命有阿羅漢
無記業起失念心故无記業者名突
吉羅如來已斷一切無記業何以故
常修正念故是故如來隨心而說呵
責眷屬所謂驅擯虛言加之心無畏
難何以故身口命淨故復有不與聲
聞共所謂大悲如先說如來作何事
何處作何因緣作云何作何時作如
是諸事能如實知是名念心如來知
何事者謂一切行何處者一切世界
何因緣者為調伏眾生云何作者謂
善方便何時作者謂一切時以是故
如來常修正念之心如來世尊若動
若眴若語若行若住若作一切時中
無煩惱習是故說言如來永斷煩惱

習氣阿羅漢等則不如是是故不與
聲聞共也如來覺知三種法聚一者
得利益義聚二者非利益義聚三者
非利益非不利益義聚如來了了知
是三聚是故說言如來得一切智如
是等一百四十不共之法不與聲聞
辟支佛共是故名為聲聞不共菩薩
行時得三十二相八十種好然不明
淨坐道樹下無師修集三十七品乃
得明淨學地菩薩得金剛三昧已次
第二念得十力一切佛法乃至一切
淨智以得故名一切智无身智无障
智淨智寂靜智清淨智具足智是名
畢竟地過一切菩薩行一切菩薩地
入如來地如來行得無上身轉菩薩
身永斷習氣住畢竟地菩薩摩訶薩
親見佛法如羅穀中視如來世尊都
無斯事是故名淨住畢竟地菩薩見
於佛法如遠見色諸佛見法如近見
色畢竟菩薩見於佛法如聞見色諸
佛見法如晝見色畢竟菩薩如未出
胎諸佛世尊如已出者畢竟菩薩如
夢所見諸佛世尊如覺見物畢竟菩

薩如燈不明諸佛世尊如滅明燈菩
薩得阿耨多羅三藐三菩提已能於
一切諸佛世界施作佛事作佛事者
有九種一一佛事能大饒益无量眾
生何等九一者自為大丈夫事能令
眾信丈夫事二者以三十二相八
十種好莊嚴其身為利眾生破其疑
網三者如來具足十力具足十力故
能利眾生若有問言云何為力則能
善解破其疑心調伏眾生壞破邪見
四者如來具足四無所畏為信三寶
為調伏眾生為破邪見為大師子乳五
者如來具足三念處如說而行如行
而說破諸煩惱能畜徒眾能化眾生
六者如來具足三不護法為利眾生
為調眾生晝夜常以佛眼觀察諸眾
生七者如來具足大悲為具足攝提
波羅蜜為令眾生離諸苦故為施安
樂故八者如來具足無錯謬不失念
心是故無師如法而行如法而住為
利眾生令調伏故為壞眾生諸放逸
故九者如來永斷煩惱習氣知義法
非義法非義非非義法是故如來說

於義法離非義法非義非非義法如來具足一百四十不共之法如是九事能作佛事是名如來行是名如來地是名如來畢竟地何以故為如來行如來地如來畢竟地於無量億那由他劫受菩薩戒修菩提行畢竟菩薩能教无量無邊眾生住畢竟地如來一切佛法悉為眾生不自為己聲聞緣覺所有之法但為自利少利於他是故二乘無不共法無上佛法終无似於聲聞辟支佛法大悲不錯謬斷習氣一切智五智三昧如來具足一切不共之法是故名為无上此經演說菩薩禁戒菩薩道菩薩戒果一切菩薩行一切菩薩戒果行是故名為菩薩地名菩薩藏菩薩摩夷攝取一切大乘經典無尋智經若天若人若沙門若婆羅門信是經典受持聽說讀誦書寫廣說修集分別其義見有持者供養恭敬尊重讚歎燈燭香花伎樂供養當知是人常為十方諸佛之所護念稱說其名得无量功德聚何以故菩薩戒因緣得阿耨多羅

菩薩善戒經第九卷 第二十七張 維

三藐三菩提受持讀誦書寫解說菩薩戒故如來正法久住不滅諸惡比丘漸漸熾盛若無菩薩戒者諸惡比丘漸漸熾盛如來正法不久則滅亦時優波離白佛言世尊此經當名何經優波離是名善戒名菩薩地名菩薩毗尼摩夷名如來藏名為一切善法根本名安樂因名諸波羅蜜聚亦時優波離聞佛所說歡喜禮拜右遶而去

菩薩善戒經卷第九

壬寅歲高麗國大藏都監奉勅雕造

菩薩善戒經第九卷 第二十七張 維

菩薩善戒經卷第九

校勘記

- 一 底本，金藏廣勝寺本。六五三頁中一〇行至次頁上六行及六六一頁下二二行至次頁中末行，原版或殘或缺，以麗藏本補換。
- 一 六五三頁中一行經名，二行譯者，石無。未換卷。
- 一 六五三頁中三行「如法住菩薩」，石、寶、磧、南、經、清無。
- 一 六五三頁中三行末字「二」，經、清作「二十六」。
- 一 六五三頁中一八行第四字「常」，麗作「當」。
- 一 六五三頁下八行「修集」，磧、南、經、清作「修習」，下同。
- 一 六五四頁上末行第二字「念」，經、清作「命」。
- 一 六五四頁中四行第四字「名」，寶、磧、南、經、清作「是名」。
- 一 六五四頁中一一行品名，「如法住

菩薩」，**石**、**資**、**磧**、**南**、**徑**、**清**、**麗**無，下同。

一 六五四頁中一行末字「三」，**徑**、**清**作「二十七」。

一 六五四頁中一二行第八字「二」，**石**作「三」。

一 六五四頁中一三行第六字「地」，**石**作「切」。

一 六五四頁中一七行第六字「戒」，**資**、**磧**、**南**作「或」。

一 六五四頁中一七行第一二字「行」，**石**作「行三種行」。

一 六五四頁中一七行「定行及」，**資**、**磧**、**南**、**徑**、**清**、**麗**無。

一 六五五頁上四行第一二字「集」，**磧**、**南**、**徑**、**清**作「習」。

一 六五五頁上七行末字「四」，**徑**、**清**作「二十八」。

一 六五五頁中六行第一一字「果」，**石**無。

一 六五五頁中七行「是故」，**麗**作「故是」。

一 六五五頁中九行首字「法」諸本（不包括**晉**）作「治」。

一 六五五頁下四行第五字「心」，**石**作「以」。

一 六五五頁下一八行第一〇字「長」，**徑**作「畏」。

一 六五五頁下二二行末字「五」，**徑**、**清**作「二十九」。

一 六五六頁上七行第八字「縵」，**石**作「鞞」，下同。

一 六五六頁上八行第四字「躡」，**磧**、**南**、**徑**、**清**作「踰」。

一 六五六頁上一〇行第八字「身」，**磧**、**南**、**徑**、**清**作「果」。

一 六五六頁上一一行「二二」，**石**、**資**、**磧**、**南**、**徑**、**清**、**麗**作「一一」。

一 六五六頁上一二行第二字「孔」，**石**、**麗**無。

一 六五六頁上一二行第九字「金」，**石**、**磧**、**南**、**徑**、**清**、**麗**作「真金」。

一 六五六頁中一行第八字「兩」，**麗**無。

一 六五六頁中三行第二字「二」，**石**作「三」。

一 六五六頁中三行第一〇字「三」，**石**、**磧**、**南**、**徑**、**清**作「二」。

一 六五六頁中四行「是二」，**石**作「是名三好」；**資**、**磧**、**南**、**徑**、**清**作「是名二好」；**麗**作「是三好」。

一 六五六頁中四行第九字「掖」，**石**、**徑**作「腋」。

一 六五六頁中七行第五字「服」，**石**、**磧**、**徑**、**清**作「頰」。

一 六五六頁中七行第一一字「方」，**資**、**磧**、**南**、**徑**、**清**、**麗**無。

一 六五六頁中一四行第一三字至一五行首字「以惡業」，**石**無。

一 六五六頁中一八行第一一字「平」，**資**、**磧**、**南**、**徑**、**清**作「平相」。

一 六五六頁中一九行「和上」，**磧**、**徑**、**清**作「和尚」，下同。

一 六五六頁中二二行第八字「坐」，**徑**作「座」。

一 六五六頁中末行第一〇字「指」，

一 資、磧、南、徑、清作「指相」。

一 六五六頁下二行第一〇字「酥」，麗作「蘇」。

一 六五六頁下五行第五字「膊」，磧、南、徑、清作「膊」。

一 六五六頁下一一行末字「瘡」，磧、徑、清、麗作「瘡」。

一 六五六頁下一七行「得一一毛右旋相」，資、磧、南、徑、清、麗作「得身毛相」。

一 六五六頁下末行第二字「而」，石作「如」。

一 六五七頁上一行第八字「王」，資、磧、南、徑、清、麗無。

一 六五七頁上一六行「白毫」，磧、南作「身諸」。

一 六五七頁上末行第一二字「歎」，石、麗作「缺骨」。

一 六五七頁中二行第七字「膝」，石、磧、徑、清、麗作「膝相」。

一 六五七頁中一一行首字「集」，石、麗作「善」；徑、清作「習」。

一 六五七頁中一五行末字「目」，資、磧、徑、清作「如」。

一 六五七頁下一四行「菩薩」，石、資、磧、南、徑、清、麗無。

一 六五七頁下一四行末字「六」，徑、清作「三十」。

一 六五七頁下一七行首字「器」，石作「品」。

一 六五八頁上一行第九字「諸」，石作「諸衆生」。

一 六五八頁上二行第一〇字「知」，石作「知諸」。

一 六五八頁上七行第一、二字「真實」，石無。

一 六五八頁上二二行第六字「善」，資、磧、南、徑、清、麗作「善力」。

一 六五八頁中三行第一〇字「故」，石、麗作「欲」。

一 六五八頁中六行第一〇字「意」，石作「意身口意」。

一 六五八頁中一七行第二字「時」，諸本(不包括普)作「昧」。

一 六五八頁中二二行第一三字「集」，徑作「習」。

一 六五八頁下五行第八字「惱」，石、麗作「惱性」。

一 六五八頁下一四行第五字「矢」，諸本作「天」。

一 六五八頁下一六行第一〇字「明」，資、磧、南、徑、清作「眼」。

一 六五八頁下一七行第二字「天」，石、麗作「人」。

一 六五八頁下末行第一〇字「女」，石作「新」。

一 六五九頁上一一行首字「過」，資、磧、南、徑、清作「入」。

一 六五九頁上一一行「不樂受」，資、磧、南、徑、清作「受不樂」。

一 六五九頁上一二行第九字「獄」，資、磧、南、徑、清作「獄若受惡報若惡畢竟是名惡死」。

一 六五九頁上一三行首字「爲」，資、磧、南、徑、清作「名」。

一 六五九頁上一三行「樂受」，資、

- 一 六五九頁上一五行第八字「眼」，
石、麗作「明」。
- 一 六五九頁中一行「知知」，諸本作
「知」。
- 一 六五九頁中一五行第三字「二」，
磧、南、經、清作「一」。
- 一 六五九頁下九行第四字「知」，石、
麗作「智」。
- 一 六六〇頁上四行第四字「知」，磧、
南作「不」。
- 一 六六〇頁上七行第一二字「荊」，
石作「別」。
- 一 六六〇頁上一八行第七字「是」，
麗作「是名」。
- 一 六六〇頁中一行第二字「時」，南
作「是時」。
- 一 六六〇頁中七行第三字「而」，資、
磧作「如」。
- 一 六六〇頁中一六行第五字「是」，
石作「是名」。
- 一 六六〇頁下一四行第一一字「者」，

- 一 六六〇頁下一六行第四字「是」，
資、磧、南、經、清作「見」。
- 一 六六〇頁下末行第六字「三」，磧、
南作「二」。
- 一 六六一頁上一七行首字「是」，資、
磧、南、經、清作「來」。
- 一 六六一頁中一二行第三字「以」，
石、麗作「悉以」。
- 一 六六一頁下五行第四字「九」，石、
麗作「爲九」。
- 一 六六一頁下一二行第三字「伏」，
資、磧、南、經、清無。
- 一 六六一頁下一九行第一一字「謬」，
資作「膠」。
- 一 六六二頁上一五行第一二字「是」，
石無。
- 一 六六二頁上末行第四字「故」，石
作「故因」。